



ԿԼԻՄԵՆ
ՀԱՐՈՒԾԱՅԻՆՆԵՐՆԵՐ

ՄԱՐԵԼ
ԲԵՂԲԱՅԵՆ


Handwritten text, possibly a signature or date, located near the bottom center of the page.

✓
ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ

ՊԱՏՄՈՒԹՅԱՆ ԻՆՍՏԻՏՈՒՏ

Կ. Ա. ՀԱՐՈՒԹՅՈՒՆՅԱՆ

Մ Ա Ր Շ Ա Լ
Բ Ա Ղ Ր Ա Մ Յ Ա Ն



929: 355. 484 (այդպես)

ԴՏՀ 941 (479. 25)

ԳՄԴ 63. 3 (22) 722. 78

Հ 422

Տպագրվում է ՀՀ ԳԱԱ պատմության ինստիտուտի
գիտական խորհրդի որոշմամբ

Պատասխանատու խմբագիր՝ ՀՀ ԳԱԱ ակադեմիկոս
Հ. Ա. ԱՎԵՏԻՍՅԱՆ

Գիրքը հրատարակության են ներառվում գրախոսներ՝
սլատական գիտությունների դոկտոր

Մ. Գ. ՍԱՀԱԿՅԱՆԸ

և «Մարշալ Բաղրամյան» հիմնադրամի փոխնախագահ,
պահեստի զննապետ Լ. Ա. ՍՏԵՓԱՆՅԱՆԸ

ՀԱՐՈՒԹՅՈՒՆՅԱՆ Կ. Ա.

Հ 422 Մարշալ Բաղրամյան (Պատ. խմբ.՝ Հ. Ա. ԱՎԵՏԻՍՅԱՆ)
ՀՀ ԳԱԱ պատմ. ին-տ., — Եր., «Գիտություն» հրատ.,
1997, 136 էջ:

Գրքում արխիվային նոր փաստերի, համապատասխան դրակա-
նության և մամուլի նյութերի հիման վրա համառոտակի լուսարան-
վել է հորհրդային Միության մարշալ, հորհրդային Միության կրկ-
նակի հերոս Հովհաննես Խաչատուրի (Իվան Քրիստափորի) Բաղրամ-
յանի կենսագրությունը, բացահայտվել նրա զինվորական, գիտական
և հասարակական-քաղաքական գործունեության նոր էջեր:


Նախատեսված է ընթերցող լայն շրջանների համար և նվիրվում է
ականավոր զորահրամանատարի ծննդյան 100-ամյակին:

2 0503020913
709(02) — 97 Ձևատ.

ԳՄԴ 63. 3 (22) 722. 78

© ՀՀ ԳԱԱ «Գիտություն» հրատարակչություն, 1997





Հայրենական մեծ պատերազմի տարիներին խորհրդային բանակը ֆաշիզմի դեմ տարավ պատմական մեծ նշանակություն ունեցող հաղթանակ՝ աշխարհը փրկելով «դարձնագույն ժանտախտից»՝ ֆաշիստական ստրկացումից։ Ֆիզիկական բնաջնջումից փրկվեցին սլավոնական ժողովուրդները, անգլոսաքսերը և շատ ուրիշներ, հաղթեց ժողովրդավարական առաջադեմ գաղափարները պաշտպանող հակաֆաշիստական կոալիցիան։ Այդ հաղթանակը հատկապես կարևոր նշանակություն ունեցավ հայ ժողովրդի համար, քանի որ ֆաշիստական Գերմանիայի դաշնակից Թուրքիան պատերազմի սկզբին 26 սպառազեն դիվիզիա¹ էր կանգնեցրել խորհրդային Հայաստանի սահմանների մոտ և հարմար պահի էր սպասում այնտեղ ներխուժելու և մի նոր եղևուն կազմակերպելու համար։ Պատերազմի առաջին օրերին Թուրքիայում լույս էին տեսնում հոգվածներ, աշխատություններ, կազմվում քարտեզներ, որտեղ իսպառ վերացված էր նաև խորհրդային Հայաստանը և Հայաստան աշխարհն ընդհանրապես։

«Հայ ժողովուրդը իր բազմադարյան պատմության մեջ քանիցս ենթարկվել է օտար բռնակալների, հարձակումներին, — պատերազմի առաջին օրերին նշել է այն տարիներին ԽՍՀՄ գլխավոր թերթ՝ «ПРАВДА»-ն՝ «Հայ ժողովուրդը խորհրդային Միության ազատագրական պատերազմի մարտական մասնակիցն է» առաջնորդող հոգվածում, — նա գիտե, թե ինչ

¹ Տե՛ս Ս. Մ. Շտեմնիկո, Գլխավոր շտաբը պատերազմի տարիներին, դիրք 1-ին, Ե., 1970, էջ 69։

բան է կոտորածը, ավերը, սովը, բռնությունները: Հայ ժողովուրդը չի մոռացել հայերի ֆիզիկական ոչնչացումը, որը կազմակերպել էր արյունոտ Հիտլերի նախորդ Վիլհելմ կայսրը՝ առաջին իմպերիալիստական պատերազմի տարիներին²: Այդ նպատակով էլ, երբ արյունալի հրգեհնի պես բռնակցեց պատերազմը, որն սկսել էր մարդակեր Հիտլերը խորհրդային Միության դեմ, ամբողջ հայ ժողովուրդը մեկ մարդու պես ոտքի կանգնեց պաշտպանելու հայրենիքը»³: Հայրենական մեծ պատերազմին մասնակցեց ավելի քան 500 հազար հայ, որոնցից 200 հազարը չոհվել են այդ մարտերում⁴: Պատերազմին հայ ժողովրդի մասնակցության ակտիվությունը դրսևորվեց ոչ միայն բանակին ավելի քան կես միլիոն մարդ ղինվորագրելով, այլև մարտերում տարբեր զորատեսակների կազմում ցուցաբերած հերոսությանը: ԽՍՀՄ Պաշտպանության նախարարության կազմերի գլխավոր վարչության պարգևատրման բաժնի 1947 թ. նոյեմբերի 1-ի տրվյալներով Հայրենական մեծ պատերազմի տարիներին շքանշաններով ու մեդալներով են պարգևատրվել հայեր՝ 66802, վրացիներ՝ 49106, ադրբեջանցիներ՝ 36180 հոգի և այլն⁵: Պատերազմի տարիներին խորհրդային Միության հերոսի կոչում է շնորհվել 104 հայի (երկու հոգու շնորհվել է կերկնակի հերոսի կոչում), 91 վրացու, 43 ադրբեջանցու⁶ և այլն, 27 հայեր դարձել են Փառքի շքանշանի լրիվ ստպետներ⁷: Պատերազմի տարիներին 13 հայորդու շնորհ-

² Խոսքը վերաբերում է 1915 թ. Թուրքիայի կողմից Արևմտյան Հայաստանում իրագործված կոտորածներին, որի հետևանքով բնաջնջվեց Արևմտահայաստանի բնիկ ժողովուրդը՝ ավելի քան 1,5 միլիոն հայ:

³ «Правда», 1941, 25 августа.

⁴ Տևս «Հոլաժմատյան», գիրք 1-ին, Ե., 1995, էջ 6—7:

⁵ «Красная звезда», 1967, 28 марта.

⁶ Герои Советского Союза, М., 1984, с. 245 (ադրբեջանցի հերոսների մեջ զգալի թիվ են կազմում Թալիշները, Թաթերը, քրդերը, լեռնային հրեաները և այլն):

⁷ Кинга о героях, Ереван, 1985, с. 229—285.

վել է Սոցիալիստական աշխատանքի հերոսի կոչում. ավիա-
կոնստրուկտոր, գեներալ-գնդապետ Արտեմ Իվանի Միկոյա-
նին այդ բարձր կոչումը շնորհվել է կրկնակի: Հետագայում
ռազմադիտական աչքի ընկնող ծառայությունների համար Սո-
ցիալիստական աշխատանքի կրկնակի հերոսներ են դարձել
ակադեմիկոս Վիկտոր Համազասպի Համբարձումյանը և հըր-
թիռամիջուկային վահանակի ստեղծման գլխավոր կոնստ-
րուկտոր Սամվել Գրիգորի Քոչարյանցը: 1945 թ. դեկտեմ-
բերի 31-ի տվյալներով պատերազմին մասնակցել են 60 հայ
դեներալ, մեկ ավիացիայի մարշալ և մեկ նավատորմի ծովա-
կալ: Հետպատերազմյան տարիներին պատերազմի մասնա-
կից հայ դեներալների թիվը անցել է 130-ից, իսկ ծովակալ-
ներինը՝ 10-ից⁸: Նրանցից Հովհաննես (Իվան) Սաևիանի Ի-
սախովին 1955 թ. շնորհվել է Խորհրդային Միության ծովա-
կալի, իսկ Հովհաննես Խաչատուրի (Իվան Քրիստափորի)
Բաղրամյանին՝ Խորհրդային Միության մարշալի կոչումներ:
1975 թ. Զրահատանկային զորքերի գլխավոր մարշալի կոչում
է շնորհվել Համազասպ Խաչատուրի Բաբաջանյանին: Ավելի
վաղ՝ 1944 թ. ավիացիայի մարշալի կոչում էր շնորհվել Ար-
մենակ Արտեմի Խանիկելյանցին (Սերգեյ Ալեքսանդրովիչ
Խուդյակով): Պատերազմի տարիներին Հայաստանում ձեռ-
վորվեցին կամ համալրվեցին 6 հայկական և 7 համագործակց
դիվիզիաներ, որոնք իրենց արժանի ավանդը ներգրեցին Ֆա-
շիստական Գերմանիայի դեմ տարած հաղթանակում: Պատե-
րազմի տարիներին հայ ժողովուրդը ավելց տաղանդավոր զո-
րավարների մի ամբողջ սերունդ, որն իր արժանի տեղը գրավեց

⁸ Հաշվումները կատարված են մեր կողմից: Հայ դեներալների թիվն
ավելի մեծ կլիներ, եթե 1937—1940 թթ. ստալինյան բռնաճնշումներին զոհ
չգնային կարմիր բանակի ճանաչված զորապետներ, կոմկորներ Հայկ Դմիտ-
րի Բժշկյանը (Գայը), Գրիգոր Դավթի Խախանյանը, Գառաթը Կարապետի
Ոսկանյանը, Անդրեյ Պավելի Մելիք-Շահնազարյանը, առաջին կարգի բա-
նակային կոմիսար Հայկ Ալեքսանի Հովսեփյանը, զիվհրամ Հակոբ Թադե-
վոսկ Արոյանը և ուրիշներ:

խորհրդային բանակի ղորավարների համաստեղության մեջ: Նրանցից մեկը եղել է ռազմաճակատի, 3-ը բանակի, 5-ը՝ կորպուսի, 22-ը՝ դիվիզիայի հրամանատար: Հայ գեներալներից 3-ը եղել են ռազմաճակատի ռազմական խորհրդի անդամ, մեկը՝ ռազմաճակատի հրետանու հրամանատար, 3-ը՝ ռազմաճակատի ղանադան վարչությունների պետեր: Ավելի քան 100 հայորդիներ եղել են բրիգադների և գնդերի հրամանատարներ⁹:

Հայ ժողովրդի տաղանդավոր ղորավարների ականավոր ներկայացուցիչն է խորհրդային Միության մարշալ, խորհրդային Միության կրկնակի հերոս Հովհաննես Խաչատուրի (Իվան Քրիստափորի) Բաղրամյանը, որի ծննդյան 100-ամյակը լրանում է այս տարի՝ դեկտեմբերի 2-ին: Նրա անունը ոսկե տառերով է գրված Հայրենական մեծ պատերազմի տարեգրության մեջ և արժանի տեղ է գրավել խորհրդային այնպիսի ականավոր ղորապետների շարքում, ինչպիսիք են՝ խորհրդային Միության մարշալներ, քառակի հերոս Գեորգի Կոստանտինովիչ ժուկովը, կրկնակի հերոսներ Ալեքսանդր Միխայլովիչ Վասիլևսկին, Կոնստանտին Կոնստանտինովիչ Ռոկոսսովսկին, Իվան Ստեպանովիչ Կոնևը, Ռոդիոն Յակովլևիչ Մալինովսկին, խորհրդային Միության հերոսներ Անդրեյ Իվանովիչ Երյոմենկոն, Լեոնիդ Ալեքսանդրովիչ Դոմոբրովը, Ֆեոդոր Իվանովիչ Տոլբուխինը, որոնք պատերազմի եզրափակիչ շրջանում ռազմաճակատների հրամանատարներ էին և պատմության մեջ մնացել են «հաղթանակի մարշալներ» անունով:

Խոսելով մարշալ Բաղրամյանի ղորավարական կենսագրության մասին, հարկ ենք համարում նշել, որ նա անցել է կյանքի դժվարին ու լարված ուղի, որը նրան շարքային զինվորից հասցրել է մարշալի կոչման: Այդ ուղին հարուստ էր

⁹ Տե՛ս «Լրարեր հասարակական գիտությունների», 1995, թիվ 1, էջ 47 (Կ. Ս. Հարությունյան, Հայ ժողովրդի մասնակցությունը Հայրենական մեծ պատերազմին):

երկրի հասարակական, սոցիալական, քաղաքական կյանքում տեղի ունեցած վիթխարի վերափոխումներով, որոնք իրենց ճշմարիտ արտացոլումն են գտել մեծահամբավ զորավարի բազմաթիվ հուշագրություններում, աշխատություններում և հոգվածներում: Մարշալի ռազմագիտական հարուստ ժառանգությունը, ռազմական արվեստի և պատմության վերաբերյալ նրա կարգացած դասախոսություններն ու հրատարակած գործերը, կյանքի հարուստ փորձը և մարդկային գործունեությունը արժանի են ոչ միայն բազմակողմանի խորը ուսումնասիրության, այլև ընդօրինակման Հայկական բանակի զինվորականության կողմից: Այն վիթխարի նշանակություն կունենա հատկապես երիտասարդության ռազմահայրենասիրական դաստիարակության գործում:

Հովհաննես Բաղրամյանը ծնվել է 1897 թ. դեկտեմբերի 2-ին Ելիզավետպոլի (այժմ՝ Գյանջա-Գանձակ) երկաթուղային կայարանի բանվորական ավանում: Նրա հորական պապը՝ Կարապետ Բայրամյանը XIX դարի կեսերին մի խումբ համագյուղացիների հետ Հայաստանի Իջևան—Շամշադինի գավառի Կոթի գյուղից մշտական բնակության համար տեղափոխվել էր Ելիզավետպոլի նահանգի Շամխորի շրջանի Չարդախլու հայկական գյուղը: Այստեղ նա, ինչպես վկայում է ապագա մարշալը, Բայրամյան ազգանունը դարձրել է Բաղրամյան¹⁰: Չարդախլու գյուղում էին ծնվել ապագա մարշալի հայրը՝ Խաչատուր Բաղրամյանը և մայրը՝ Մարիամ Արտեմի Մարտիրոսյանը: Կարիքը ստիպել էր պատանի Խաչատուրին երկու տարի աշխատել Գեղաբեկի պղնձահանքերում, ապա հիվանդանալուց հետո վերադառնալ հայրենի գյուղ: Այնուհետև նա տեղափոխվել է Ելիզավետպոլ, աշխատանքի անցել երկաթուղում, որպես ճանապարհ վերանորոգող բանվոր և բնակություն հաստատել երկաթուղային կայարանի բանավանում: Խաչատուրն ու Մարիամն ունենում են երեք որդի՝

¹⁰ Սովետական Հայաստան, թիվ 11, 1988, էջ 7 (Բ. Սեյրանյան, Մարշալի վերջին իղձը):

Աբգար, Հովհաննես (Իվան, Վանյա), Ալեքսեյ և մեկ աղջիկ՝ Արուսյակ անուններով¹¹։ Ավելի քան կես դար երկաթուղում աշխատելուց հետո խաչատուր Բաղրամյանը մահանում է 1929 թ., իսկ Մարիամը՝ 1942 թ.։ 1907 թ. Հովհաննես Բաղրամյանը ընդունվում է Ելիզավետպոլի երկաթուղային երկդասյա ուսումնարանը։ Չնայած վերջինս կոչվում էր երկդասյա, սակայն ուսումնասիրության ընդհանուր ժամանակը 5 տարի (ուսուցումը տարվում էր ուսերին լեզվով) էր։ 1912 թ. Բաղրամյանը գերազանց առաջադիմությամբ ավարտում է ուսումնարանը¹²։ Նույն թվականին գերազանց հանձնելով ընդունելության քննությունները 15-ամյա Վանյան ընդունվում է Թիֆլիսի երկաթուղային տեխնիկական ուսումնարան, որը, նույնպես գերազանցությամբ, ավարտում է 1915 թ. մայիսի վերջին և որպես տեխնիկ-պրակտիկան աշխատանքի նշանակվում Անդրկովկասյան երկաթուղու 9-րդ գծամասում՝ Ելիզավետպոլում։ Հայրը և մայրը չափազանց ուրախ էին իրենց որդու հաջողություններով և մտածում էին Վանյային երկաթուղային ինժեներ դարձնելու մասին։ Սակայն իրադարձությունները դասավորվեցին այլ կերպ։ 1914 թ. օգոստոսի 1-ին սկսվել էր Առաջին համաշխարհային պատերազմը։ Նույն թվականի հոկտեմբերի 29-ին Թուրքիան Գերմանո-Ավստրո-Հունգարական խմբավորման կողմից մտավ պատերազմի մեջ՝ ընդդեմ Անտանտի երկրների (Ռուսաստան, Ֆրանսիա, Մեծ Բրիտանիա, 1915 թ.՝ Իտալիա)։ Հաջորդ օրը գերմանական ու թուրքական ռազմանավերը ռմբակոծում են Սև ծովի ռուսական նավատորմի բազաները, իսկ հետևազորը պրոհում է Կովկասի ռուսական սահմանները։ Թուրքիան պատերազմ է սկսում Ռուսաստանի դեմ, որը տևում է մինչև 1918 թ. սեպտեմբերի 30-ը։ Օգտվելով պատերազմի

¹¹ Մարիամը, մինչև խաչատուրի հետ ամուսնանալը, վաղ հասակում ամուսնացել էր մեկ ուրիշի հետ, ունեցել 3 տղա՝ Վահրամյան, Արշակ, Տիգրան անուններով ու վաղ էլ այրիացել (տե՛ս Ա. Ն. Մնացականյան, Մարշալ Բաղրամյան, Ե., 1978, էջ 9)։

¹² И. Х. Баграмян. Мои воспоминания. Ереван, 1979, с. 7.

ընձեռած հնարավորությունից, ինչպես նաև կայզերական Գերմանիայի հովանավորությունից, Թուրքիայի կառավարությունը պլանավորված ցեղասպանություն է իրականացնում Արևմտահայաստանի բնիկ ժողովրդի՝ հայերի նկատմամբ: Ինչպես արդեն նշեցինք, միայն 1915 թ. կոտորածներին պահ է գնում 1,5 միլիոն անմեղ հայ բնակչություն: Այդ ահավոր լուրերը հասնում էին Թիֆլիս, Երևան, Կովկասի հայաշատ այլ վայրեր և վրեժի ցասում բորբոքում թուրք բարբարոսների հանդեպ: «Նս ալլահ շէր կարող հեռու կանգնել իմ հարազատ ժողովրդի ատելի թշնամու հանդեպ պայքարից, — իր հուշերում հետազայում գրում է Բաղրամյանը, — ես արդեն 18 տարեկան էի և բավականաչափ պարզ հասկանում էի կոմկոսյան ռազմաճակատում ստեղծված ռազմական գործողությունների և Թուրքիայում արյունալի իրադարձությունների էությունը... Դրա հետ մեկտեղ լավ էի հասկանում, որ միայն ռուսական զինվորի հետ ուս ուսի իմ ուժը կպատեր մարտը նշել թուրքական դահիճների դեմ: Այդ զգացումներից մղված և, հաղթահարելով ծնողներիս դիմադրությունը, 1915 թ. հոկտեմբերի 9-ին կամավոր ծառայության անցա ռուսական բանակում: Ինձ ուղարկեցին Ախալցխա քաղաք՝ 116-րդ պահեստային գումարտակ, որտեղ արագացված կարգով պիտք է համապատասխան զինվորական պատրաստություն ստանալի ռազմաճակատ մեկնելուց առաջ»¹³: Այստեղ ապագա մարշալը ծառայում է հրեք ամիս, հաղթահարում բազում դժվարություններ, ձգտում ձեռք բերել այն ամենը, ինչ անհրաժեշտ էին լինելու առաջիկա արշավներում և մարտերում: Ինչպես վկայում է Բաղրամյանը, ինքը շատ բան սովորեց պահեստային գումարտակում, և դրանում մեծ դեր կատարեց այն հանգամանքը, որ ինչպես Երևանից Երկաթուղային երկաթուղային, այնպես էլ Թիֆլիսի երկաթուղային ուսումնարաններում սովորելու տարիներին, կադրային բանակային սպաների ղեկավարությունամբ, անցել էր նախնական զինվորական

13 Ի. Ք. Բաղրամյան, նշվ. աշխ., էջ 25—26:

պատրաստութեան համառոտ դասընթաց, զբաղվել մարմնամարզութեամբ, շարային պատրաստութեամբ և ձեռնամարտով: 1915 թ. դեկտեմբերի վերջերին պահեստային գումարտակից ձևավորվեց հրթիռային գումարտակ, որն ուղարկվեց Կովկասյան ռազմաճակատ՝ համալրելու գեներալ Բարաթովի էքսպեդիցիոն կորպուսի 2-րդ Կովկասյան սահմանապահ գունդը, որը տեղաբաշխված էր Պարսկաստանի Ղազվին քաղաքի մատուցներում: Բաղրամյանը նշանակվեց վերոհիշյալ գնդի 4-րդ գումարտակի 15-րդ հարյուրյակում, որպես շարքային ղեկավոր: 1916 թ. հունվարի կեսերին գումարտակը հրաման ստացավ շարժվել դեպի Համադան: Համադանի մերձակայքում էլ ապագա մարշալը ստանում է իր առաջին մարտական մկրտությունը: Այնուհետև, հետապնդելով թուրքական նահանջող զորքերին Քերմանշահի ուղղությամբ, Բաղրամյանի զորամասը հասնում է Բեհիսթուն գյուղը, որի ծայրամասում գտնվող մի հսկայական ժայռի վրա տեսնում է Աբեմենյան Պարսկաստանի Դարեհ 1-ին թագավորի մ. թ. ա. 522—520 թթ. հուշակավոր սեպագիր արձանագրությունը: 1916 թ. մարտի սկզբներից մինչև ամռան կեսերը, Քերմանշահի, ապա Կասրի-Շիրինի գրավման մարտերում շարքային Բաղրամյանն աչքի է ընկնում խիզախությամբ, գրավում հրամանատարության ուղադրությունը և ուղարկվում Թիֆլիս՝ հենթասպաների դպրոցում սովորելու: Սակայն Թիֆլիսից նրան ուղարկում են Արմավիր, որտեղ Կովկասյան պահեստային հիծյալ գնդի երթային էսկադրոնում մի քանի ամիս ձիավարություն սովորեց: Դրա հետ մեկտեղ ուսումնաստենչ պատանին հաջողությամբ հանձնեց Արմավիրի հայկական գիմնազիայի չորս դասարանների բոլոր քննությունները: Դրանից հետո Բաղրամյանը 1917 թ. փետրվարի սկզբներին ընդունվեց Թիֆլիսի հենթասպաների 1-ին դպրոցը, որպես յունկեր: Այստեղ էլ նա մեծ սեփականությամբ դիմավորեց փետրվարյան հեղափոխությունը՝ ցարիզմի տապալումը: Հուլիսի վերջերին ավարտելով դպրոցը՝ Բաղրամյանը նշանակվեց Նիդամկեստպուլում տեղավորված պահեստային հետևակային գնդի վաշտ-

քից մեկում, որպես կրտսեր սպա։ Բանակում այդ ժամանակ բուռն կերպով աճում էին հեղափոխական տրամադրությունները, զինվորները պայքարում են պատերազմը շարունակելու դեմ, իրենք են սկսում հրամանատարներ ընտրել առաջադեմ սպաներից։ Զինվորական ժողովը Բաղրամյանին ընտրում է վաշտի հրամանատար։ Սակայն դա այնքան էլ դուր չի գալիս գնդի հրամանատարությանը, որը չէր ուզում ճանաչել այդպիսի ժողովրդավարությունը։ Բաղրամյանի անունը մտցվում է ռազմաճակատ ուղարկվող երթաչին վաշտի ցուցակի մեջ և ուղարկվում Պարսկաստան՝ Ուրմիա լճի շրջանում թուրքերի հետ մարտնչող Հայկական Յ-րդ հրաձգային գունդը համալրելու։ Տեղ հասնելով՝ Բաղրամյանն ընտրվում է գնդի Յ-րդ գումարտակի 8-րդ վաշտի կրտսեր սպա՝ դասակի հրամանատար։ Հոկտեմբերյան սոցիալիստական մեծ հեղափոխությունը Բաղրամյանը դիմավորում է Կովկասյան ռազմաճակատի Խոյ-Ուրմիա հատվածում՝ Հայկական Յ-րդ հրաձգային գնդի կազմում։ Չնայած զինվորական զանգվածների համակրանքը Խորհրդային իշխանության կողմն էր, սակայն բուրժուազայնական ուժերին՝ վրացական մենշևիկներին, ադրբեջանական մուսավաթականներին և հայ դաշնակցականներին հաջողվում է Անգլիայի, Ֆրանսիայի և ԱՄՆ-ի աջակցությամբ Անդրկովկասն անջատել Խորհրդային Ռուսաստանից և 1917 թ. նոյեմբերի 28-ին մենշևիկ Ծ. Գեգեչկորու գլխավորությամբ ստեղծել Անդրկովկասյան կոմիսարիատ։ Վերջինս 1918 թ. փետրվարին Թիֆլիսում հրաժիրեց Անդրկովկասյան սեյմ՝ Խորհրդարան, որը ապրիլի 22-ին երկրամասը պաշտոնապես հայտարարեց Խորհրդային Ռուսաստանից անկախ դաշնային հանրապետություն՝ Ա. Զիենկելու գլխավորությամբ։ Հեղափոխականորեն տրամադրված և պատերազմից հոգնած ռուս զինվորները, դժգոհ Անդրկովկասը Ռուսաստանից անջատելու քաղաքականությունից, զանգվածաբար սկսեցին լքել ռազմաճակատը և վերադառնալ տուն։ Քայքայվող ռազմաճակատը վերականգնելու և թուրքական զորքերի առաջխաղացումը փակելու նպատակով սկսեցին կազ-

մավորվել հայկական, վրացական և ադրբեջանական ազգային գորամիավորումներ: 1917 թ. նոյեմբերին կազմավորվեց Առանձին հայկական կորպուսը, որի հրամանատար նշանակվեց գեներալ-լեյտենանտ Թովմաս Նազարբեկովը¹⁴: Կորպուսը իր շարքերում հաշվում էր շուրջ 20 հազար զինվոր ու սպա:

Կորպուսի ղորամասերը առաջադրանք էին ստացել մեն-մենակ պաշտպանել ռազմաճակատի գիծը, որը ձգվում էր Բալբուրդից մինչև պարսկական սահման, այդ թվում՝ էրզրում և Կարս ամրոցները: Վրացական կորպուսը գեներալ Վ. Գաբաշվիլու հրամանատարությամբ պետք է պաշտպաներ Բալբուրդ—Բաթում հատվածը: Ադրբեջանցիները ոչ մի զինվոր չուղարկեցին իրենց արյունակիցների դեմ: Այդ օրերին Բաղրամյանը նշանակում ստացավ Կարսում կազմավորվող Հայկական 1-ին հատուկ հեծյալ գնդում, որպես 1-ին էսկադրոնի կրտսեր սպա: 1918 թ. փետրվարի 12-ին թուրքերը, խախտելով 1917 թ. դեկտեմբերի 18-ին երզնկայում կնքված զինադադարի պայմանագիրը, անցան հարձակման և վարձ ժամանակամիջոցում գրավեցին Բալբուրդ, Երզնկա, Տրապիզոն, Մամախաթուն, մարտի 12-ին՝ էրզրում քաղաքները: 1918 թ. մարտի 3-ին Բրեստ—Լիտովսկում հորհրդային Ռուսաստանի և Գերմանիայի միջև կնքված հաշտության պայմանագիրը¹⁵, որով Թուրքիային էր անցնում Կարսը, Արդահանը, Բաթումը, ավելի ոգևորեց թուրք զավթիչներին: Հաշտության դադարի համար այդ ծանր օրերին քսանամյա Լևոնտյան Բաղրամյանը մարտնչում էր թուրքերի դեմ գեներալ Անդրանիկի հատուկ կամավորական դիվիզիայի շարքերում, որպես հեծյալ դասակի հրամանատար, Քյուփրիքեյի մոտ աչքի ընկնում իր մարտական սխրանքներով: Բաղրամյանը միշտ հրապարակությամբ է հիշել ժողովրդական հերոս Անդրանիկի հետ հանդիպումը և նրա զորամասում ծառայելը¹⁶:

¹⁴ ՀՀ Պատմության պետական կենտրոնական արխիվ (այսուհետև՝ ՀՀ ՊՊԿ), ֆ. 45, ց. 1, գ. 32, թթ. 1—2:

¹⁵ 1918 թ. նոյեմբերի 13-ին հորհրդային Ռուսաստանը չեղյալ համարեց պայմանագիրը:

¹⁶ Ա. Ն. Մնացականյան, Մարշալ Բաղրամյան, Ե., 1978, էջ 26:

Զնայած հայկական զորքերի հերոսական դիմադրությանը, թուրքերին հաջողվում է շարունակել առաջխաղացումը: Ապրիլի 5-ին նրանք գրավում են Սարիղամիշը, 7-ին՝ Արդահանը, 13-ին վրացական զորքերը հեռանում են Բաթումից: Անդրկովկասյան կառավարության նախագահ Ա. Զինինկեյու հրամանով ապրիլի 25-ին թուրքերին է հանձնվում նաև Կարսը: Զբաղարարվելով այդքանով՝ թուրքերը շարունակում են հարձակումը և մայիսի 15-ին գրավում Ալեքսանդրապոլը: Այնուհետև նրանք արշավում են Ղարաբախի սահմաններ: Թուրքական զորքերի մի այլ զորախումբ, գնդապետ Քյադիմբեյի գլխավորությամբ, երկաթուղու երկայնքով շարժվում է Երևանի վրա և մայիսի 20-ին գրավում Սարգարապատի մոտ գտնվող Արաքս կայարանը: Մայիսի 21-ի առավոտյան թուրքերը շարունակում են հարձակումը՝ նպատակ ունենալով զբաղվել Սարգարապատը, ապա Երևանը: Հայ ժողովրդի համար այդ օրհասական պահին Հայկական կորպուսի զորամասերը օգնության հասած աշխարհազորայինների հետ միասին կարողանում են Սարգարապատում ոչ միայն կասեցնել թուրքական հաղթարշավը, այլև ետ շարժել նրանց: 1-ին հատուկ հայկական հեծյալ գնդի դասակի հրամանատար, ենթասպա Բաղրամյանը ակտիվորեն մասնակցում է Սարգարապատի ճակատամարտին և իր համեստ լուծման ներդրում հայ ժողովրդի ճակատագրական նշանակություն ունեցող այդ հաղթանակում, որի շնորհիվ Արարատյան դաշտավայրի հայ բնակչությունը փրկվեց մի նոր եղենից:

Սարգարապատի ճակատամարտին զուգընթաց մայիսի 22—29-ը մարտեր տեղի ունեցան Բաշ-Ապարանի և Ղարաբախի շրջաններում, որտեղ հայ զինվորները մեկ անգամ ևս ապացուցեցին, որ իրենք կարող են լինել աշխարհի լավագույն բանակների զինվորներ: Մայիսյան այդ հերոսամարտերը բախտորոշ նշանակություն ունեցան հայ ժողովրդի համար. մայիսի 28-ին վերականգնվեց հայկական պետականությունը: Հայաստանի Հանրապետությունը ստեղծվում է իր բանակը, որի հեծյալ գնդի շարքերում որպես էսկադրոնի հրա-

մանատար ծառայում է Սարգարապատի հերոս Բաղրամյանը: Հեծյալ գունդը տեղավորված էր Ալեքսանդրապոլում և 1920 թ. մայիսի սկզբին իր հրամանատար, գնդապետ Անդրեյ Պավելի Մեխրե-Շահնազարովի գլխավորությամբ անցավ Մայիսյան ապստամբության կողմը: Ապստամբությունը տարածվեց նաև Կարսում, Սարիղամիշում, Նոր Բայազետում, Ղազախ-Շամշադինում և Զանգեզուրում: Ապստամբությունը ղեկավարում էին կոմունիստները, որոնք ցանկանում էին Հայաստանում շուտափույթ հաստատել խորհրդային կարգեր, քանի որ ապրիլի 28-ին Ադրբեջանն արդեն խորհրդայնացվել էր և, օգտվելով պատեհ առիթից, փորձում էր խորհրդայնացման քողի տակ Հայաստանի Հանրապետությունից պոկել Նախիջևանը, Լեռնային Ղարաբաղը, Զանգեզուրը և այլ բուն հայկական տարածքներ: Սակայն դաշնակցական կառավարությունը չկարողացավ ճիշտ գնահատել պատմական պահը (ներառյալ ավելի շատ հավատում էին արևմտյան մեծ տերություններին) և արյան մեջ խեղդեց ապստամբությունը: Գրեհադահարվեցին ապստամբության ղեկավարներ Սարգիս Մուսայելյանը, Բագրատ Ղարիբջանյանը, Ստեփան Ալավերդյանը և շատ ուրիշներ: Ապստամբության շատ մասնակիցներ, այդ թվում նաև ենթասպա Բաղրամյանը, առանց դատի բանտ նետվեցին:

— Մենք պետք է ավելի խոհեմ լինեինք, ավելի շրջահայաց, պետք է ատ քայլն ըրած ըլլայինք մայիսյան ընդվզումի օրերին, Հայաստանը հանձնած ըլլայինք ձեզ, պոլշեկիներուդ, — մահից 5 տարի առաջ Բեյրութում ակադեմիկոս Ռուբեն Զարյանի հետ հանդիպման ժամանակ նշել է Հայաստանի առաջին հանրապետության վերջին վարչապետ Սիմոն Վրացյանը, — Հայաստանի տարածքն ավելի ընդարձակ կըլլար՝ Ղարս, Արդահան, Իգդիր... էհ, ինչ ըսեմ, ինչպես արդարանամ¹⁷:

¹⁷ «Հայաստանի Հանրապետություն», 1993, 24 նոյեմբերի, էջ 6 (Սիմոն Վրացյանը մահացել է 1969 թ. մայիսի 21-ին, Բեյրութում):

Ապաստամբուության ճնշումից որոշ ժամանակ անց Բաղրամյանը ազատվում է բանտից, սակայն նրան չեն վստահում էսկադրոնի հրամանատարությունը և մի խումբ տարեց զինվորների հետ ուղարկում են Կարսի մարզ Բաշկադիկլարի շրջան՝ խոտ հավաքելու հեծյալ գնդի համար։ Սակայն, երբ սեպտեմբերին թուրքերը պատերազմ սկսեցին Հայաստանի Հանրապետության դեմ, Բաղրամյանը նշանակվեց գնդի սուսերակիրների դասակի հրամանատար և ակտիվ մասնակցություն ունեցավ թուրքական զավթիչների դեմ մղված մարտերին։ Չնայած հայկական փոքրաթիվ զորքերի հերոսական դիմադրությանը (հայ-թուրքական ճակատում հայերն ունեին 20 հազարից փոքր-ինչ ավելի զորք), թուրքական 60-հազարանոց զորքը, որին զգալի օժանդակություն էին ցույց տալիս նաև թուրքական սպաների կողմից մերձճակատային շրջաններում բնակվող մահմեդականներից կազմված զորախմբերը, կարողացավ կարճ ժամանակամիջոցում հասնել զգալի հաջողությունների։ Սեպտեմբերի 29-ին թուրքերը գրավեցին Սարիզամիշն ու Կաղզվանը, հոկտեմբերի 30-ին, չորսօրյա համառ մարտերից հետո, Կարսը (որը անդլիացիների կողմից կողոպտվելուց հետո մնացել էր առանց բերդապահ ծանր հրետանու, իսկ եղածներն էլ հիմնականում հին ու շարքից դուրս եկած հրանոթներ էին՝ առանց անձնակազմերի), նոյեմբերի 5-ին՝ Ալեքսանդրապոլը։ Հայաստանի Հանրապետության կառավարությունը օգնության խնդրանքով դիմում է իր այսպես կոչված դաշնակից մեծ տերությունների՝ Անգլիայի, ԱՄՆ-ի, Ֆրանսիայի և Իտալիայի կառավարություններին, ինչպես նաև Աղգերի Լիգային։ Սակայն հայ ժողովրդի համար այդ օրհասական պահին մեծ տերություններից և ոչ մեկը օգնության ձեռք չպարզեց։ Թուրքական ռազմաճակատում հայերի կրած անհաջողություններից անմիջապես օգտվեցին վերաց մենշևիկները, որոնք նոյեմբերի 13-ին իրենց զորքերը մտցրեցին Լոռվա «Չեղոք դոտին» (Ալավերդու, Ուզունլարի և Վորոնցովկայի շրջաններ) և գրավեցին այն։ Կարսի, Ալեքսանդրապոլի և Լոռվա անկմանը հետևեց նոյեմբերի 29-ին Ի-

ջևանի կողմից հորհրդային Ռուսաստանի 11-րդ կարմիր բանակի 20-րդ հրաձգային դիվիզիայի ղորամասերի ներխուժումը Հայաստան: Հայկական բանակը, որն այդ ուղղությամբ ուներ ընդամենը 2000 զինվոր, ի վիճակի չէր և չէր էլ ձգտում մարտնչել թվով մի քանի անգամ գերազանցող ռուսական զորքերի և նրանց առաջապահում Հայաստան մտած 1500 հուլուց բաղկացած Հայկական առանձին զնդի դեմ, առանց դիմադրության վայր դրեց զենքը: Նույն օրը Իջևանում Հայաստանի Հեղկոմը հանդես է գալիս Հայաստանը խորհրդային սոցիալիստական հանրապետություն հայտարարելու մասին հռչակագրով¹⁸: Դեկտեմբերի 1-ին Երևանում գտնվող հորհրդային Ռուսաստանի լիազոր ներկայացուցիչ Բորիս Լեզրանը անմիջապես դիմեց Հայաստանի Հանրապետության կառավարությանը՝ ստեղծված իրավիճակից դուրս գալու համար ընդունել Հայաստանում խորհրդային կարգեր հաստատելու մասին որոշում: Նույն օրը կառավարությունն ընդունեց համապատասխան որոշում, որը հստակ երևում է վարչապետ Սիմոն Վրացյանի կողմից ստորագրած հետևյալ փաստաթղթերից. «Բյուրոն, ֆրակցիան, կառավարությունը որոշեցին ընդունել կարմիրների առաջարկը սովետիզացիայի մասին...»¹⁹: Հաջորդ օրը՝ դեկտեմբերի 2-ին, Հայաստանի Հանրապետության կառավարությունը հրաժարվեց իշխանությունից և այն հանձնեց ռազմական նախարար Դրոյին, որն էլ նույն օրը Լեզրանի հետ կնքեց համաձայնագիր, որի առաջին կետով «Հայաստանը հայտարարվում է Անկախ Սոցիալիստական հորհրդային Հանրապետություն»²⁰: Դեկտեմբերի 2-ին հրապարակվում է նաև ՀԽՍՀ ամբողջ բանակի հրամանատար Դրոյի և ՌԽՍՖ կոմիսար Սիլինի ստորագրած թիվ 1 հրամանը՝ Հայաստանի Հանրապետության բանակը ՀԽՍՀ կարմիր բա-

¹⁸ Հայ ժողովրդի պատմություն, հ. 7, Ե., 1967, էջ 118:

¹⁹ ՀՀ ՊՊԿԱ, ֆ. 199, ց. 1, դ. 248, թ. 2:

²⁰ Ս. Վրացյան, Հուշեր մոտիկ անցյալից, «Հայրենիք», 1923, նոյեմբեր, թիվ 1: Նույնի՝ Հաշտտանի Հանրապետություն, Փարիզ, 1928, էջ 439:

նակի վերակազմավորելու մասին: Այս հրամանի համաձայն հին բանակը ոչ թե կազմացրվեց, այլ կազմավորվեց նոր տիպի բանակի: Նրա բոլոր ղերամասերը մնում էին իրենց նախկին վայրերում, իսկ կադրերը շարունակում էին ծառայությունը²¹: 1921 թ. հունվարի 1-ի տվյալներով Հայկական կարմիր բանակը բաղկացած էր հրեք հետևակային, մեկ հեծյալ բրիգադներից, հրետանային, մասնադիտակառն և օժանդակ այլ ղերամասերից²²: Հեծյալ բրիգադը բաղկացած էր երկու հեծյալ գնդերից: Ապագա մարշալը նշանակվեց Հայկական 1-ին հեծյալ գնդի էսկադրոնի հրամանատար և այդ պաշտոնում 1921 թ. փետրվարի 18—22-ը մասնակցեց վրացական մեղադրանքներից լոռու ազատագրմանը, ինչպես նաև Վրաստանում խորհրդային կարգերի հաստատմանը: Դրանից հետո նա նշանակվեց Խորհրդային Վրաստանում Խորհրդային Հայաստանի լիազոր ներկայացուցչության ապարատում՝ ղինվորական կցորդ Անդրեյ Պավելի Մելիք-Շահնաղարյանի օգնական: Հենց այդ օրերին էր, որ ապագա մարշալը Թիֆլիսում հանդիպեց ամենայն հայոց բանաստեղծ Հովհաննես Թումանյանի հետ և նրան օգնեց 11-րդ կարմիր բանակի շտաբից Երևան մեկնելու անցաթուղթ ձեռք բերելու (Հովհաննես Թումանյանը Երևան էր մեկնում փետրվարյան հակախորհրդային ապրեստամբության ղեկավարների հետ բանակցությունների վարելու): Մեծ բանաստեղծի հետ ունեցած հանդիպման մասին ջերմ տողեր է գրել Բաղրամյանն իր հուշերում:

«Շտաբի ճանապարհին Թումանյանի և իմ միջև աշխույժ զրույց սկսվեց, — նշում է Բաղրամյանը, — նրան հետաքրքրում էր ամեն ինչ. որտե՞ղ եմ ևս ծնվել, ովքե՞ր են իմ ծնողները, ի՞նչ ղինվորական կրթություն ունեմ, եղել եմ արդյոք ռազմաճակատում և այժմ որ գնդում եմ ծառայում... Երբ Թումանյանն իմացավ, որ ես ծառայում եմ Հայկական հեծյալ բրիգադում, որի

²¹ «Կոմունիստ», 1920, 2 դեկտեմբերի, թիվ 1: «Բաների Հայաստանի արխիվներ», Ե., 1976, թիվ 3, էջ 15—16:

²² Ռուսական բանակի պետական կենտրոնական արխիվ (այսուհետև՝ ՌԲՊԿԱ), ֆ. 25873, ց. 6, գ. 118, թթ. 164—170:

գնդերը 11-րդ բանակի զորամասերի հետ սկսելով իրենց հարձակումը Ղարաքիլիսայի շրջանից՝ մարտերով հասան Թիֆլիս, սկսեց հարցուփորձ անել, թե ինչ վերաբերմունք ունեն չոռու և իջևանի բնակչությունը դաշնականների ապստամբության հանդեպ, ինչպես են դրանք անդրադառնում մեր բրիգադի զինվորների և հրամանատարության վրա, արդյոք նրանց մոտ ցանկություն չի առաջանում ակտիվ մասնակցությունն ցուցաբերել արկածախնդիր խռովության վերացմանը: Իմ պատասխանները կարծես թե լիովին բավարարեցին բանաստեղծին, և նա որոշ դադարից հետո ասաց. «Դաշնակ պարագլուխները չեն կարող լրջորեն գիտակցել տեղի ունեցող իրադարձությունները: Նրանք մեկ անգամ ևս ցույց տվեցին իրենց ոչնչությունը և անկարողությունը: Մեր ժողովրդի փրկությունը, նրա ապագան կապված է, ինչպես ես միշտ էլ ասել եմ, Ռուսաստանի հետ, որը մեզ այժմ բերել է ազատություն և ազգային վերածննդի հնարավորություն: Ահա թե ինչու, շարունակեց Թումանյանը, ես ձգտում եմ օգտագործել իմ ամբողջ հեղինակությունը, օգնել Հայաստանի Հեղկոմին որքան կարելի է արագ վերջ տալ դաշնականների նոր անմտությանը, որպեսզի մեր երկրում վերականգնվի Խորհրդային իշխանությունը, դրա հետ մեկտեղ խաղաղությունն ու բարգավաճումը...»²³:

Ինչպես հայտնի է, Թումանյանը, վտանգի ենթարկելով կյանքը, 1921 թ. մարտի 30-ին հասել էր Երևան: Սակայն մեծ բանաստեղծի իմաստուն խոսքը լսելու փոխարեն դաշնակցական ղեկավարները նրան հնթարկեցին տնային կալանքի: Միայն ապրիլի 2-ին է նա ազատվում կալանքից՝ 11-րդ բանակի զորամասերի և հայկական պարտիզանական ջոկատների կողմից Երևանն ազատագրելուց հետո: Դաշնակցական ղեկավարները փոքրաթիվ զորամասերի հետ անցնում են Ջանգեզուր և միանում Նժդեհին, որը ադրբեջանական կարմիր ասքյարների կողմից երկրամասը պաշտպանելու նպա-

²³ Ի. Բ. Բաղրամյան, Իմ հիշողությունները, էջ 113—114:

տակով աշնտեղ ստեղծել էր Լեոնային Հայաստանի ինքնուրույն հանրապետություն:

1921 թ. մայիսի սկզբներին Մոսկվայից Հայաստան եկավ պետական և կուսակցական ականավոր գործիչ, մեծ հայրենասեր Ալեքսանդր Ֆեոդորովիչ Մյասնիկյանը, որը նշանակվեց Հայաստանի Հեղկոմի նախագահ: Մայիսի 21-ին Հեղկոմը վերակազմավորվում է ՀԽՍՀ ժողովրդական կոմիսարների խորհրդի, որի նախագահ և ռազմական գործերի կոմիսար է նշանակվում Ալ. Մյասնիկյանը²⁴: Նրա ղեկավարությամբ նոր թափ է ստանում Հայկական բանակի վերակազմավորման և ամրապնդման գործը: Թիֆլիսից նրա հետ Երևան են վերադառնում մի խումբ զինվորական գործիչներ, որոնց թվում և Հովհ. Բաղրամյանը, որը նշանակվում է ռազմաժողկոմատի շտաբում, որպես շտաբի պետի օգնական օպերատիվ հարցերի գծով: Շտաբի պետի պարտականությունները կատարում էր Ա. Պ. Մելիք-Շահնազարովը: Այդ պաշտոնում էլ Բաղրամյանը 1921 թ. ամռանը մասնակցում է Դարալագյազի և Զանգեզուրի կռիվներին, ձեռք բերում շտաբային աշխատանք կատարելու փորձ: Քաղաքացիական կռիվները Հայաստանում ավարտվելուց հետո Հայկական կարմիր բանակը 1921 թ. ամռան վերջերից մինչև 1922 թ. աշնան սկզբները ենթարկվում է վերակազմավորման. սկզբում ստեղծվում է Հայկական հավաքական բրիգադ, ապա՝ Հայկական հրաձգային դիվիզիա (1922 թ. սեպտեմբերի 5-ին). դիվիզիայի հրամանատար է նշանակվում Ա. Պ. Մելիք-Շահնազարովը²⁵: Դիվիզիայում նշանակումներ են ստանում Հայկական բանակի նախկին սպաներից շատերը, նրանց թվում Հայաստանի Հանրապետության նախկին ռազմական նախարար, գեներալ-մայոր Խաչատուր Արարատովը, որը նշանակվեց դիվիզիայի հրամանատարի տեղակալ՝ դիվիզիայի հրետանու

²⁴ Հայ ժողովրդի պատմություն, հ. 7, էջ 157:

²⁵ ՌԲՊԿԱ, ֆ. 25873, ց. 1, գ. 1539, թ. 443, ֆ. 216, ց. 3, գ. 397, թ. 443, գ. 480, թ. 13:

պետ, շտաբս-կապիտան Վլադիմիր Տամրուչին (հետագայում տանկային զորքերի գեներալ-լեյտենանտ), որը նշանակվեց դիվիզիայի շտաբի պետ: Առաջին հրաձգային գնդի հրամանատար նշանակվեց Ալեքսանդր Միրմանյանը, երկրորդ հրաձգային գնդինը՝ Նիկոլայ Խուդաբաշյանը, հեծյալ գնդինը՝ Հովսեփ Լազարևը (երեքն էլ նախկին գնդապետներ) և այլն²⁶: Հովհ. Բաղրամյանը 1922 թ. հոկտեմբերին նշանակվեց Հայկական հրաձգային դիվիզիայի հեծյալ գնդի ղեկավարային էսկադրոնի հրամանատար: 1922 թ. հոկտեմբերի 17-ին Խորհրդային Հայաստանի ռազմական գործերի ժողովրդական կոմիտեար է նշանակվում Գայը՝ Հայկ Դիմիտրիի Բժշկյանը, որը Առաջին համաշխարհային պատերազմում և 1918—1920 թթ. Ռուսաստանի քաղաքացիական կռիվներում ձեռք բերած իր հարուստ փորձը ամբողջությամբ նվիրաբերեց Հայկական հրաձգային դիվիզիայի կոմիտեին և ամրապնդման գործին²⁷: Հովհաննես Բաղրամյանը խորը ակնածանքով է հիշում ինչպես Ալ. Ֆ. Մյասնիկյանի, այնպես էլ Գայի մասին, որոնց անմիջական հրամանատարությունը բախտ է ունեցել մասնակցելու Խորհրդային Հայաստանի զինված ուժերի ստեղծման ու կայունացման գործին: Գայը պարբերաբար լինում էր զորամասերում, ներկա լինում զորավարժություններին, օգտակար խորհուրդներ տալիս հրամանատարներին: 1923 թ. դարնան սկզբներին Գայը ներկա է եղել հեծյալ գնդի զորավարժություններին, գոհ մնացել Բաղրամյանի էսկադրոնի գործողություններից, ըստ արժանվույն գնահատել երիտասարդ հրամանատարին: Զորավարժություններից հետո նա մտերմիկ զրույց է ունեցել գնդի ողջ անձնակազմի հետ, շնորհակալություն հայտնել հայ հեծելազորայիններին՝ զորավարժության ժամանակ գերազանց գործելու համար, հետաքրքիր

²⁶ Նույն տեղում, ֆ. 1535, ց. 1, գ. 2, թթ. 46—121:

²⁷ 1922 թ. նոյեմբերի վերջերին Հայաստանի ռազմական գործերի ժողովրդական կոմիտեարիտը վերակազմվում է զինվորական կոմիտեարիտի. Գայը հաստատվում է հանրապետության զինվորական կոմիտեարի Գայը Հայաստանում մնաց մինչև 1923 թ. մարտի 23-ը:

դեպքեր պատմել քաղաքացիական կռիվներից: «Նա ոչ միայն ականաժոր զորապետ էր, այլև, ինչպես մենք հասկացանք, շնորհալի հեռորդ,— իր հուշերում գրում է Բաղրամյանը,— ժողկոմի խոսքը տպավորիչ էր, պատկերավոր, հագեցած նուրբ հումորով: ...Գայն իմ վրա թողեց անջնջելի տրպավորություն: Նա աթոյիսի զորապետ էր, սրին ձգտում էին նմանվել ամեն ինչով»²⁸:

Հայկական դիվիզիայի հրամանատարությունը նույնպես ըստ արժանվույն գնահատեց էսկադրոնի հրամանատար Բաղրամյանի մարտավարական շնորհքը և 1923 թ. աշնանը առաջ քաշեց հեծյալ գնդի հրամանատարի պաշտոնում, որտեղ ապագա մարշալը իր ռազմական փայլուն ունակությունները է՛լ ավելի լավ դրսևորելու հնարավորություն ստացավ: Ուստի պատահական չէր, որ 1924 թ. աշնանը հայկական դիվիզիայի հրամանատարությունը նրան զործուղեց Լենինգրադ՝ կարմիր բանակի բարձրագույն հեծելազորային դպրոցում սովորելու համար: Այստեղ Բաղրամյանը ոչ միայն հմուտ դասախոսների օգնությամբ ձեռք բերեց անհրաժեշտ գիտելիքներ, այլև մտերմացավ իր համակուրսեցիների հետ, որոնց թվում էին ապագա մարշալներ Գիորգի Կոնստանտինովիչ Ժուկովը, Կոնստանտին Կոնստանտինովիչ Ռոկոսսովսկին, Անդրեյ Իվանովիչ Երյոմենկոն, հետագայում գեներալ-գնդապետներ Իվան Միխայլովիչ Զիստյակովը, Պրեկոֆի Լոգվինովիչ Ռոմանենկոն և ուրիշներ: Բաղրամյանին թույլատրվեց Լենինգրադ տանել նաև ընտանիքը: Հիշեցնենք, որ Բաղրամյանը ամուսնացել էր 1922 թ. վերջերին ագուլիսցի Թամարա Համայակի Սարգսյանի հետ, որի հետ ծանոթացել էր դեռևս 1920 թ. Արևսահմանի ժողովում, երբ Թամարան սովորում էր գիմնազիայում: Մայիսյան ապստամբության, իր ձեռքակալության, ապա Հայաստանում տեղի ունեցած քաղաքացիական կռիվների ժամանակ Բաղրամյանը կորցրել էր նրան: Ուստի 1922-ի վերջերին, երբ խաղաղվել էր ամեն ինչ, ինքն էլ արդեն 25

²⁸ Ի. Բ. Բաղրամյան, *Իշխ.*, աշխ., էջ 123—124:

տարեկան էր, որոշեց գտնել սիրած աղջկան: «Պարզվեց, որ Թամարան գտնվում է Նախիջևանում, որ նա երկու տարի առաջ ամուսնացել է մի հայ սպայի հետ, ունեցել է զավակ, սպան կոլմեներում սպանվել է, իսկ Թամարան մեկ տարեկան տղայի հետ մնացել է ծնողների մոտ: Բաղրամյանը խորհում է կատարվածի մասին, կապ հաստատում և մի օր էլ իր նշ-ժույզով սլանում դեպի Նախիջևան,— մարշալի մասին գրած աշխատության մեջ նշում է անվանի պատմաբան, Բաղրամյանի մտերիմ, պրոֆեսոր Արամայիս Մնացականյանը:— Տեսակցությունը լինում է սրմաշարժ: Հովհաննես Բաղրամյանն ամուսնանում է Թամարայի հետ, նրան փոխադրում Երևան, իսկ տղային որդեգրում է և կնքում Մովսես Հովհաննեսի Բաղրամյան»²⁹: Մեկ տարի անց ծնվում է Հովհաննես և Թամարա Բաղրամյանների դուստրը՝ Մարգարիտը, որը հետագայում դառնում է բժշկուհի, իսկ Մովսես Բաղրամյանը՝ գեղանկարիչ: Թամարա Հմայակովնան սվեյլի քան 50 տարի ապրում է Հովհաննես Բաղրամյանի հետ և մահանում Մոսկվայում, 1973 թվականին:

Լենինգրադում Բաղրամյանը սովորեց մինչև 1925 թ. ամռան վերջերը: Նրա հետ միասին հեծելազորային դպրոցում սովորում էր նաև համագնդեցի, էսկադրոնի հրամանատար Սերգեյ Իսայի Կարապետյանը (1899—1954), որը 1936—1938 թթ. դարձավ հայկական հեծյալ գնդի, Հայրենական մեծ պատերազմի տարիներին՝ դիվիզիայի հրամանատար, 1943-ին արժանացավ գեներալ-մայորի կոչման: Ուսուցման շրջանում ինչպես Հ. Խ. Բաղրամյանը, այնպես էլ Ս. Ի. Կարապետյանը նյութական խիստ կարիքի մեջ էին: Նրանց ստացած թոշակը հազիվձաղ բավարարում էր միայն ամենաառաջնահերթ կարիքների համար: Իմանալով այդ մասին՝ Հայկական հրաձգային դիվիզիայի հրամանատար Անդրեյ Մելիք-Շահնազարովը, ղինկոմ Հայկ Հովսեփյանը և շտաբի պետ Բոգդան Բաղդասարյանը 1925 թ. ապրիլի 21-ին գեկուցադիր

²⁹ Ա. Ն. Մնացականյան, Մարշալ Բաղրամյան, էջ 47:

են ուղարկում Խորհրդային Հայաստանի Ժողովրդապետների նախագահի անունով՝ միջնորդելով Լենինգրադում սովորող Բաղրամյանին և Կարապետյանին՝ Նշանակել միանվագ նպաստ յուրաքանչյուրին 100-ական ռուբլու չափով: Ապրիլի 27-ին Ժողովրդապետների նախագահը բավարարում է դիվիզիայի հրամանատարության միջնորդությունը և Նշանակում նպաստը, որը որոշ չափով թիթեացնում է ապագա զորապետների հոգսը, հնարավորություն տալով նրանց ձեռք բերել նաև անհրաժեշտ գրականություն և ուսումնական պլանույքներ³⁰: Լենինգրադում սովորելու ընթացքում Բաղրամյանը և նրա ընկերները ձեռք էին բերում ոչ միայն ռազմական կայուն գիտելիքներ, մասնակցում ձիասպորտի մրցումների, սառը զինքի տիրապետման, այլև մեծ հետաքրքրությունը ծանոթանում Ռուսաստանի մշակույթին, մայրաքաղաքի հասարակական ու մշակութային վայելքին, այցելում էրմիտաժ, Ռուսական թանգարան, տեսարժան այլ վայրեր, ձեռք բերում գեղագիտական ճաշակ, արվեստը հասկանալու կարողություն, ընդարձակում իրենց մտահորիզոնը:

Իր հուշերում Բաղրամյանը բարձր է գնահատում լենինգրադյան ուսուցման շրջանը, ջերմ խոսքեր գրում համակուրսեցիների մասին. «Մեր ուսումնական խմբում էին Ա. Բ. Երյոմենկոն, Գ. Կ. Ժուկովը, Ն. Լ. Միշուկը, Կ. Կ. Ռոկոսսովսկին, Պ. Լ. Ռոմանենկոն, Յա. Ս. Սավիլևը, Ս. Պ. Սինյակովը, Վ. Ի. Զիստյակովը և ուրիշ հրամանատարներ, թվով 25 մարդ³¹: Իրենց խառնվածքով, վարվելակերպով լինելով միանգամայն տարբեր մարդիկ, նրանք այն ժամանակ արդեն ուժեղ կամքի տեր, համարձակ մտածելակերպով ու վարմուն-

³⁰ 22 նորագույն պատմության պետական կենտրոնական արխիվ (այսուհետև՝ 22 ՆՊՊԿԱ), ֆ. 113, ց. 3, դ. 268, թ. 1): Այս մասին գրվում է առաջին անգամ: Վերոհիշյալ փաստաթուղթը հայտնաբերվել է մեր կողմից և հանձնվել մարշալի կյանքն ու գործունեությունը լուստրանող փաստաթղթերի ժողովածուն կազմող հեղինակային կոլեկտիվին):

³¹ Հեծելազորային բարձրագույն դպրոցում սովորողների ընդհանուր թիվը անցնում էր 200-ից:

քով փորձված հրամանատարներ էին: Այդ ժամանակ մեզ-
նից ոչ մեկը դեռ երեսուն տարեկան էլ չկար: Երիտասարդ,
ուժեղ, ֆիզիկապես և բարոյապես կոփված, մենք ձգտում
էինք մեկս մյուսին գերազանցել և՛ ուսման մեջ, և՛ ձիա-
սպորտային մրցումներում:

Մեր մեջ, անշուշտ, ամենից համառը Անդրեյ Իվանովիչ
Երյոմենկոն էր: Ունենալով ընդամենը ծխական դպրոցի չոր-
րորդ դասարանի կրթություն, նա բացառիկ աշխատասիրու-
թյամբ յուրացնում էր բավականաչափ ընդարձակ և հագեցած
ուսումնական ծրագիրը: Հաստատակամությւնն ու համառու-
թյունը նրան ուղեկցեցին ամբողջ կյանքում և ամբողջ ուժով
դրսևորվեցին հատկապես Հայրենական մեծ պատերազմի տա-
րիներին:

Գեորգի Կոնստանտինովիչ Ժուկովը մեր խմբի ունկնդիր-
ների մեջ համարվում էր ամենաընդունակներից մեկը: Նա
դեռ այն ժամանակ աչքի էր ընկնում ոչ միայն վառ արտա-
հայտված կամային հատկություններով, այլև իր յուրահա-
տուկ մտածողությամբ: Հեծելազորի մարտավարական սյա-
րապունքների ժամանակ Ժուկովը մեկ անգամ չէ, որ մեղ
դարմացնում էր որևէ անակնկալով: Գեորգի Կոնստանտինո-
վիչի վճիռները մշտապես առաջ էին բերում բուռն վեճեր, և
նրան սովորաբար հաջողվում էր մեծ տրամաբանությամբ
պաշտպանել իր հայացքները: Նրա կրծքին, ինչպես նաև շատ
ուրիշների, փայլում էր Կարմիր դրոշի շքանշանը՝ քաղաքա-
ցիական պատերազմում ցուցաբերած սխրանքների համար:

Խմբում հատուկ համակրանք էր վայելում նրբագեղ և շա-
փազանց քաղաքավարի Կոնստանտին Կոնստանտինովիչ Ռո-
կոսովսկին: Վայելչակազմ կեցվածքը, զրավիչ արտաքինը,
աղնիվ, բարի բնավորությունը և հոյակապ սպորտային կոփ-
վածքը, առանց որի հեծյալը հեծյալ չէր, իրեն էր ձգում բո-
լոր ընկերներին: Մեզ՝ մոլի հեծյալներին մոտ, նա արժանա-
վորապես համարվում էր ամենափորձված հեծյալը և հեծե-
լազորի մարտավարության գիտակ անձը: Դրա վկայությունն
էր նաև Ռոկոսովսկու կրծքի Կարմիր դրոշի շքանշանը, որը

պերճախոս կերպով խոսում էր անցյալ մարտերում ցուցաբերած արիության և անվեհերության մասին»³²:

1925 թ. դաշտային լարված պայմաններում տեղի ունեցած ամառային պարապմունքներով և Լենինգրադում կայացած եզրափակիչ զորախաղերով ավարտվեց ուսուցումը դրպրոցում, և շրջանավարտները վերադարձան իրենց զորամասերը: Բաղրամյանը վերադարձավ Հայաստան և կրկին ստանձնեց Հայկական հրաձգային դիվիզիայի հեծյալ գնդի հրամանատարությունը և այդ պաշտոնը վարեց մինչև 1931 թ.:

1925—1930 թթ. հեծյալ գունդը մշտապես աչքի է ընկնում ինչպես Հայկական հրաձգային դիվիզիայի, այնպես էլ Անդրկովկասյան զինվորական օկրուգի մասշտաբով կազմակերպված զորախաղերում: Այսպես, օրինակ, 1928 թ. կայացած զորախաղերում իրեն փայլուն դրսևորեց հայկական, վրացական, ադրբեջանական հեծյալ փոգերից և օկրուգային ենթակայության երեք այլ զորամասերից կազմված հավաքական զորախումբը՝ Հովհաննես Բաղրամյանի հրամանատարությամբ: Հայկական հեծյալ գունդը բարձր ֆիզիկական պատրաստականություն և մարտավարական հմտություն ցուցաբերեց նաև 1930—1931 թթ. ձմռանը կազմակերպված զորախաղերում, որոնք անց էին կացվում լեռնային բարդ տեղանքում. «Գնդի հրամանատարը անձամբ գիտեր իր զորամասի ոչ միայն միջին ու կրտսեր հրամկազմի անդամներին, այլև բոլոր զինվորներին, հետաքրքրվում էր նրանց տրամադրությամբ, ստեղծում անհրաժեշտ պայմաններ, որպեսզի նրանք պատվով կատարեն իրենց զինվորական պարտքը», շատ ճիշտ նկատել են մարշալի 90-ամյակի կապակցությամբ «Գիտելիք» ընկերության հրատարակած ուշագրավ, գիտահանրամատչելի գրքույկում ակադեմիկոս Գ. Բ. Ղարիբջանյանը և պատմական գիտությունների դոկտոր, պրոֆեսոր Ա. Պ. Սիմոնյանը³³:

³² И. Х. Баграмян. Мои воспоминания, с. 132—133.

³³ Գ. Բ. Ղարիբջանյան, Ա. Պ. Սիմոնյան, Մարշալ Բաղրամյան, Ե., 1987, էջ 10—11:

1930 թ. Հ. Խ. Բաղրամյանին երեք ամսով դործուղում են Մոսկվա՝ ԲԳԿԲ-ի Գլխավոր շտաբին կից բարձրագույն հրամանատարական կադմի վերապատրաստման դասընթացներում կատարելագործվելու համար, քանի որ նրան ատեստավորել էին հեծյալ բրիգադի հրամանատարի պաշտոնում: Դասընթացները ղեկավարում էր ռազմական գիտություն ակադեմիայի տեսաբան, գլխավոր շտաբի պետի տեղակալ Վլադիմիր Կիրիակովիչ Տրիանդաֆիլովը: Բաղրամյանի և ակադեմիայի ռազմագետի միջև ծայր է առնում ջերմ բարեկամություն, որը պայմանավորված էր ոչ միայն ասպետ մարշալի փայլուն ընդունակություններով, այլև նրանով, որ Վ. Կ. Տրիանդաֆիլովը բավականին վարժ խոսում էր հայերեն: Նա ծնվել էր 1894 թ. Կարսի մարզի Մագարաջի գյուղում՝ հունական ընտանիքում: 1923 թ. ավարտել էր ԲԳԿԲ-ի ռազմական ակադեմիան, զբաղվել Առաջին համաշխարհային պատերազմի և քաղաքացիական կռիվների գիտական ուսումնասիրությամբ: Տրիանդաֆիլովի «Ժամանակակից բանակի գործողությունների թափը» աշխատությունը, որը հրատարակվել էր Մոսկվայում 1926 թ. և «Ժամանակակից բանակի գործողության բնույթը» անտիպ գործը այդ տարիներին ձեռքից ձեռք էր անցնում ինչպես ղինվորական ակադեմիայում, այնպես էլ կատարելագործման դասընթացներում: Տրիանդաֆիլովի հետ շփումը, նրա գործերին ծանոթանալը Բաղրամյանի մեջ ուսումը ակադեմիայում շարունակելու ցանկություն առաջացրեց: Դասընթացներն ավարտելուց հետո Հայաստան վերադառնալուց որոշ ժամանակ անց Բաղրամյանը 1931 թ. ապրիլին ընդունելության քննությունները գերազանց հանձնելով ընդունվեց Մ. Վ. Ֆրունզեի անվան ռազմական ակադեմիա: Նրա հետ միասին ակադեմիա ընդունվեցին ասպետ բանակի գեներալ, Խորհրդային Միության հերոս Ալեքսեյ Սեմյոնովիչ Ժադովը, զրահատանկային զորքերի մարշալ, Խորհրդային Միության կրկնակի հերոս Պավել Սեմյոնովիչ Ռիբալկոն, ղեներալ-գնդապետ Լեոնիդ Միխայլովիչ Սանգալովը, Խորհրդային Միության հերոս, հրետանու գեներալ-լեյտենանտ

Միջոցով Արտեմի Պարսեղովը: 1931 թ. ակադեմիայի պետը Ռոբերտ Պետրովիչ էյդեմանն էր, 1932 թ. նրան փոխարինեց Բորիս Միխայլովիչ Շապոռնիկովը (1940 թ. Խորհրդային Միության մարշալ): Այդ ժամանակ Բ. Մ. Շապոռնիկովը առաջատար ռազմական տեսաբաններից էր, հեղինակ բավականաչափ հանրահայտ «Բանակի ուղեղը» երեքհատորանոց աշխատության և ռազմատեսական դանազան հարցերին վերաբերող մի շարք կարևոր ուսումնասիրությունների: Նա հսկայական փորձ և գիտելիքներ ունեցող զորապետ էր, անսահման բարձր կոլտուրայի տեր մարդ: Նրա օրոք 1932 թ. ստեղծվեց ակադեմիայի օպերատիվ ֆակուլտետը, որի ղեկավար դարձավ հայտնի ռազմագետ և մանկավարժ Գ. Ս. Իսսերսոնը. այն համարվեց ակադեմիայի հիմնական ֆակուլտետը և ուներ երեք տարվա ուսուցման ժամկետ: Ուսումնական գործընթացի հիմքում դրված էր համադրային մարտի ուսուցումը: 1936 թ. այս ֆակուլտետի հիման վրա բացվեց ԲԿԿԲ-ի զբլխավոր շտաբի ակադեմիան: Հ. Խ. Բաղրամյանը իղավ օպերատիվ ֆակուլտետի առաջին ուսանողներից: Այստեղ նրան դասավանդում էին նաև այնպիսի շնորհալի դասախոս-ռազմագետներ, ինչպիսիք էին՝ Դ. Մ. Կարբիշևը, Ա. Ս. Ֆեդոտովը, Ա. Վ. Գոլուբևը, Ս. Ն. Կրասինիկովը և ուրիշներ: Ուսուցման առաջին տարում ունկնդիրները ուսումնական ծրագիրն անցնում էին զնդի, երկրորդ տարում՝ դիվիզիայի, երրորդ տարում՝ կորպուսի մասշտաբով: Քանի որ Հ. Խ. Բաղրամյանը մինչև ակադեմիա ընդունվելը խորը գիտելիքներ ուներ ռազմական առարկաների հիմունքներից, ապա նրան հաջողվեց բավականաչափ խորությամբ հասկանալ բանականացին օղակում հարձակողական պորժողությունների էությունը: Բաղրամյանը սովորում էր իրեն հատուկ հետաքրքրասիրությամբ. համառ աշխատանքը և բնական ընդունակությունները նրան հնարավորություն են տալիս 1934 թ. ակադեմիան ավարտել գերազանցությամբ³⁴:

³⁴ П. А. Ротмистров. Путь полководца.—Тыл и снабжение Советских Вооруженных Сил, 1967, №11, М., с. 17.

Հաշվի առնելով Հ. Խ. Բաղրամյանի գերազանց առաջադիմությունը, ակադեմիայի ղեկավարությունը ցանկանում էր նրան պահել որպես դասախոս: Սակայն դեպի կենդանի դուրքը ձգտող ապագա մարշալը խնդրում է իրեն նշանակել որևէ զորամասում: Նրա խնդրանքը կատարվում է. 1934 թ. ամռանը նշանակվում է ժիտոմիրում վանդնած 5-րդ հեծյալ դիվիզիայի շտաբի պետ: Դիվիզիան մտնում էր Կոտովսկու անվան հեծյալ կորպուսի մեջ՝ ուկրաինական զինվորական օկրուգի կազմում: 1935 թ. մայիսի 17-ին վերջինիս հիման վրա կազմավորվեցին Կիևի և Խարկովի զինվորական օկրուգները. Բաղրամյանի դիվիզիան մտավ Կիևի զինվորական օկրուգի մեջ³⁵, որի հրամանատարը Իոնա՝ էմմանուիլովիչ Յակիրն էր: 5-րդ հեծյալ դիվիզիայի շտաբի օպերատիվ բաժնի պետը հմուտ հեծելազորային Իսա Ալեքսանդրովիչ Պլինն էր (հետագայում բանակի գեներալ, Խորհրդային Միության վերկրնակի հերոս): Դիվիզիայում Հ. Խ. Բաղրամյանը ծառայեց շուրջ երկուսուկես տարի՝ զործնականում ավելի խորացնելով իր ռազմական գիտելիքները: Բոլոր զորավարություններում օկրուգի հրամանատարությունը միշտ էլ գերազանց էր գնահատում նրա շտաբային աշխատանքը: «Ծառայությունս ընթանում էր ոչ վատ, և ես լիովին զոհ էի իմ ճակատագրից,— կարդում ենք Բաղրամյանի հուշերում,— սակայն, երբ 1936 թ. ամռանը հայտնի դարձավ, որ ՀամԿ(բ)Կ Կենտկոմի և ԽՍՀՄ Ժողկոմխորհի որոշմամբ ստեղծվում է գլխավոր շտաբի ակադեմիա՝ ավագ հրամանատարական կազմի խորը օպերատիվ պատրաստության համար, ես, ինչպես նաև իմ շատ ընկերներ, ուղղակի աչքովում էինք այդ ուսումնական հաստատություն ընկնելու համար»³⁶: Կորպուսի հրամանատարությունը չէր ուզում բաժանվել տաղանդավոր զինվորականից և նրան առաջ քաշեց կորպուսի շտաբի պետի պաշտոնում: Սակայն շուտով ստացվեց ԽՍՀՄ պաշտպանության ժողկոմ, Խորհրդ-

³⁵ 1938 թ. հուլիսի 26-ին Կիևի և Խարկովի զինվորական օկրուգների հիման վրա կազմավորվեց Կիևի հատուկ զինվորական օկրուգը:

³⁶ Մ. X. Баграмян. Мои воспоминания, с. 451.

դային Միության մարշալ Կ. Ե. Վորոշիլովի հրամանը՝ Հ. Խ. Բաղրամյանին գլխավոր շտաբի ակադեմիա ընդունելու մասին: Ստանալով հրամանը՝ Բաղրամյանը կնոջ և երկու երեխաների հետ մեկնեց Մոսկվա և տեղավորվեց ակադեմիայի հարմարավետ հանրակացարանում: Ակադեմիայի առաջին ունկնդիրների թվում էին ապագա մարշալներ, Խորհրդային Միության կրկնակի հերոսներ Ալեքսանդր Միխայլովիչ Վասիլևսկին, Մատվեյ Վասիլևիչ Զախարովը, Խորհրդային Միության հերոս Լեոնիդ Ալեքսանդրովիչ Գովորովը, բանակի գեներալներ, Խորհրդային Միության հերոսներ Վլադիմիր Վասիլևիչ Կուրասովը, Պավել Ալեքսեևիչ Կուրդչևինը, Նիկոլայ Ֆեոդորովիչ Վատուտինը, Ալեքսեյ Նիկոլաևիչ Անտոնովը և ուրիշներ, որոնք Հայրենական մեծ պատերազմի տարիներին գլխավորեցին ռազմաճակատներ, բանակներ, գլխավոր շտաբը և այլ պատասխանատու պաշտոններ: Ակադեմիայում ուսուցման ծրագիրը նախատեսված էր երկու տարվա համար, որի ընթացքում ունկնդիրները կստանային բարձրագույն հրամանատարական կադրերի համար նախատեսված գիտելիքների անհրաժեշտ առավելագույնը: Դասավանդվող հիմնական առարկաներն էին՝ բարձրագույն ղորամիավորումների մարտավարությունը և օպերատիվ արվեստը: Կարևոր տեղ էր հատկացվում նաև զորքերի կազմակերպման, մոբիլիզացիայի, ռազմական տնտեսության, ռազմական արվեստի սպամության, օտար լեզուների ուսուցմանը և այլն: Ակադեմիայի առաջին պետը կոմգիվ Դիմիտրի Ալեքսանդրովիչ Կուչինսկին էր, որն օժտված էր ոչ միայն կազմակերպչական մեծ տաղանդով, այլև ռազմական արվեստի խորը գիտակ էր: Ակադեմիայում դասավանդում էին ականավոր մասնագետներ՝ կոմգիվ Պ. Ի. Վակուլիչը (բարձրագույն ղորամիավորումների մարտավարություն), կոմբրիգ Գ. Ս. Իսսերսոնը (օպերատիվ արվեստ), կոմկոր Մ. Ի. Ալաֆուզոն (զորքերի կազմակերպման և մոբիլիզացիայի հիմունքներ), կոմգիվ Վ. Ա. Մելիքովը (ռազմական պատմություն), դիվինժներ Դ. Մ. Կարբիշևը (ռազմական ինժեներական արվեստ և ուրիշներ: Ակադեմիա-

յի ունկնդիրներն առջև հետաքրքիր և արժեքավոր դասախոս-սուբյուռներով հանդես էին գալիս ճանաչված զորահրամանատարներ, խորհրդային Միության առաջին մարշալներ Մ. Ն. Տուխաչևսկին, Ա. Ի. Նգոբոլը, Առաջին կարգի բանակի հրամանատարներ Ի. Պ. Ուբորևիչը, Ի. է. Յակիրը, Գ. Դ. Գալը և ուրիշներ:

Գլխավոր շտաբի ակադեմիայում սովորելու տարիներին Հ. Խ. Բաղրամյանը ձեռք բերեց այնպիսի գիտելիքներ, որոնք խիստ անհրաժեշտ էին հատկապես պատերազմի պայմաններում խոշոր զորամիավորումների օպերատիվ ղեկավարման համար: Ուսուցման շրջանում նա մեծ ուշադրություն էր դարձնում ինքնուրույն գիտահետազոտական աշխատանք կատարելուն, որը դուրս չմնաց ակադեմիայի ղեկավարութ-
յան տեսադաշտից: Ուստի պատահական չէր, որ երբ 1938 թ. ակադեմիան տվեց իր առաջին շրջանավարտները, Հ. Խ. Բաղրամյանին պահեցին ակադեմիայում, որպես ընդհանուր մարտավարութ-
յան ամբիոնի ավագ դասախոս, չնայած ապագա մարշալը ձգտում էր վերադառնալ զորք:

Գլխավոր շտաբի ակադեմիայում սովորելու և աշխատելու տարիներին էր, որ կոփվեց Բաղրամյանի փայլուն զինվորական տաղանդը: Նա ձեռք բերեց գիտելիքների այն տեսա-
կան պաշարը, որը հետագայում թույլ տվեց նաև իր անկրկը-
նելի ձեռագիրը դնել ֆաշիզմի դեմ տարած հաղթանակում:

Մինչև 1940 թ. աշուն նա իր ողջ ուժերն ու գիտելիքները ի սպաս է դնում բանակի համար բարձրորակ կադրեր պատ-
րաստելու գործին: Հենց այդ շրջանում էլ՝ 1939 թ. Հ. Խ. Բաղրամյանը դարձավ կոմունիստական կուսակցության անդա-
մության թեկնածու: Զորք վերադառնալու նրա մտադրությու-
նը իրականացավ միայն 1940 թ. սեպտեմբերին՝ Լենինգրադ-
յան հեծելազորային դասընթացների ընկերոջ Գ. Կ. Ժուկովի շնորհիվ. վերջինս այդ ժամանակ արդեն փառաբանված զո-
րավար էր, բանակի գեներալ, Խալխին-Գուլի մոտ տեղի ու-
նեցած մարտերում հաղթանակ տանելու համար 1939 թ. ար-
ժանացել էր խորհրդային Միության հերոսի կոչման, որից

հետո 1940 թ. նշանակվել Կիևի հատուկ ղեկավորական օկրուգի հրամանատար: Գ. Կ. Ժուկովի միջնորդությամբ ԽՍՀՄ պաշտպանության ժողովմի 1940 թ. սեպտեմբերի 2-ի հրամանով գնդապետ Հ. Խ. Բաղրամյանը նշանակվում է վերոհիշյալ օկրուգի 12-րդ բանակի շտաբի օպերատիվ բաժնի պետ³⁷. այդ ժամանակ բանակի շտաբի պետը գեներալ-մայոր Բագրատ Իսահակի Առուշանյանն էր, որի հետ 20-ական թվականների սկզբներին Բաղրամյանը ծառայել էր Հայկական հրաձգային դիվիզիայում, բանակի հրամանատարը գեներալ-լեյտենանտ Ֆիլիպ Ալեքսեևիչ Պարուսինովն էր: Բանակի մեջ մտնում էին 72-րդ, 96-րդ և 99-րդ հրաձգային դիվիզիաները, որոնք տեղաբաշխված էին Արևմտյան Ուկրաինայի Ստանիսլավ, Պերեմիշլ, Սանոկ, Դոբրոմիր, Սամբոր, Ուժգորոդ շրջաններում, որոնք մեկ տարի առաջ էին միացվել Ուկրաինական ԽՍՀ-ին: Լեռնային բարդ տեղանքում և կլիմայական անբարենպաստ պայմաններում անցկացված զորավարժությունները ավարտվում են հաջողությամբ: Ուժգորոդ լեռնանցքը հաղթահարելու ժամանակ պարզ դարձավ, որ սովորական հրաձգային միավորումները մեծ դժվարությունների են հանդիպում չափազանց ծանրաբեռնված լինելու հետեվանքով: Պարզ դարձավ, որ դրանք հարկավոր է շուտ վերակազմավորել թեթև լեռնահրաձգային դիվիզիաների, որոնք հանդերձավորված կլինեն լեռնային պայմաններում գործելու համար: Չնայած գնդապետ Հ. Խ. Բաղրամյանը 12-րդ բանակում ծառայեց կարճ ժամանակամիջոցում՝ մինչև 1940 թ. դեկտեմբերի 20-ը³⁸, սակայն այդ ընթացքում էլ իրեն դրսևորեց որպես հասուն ղեկավար և ղեկավորական գործի բազմադիտակ հրամանատար:

Նոր տարին գնդապետ Հ. Խ. Բաղրամյանը դիմավորեց Կիևում՝ Կիևի հատուկ ղեկավորական օկրուգի շտաբի պետի տեղակալի՝ շտաբի օպերատիվ բաժնի պետի պաշտոնում: Շտաբի պետը գեներալ-լեյտենանտ Մաքսիմ Ալեքսեևիչ Պուր-

³⁷ ՌԲՊԿԱ, ֆ. 37837, ց. 4, դ. 341, թ. 871:

³⁸ Նույն տեղում:

կա են էր: 1941 թ. հունվարի սկզբներին բանակի դեներալ Գ. Կ. Ժուկովը առաջ քաշվեց Գլխավոր շտաբի պետի՝ ԽՍՀՄ պաշտպանության ժողովմի տեղակալի պաշտոնում: Փետրվարին նրա փոխարեն օկրուգի հրամանատար նշանակվեց գեներալ-գնդապետ, Խորհրդային Միության հերոս Միխայիլ Պետրովիչ Կիրպոնոսը, օկրուգի ռազմական խորհրդի անդամը կորպուսային կոմիսար Նիկոլայ Նիկոլաևիչ Վաշուկինն էր, հրետանու պետը՝ գեներալ-գնդապետ Նիկոլայ Դիմիտրևիչ Յակովլևը³⁹: Փորձված հրամանատարների հետ միասին Հ. Խ. Բաղրամյանը մասնակցում է օկրուգի տեղամասում պետական սահմանի պաշտպանության և հակառակորդին արժանի հակահարված հասցնելու պլանի մշակմանը, որը որոշ լրացումներին հետո հավանության է արժանանում Գլխավոր շտաբի կողմից: Դրա իրականացումը բավականաչափ բարդ էր, բանի որ օկրուգի տեղամասում պետական սահմանի 940 կիլոմետրանոց տարածքում տեղաբաշխված 5-րդ, 6-րդ, 26-րդ և 12-րդ բանակների ուժերը բավարար չէին դրա համար: Ուստի եռանդուն աշխատանքներ են իրագործվում օկրուգը նոր զորամասերով համալրելու, պետական սահմանի պաշտպանությունն ուժեղացնելու ուղղությամբ: Սկսեցին շտապ կերպով կազմակերպվել հրետանային հակատանկային 5 բրիգադ, օդադեսանտային կորպուս, անցկացվել ղանադան տիպի զորավարժություններ և այլն: Գարնան սկզբներից օկրուգի հետախուզական բաժնում սկսվեցին մեկը մյուսից տագնապալի տեղեկություններ ստացվել: Սահմանի մյուս կողմում գերմանացիները բազմաթիվ դաշտային օդանավակայաններ էին կառուցում, անցկացնում երկաթուղու ճյուղեր, ավտոտրանսպորտի համար ճանապարհները մոտեցնում սահմանին: Ապրիլից սկսվեցին գերմանական զորքերի տեղաշարժերը: Ամեն օր Ուկրաինայի սահմանամերձ շրջաններ էին

³⁹ 1941 թ. հունիսին՝ պատերազմն սկսվելուց մի քանի օր առաջ օկրուգի հրետանու պետ նշանակվեց Խորհրդային Միության հերոս, գեներալ-լեյտենանտ Մ. Ա. Պարսեղովը:

ժամանում գերմանական զորքով և ռազմական հանդերձանքով մինչև երկու հարյուր զնացքեկազմ, ավելի հաճախակի էին փառնում գերմանական ինքնաթիռների կողմից պետական սահմանի խախտման դեպքերը։ Սակայն վերջիններս ցած պցելու հրաման չկար։ Դրությունը ավելի ու ավելի տադնապալից էր դառնում, որը ստիպում էր օկրուդի հրամանատարությանը ուժեղացնել պաշտպանության զորքերի մարտական կազմը և ընդհանուր պատրաստությունը⁴⁰։ Սակայն դա քիչ էր, քանի որ զորքերում զգացվում էր զենքի, մարտական տեխնիկայի, տրանսպորտային ու կապի միջոցների պակաս։ Ավելի դժվար էր հրամանատարական գործը։ Դրա վրա խիստ բացասաբար էին ազդել 1937—1940 թթ. ստալինյան անհիմն բռնությունները, որոնց զոհ էին գնացել շուրջ 40 հազար զինվորականներ, որոնց թվում ԽՍՀՄ առաջին 5 մարշալներից 3-ը, 5 առաջին վարգի բանակային հրամանատարներից (հավասարազոր է բանակի գեներալի կոչման)՝ 4-ը, մեկ առաջին բանակային կոմիսարից՝ 1-ը, 2 առաջին կարգի նավատորմի ֆլագմանից (հավասար է Խորհրդային Միության նավատորմի ծովակալի կոչման)՝ 2-ը, 9 երկրորդ կարգի բանակային հրամանատարներից (հավասար է գեներալ-գնդապետի կոչման)՝ 9-ը, 57 կոմկորներից (հավասար է գեներալ-լեյտենանտի կոչման)՝ 50-ը, 186 վոմդիվներից (հավասար է գեներալ-մայորի կոչման)՝ 154-ը, 656 գնդապետներից՝ 401-ը և այլն⁴¹։ Նրանց թվում էին նաև Հովհ. Բաղրամյանին քաջածանոթ Ի. է. Յակիրը, Ի. Պ. Ուրբուկիշը, Գ. Դ. Գալը (Հայկ Բժշկյան), Ա. Պ. Մելիք-Շահնազարովը և ուրիշներ։ Զգալի կորուստներ էր կրել նաև Կիևի հատուկ զինվորական օկրուգը։ «Հիշում եմ, 1940 թ. մայիսին մեր օկրուգի զորքերում հը-

⁴⁰ Ի. Բ. Բաղրամյան, Այսպես է տկավել պատերազմը, Ե., 1975, էջ 88—90։

⁴¹ Տվյալները վերցված են՝ 50 лет Вооруженных Сил СССР, М., 1968; История второй мировой войны 1939—1945, т. 2, М., 1974; Советская военная энциклопедия, т. 1—8, М., 1976—1980; Военный энциклопедический словарь, М., 1984 աշխատություններից։

րամանատարական ու տեխնիկական կազմի 30 հազարից ավելի մարդու պակաս կար,— գրել է Հ. Խ. Բաղրամյանը,— 1941 թվականին մենք մեծ հույսեր էինք դնում ռազմական ուսումնադասների մայիսյան շրջանավարտների վրա։ Բայց երիտասարդ լեյտենանտները զորամասեր ընկան պատերազմը սկսվելուց ընդամենը մի քանի օր առաջ և, իհարկե, չհասցրին ընտելանալ, ճանաչել իրենց ենթականերին... Ավելի դժվար պրոբլեմը, բոլոր տեսակի զենքերով, հատկապես նոր տիպի տանկերով, ինքնաթիռներով և հրետանային համակարգերով զորքերը հագեցնելն էր... Մեր օկրուգի զորքերում նորագույն տեսակների ինքնաթիռները կազմում էին ինքնաթիռների համակազմի միայն 15 տոկոսը։ Նույնպիսին էր նաև տանկերի վիճակը... Մեր օկրուգի զորքերի բոլոր ցամաքային զորքերի համար հիվանդոտ տեղը տրանսպորտային միջոցներն էին։ Ունեինք ավտոմոբիլների ու տրակտորների անհրաժեշտ քանակի 25—30 տոկոսից ոչ ավելի...»⁴²։ Այսպիսի իրավիճակում հունիսի 19-ին Գլխավոր շտաբի պետ, բանակի գեներալ Գ. Կ. Ժուկովից հեռագիր ստացվեց՝ ԽՍՀՄ պաշտպանության ժողովրդական կոմիսար, Խորհրդային Միության մարշալ Ս. Կ. Տիմոշենկոյի հրամանի համաձայն Կիևի զինվորական օկրուգում ստեղծել ռազմաճակատային վարչություն և հունիսի 22-ին այն Կիևից փոխադրել Տերնոպոլ։ Հունիսի 21-ի կեսօրին գնդապետ Բաղրամյանը անհրաժեշտ պարտականությունները կատարելուց հետո, ավտոմեքենաների շարասյան գլուխ անցած, Ժիտոմիրյան խճուղով ճանապարհ ընկավ դեպի արևմուտք։ Երեկոյան անցան Ժիտոմիրը, իսկ հունիսի 22-ի վաղ առավոտյան դուրս եկան Բրոդիի մոտերքը, որտեղ ականատես եղան գերմանական ինքնաթիռների կողմից քաղաքի մոտ դառնվող օդանավակայանի և վառելանյութի պահեստների ռմբակոծմանը։ Ֆաստատական ինքնաթիռները խուզող թռիչքներով երկու անգամ

42 Ի. Գ. Բաղրամյան, Այսպես է սկսվել պատերազմը, էջ 94—99։

սլացան ավտոշարասյան վրայով՝ գնդակոծելով այն: Բաղ-
րամյանը և նրա զինակիցները համոզված էին, որ պատերազմ
է սկսվել: Նշանակված ժամկետից շուտ՝ հունիսի 22-ի առա-
վոտյան Բաղրամյանը իր աշխատակիցների հետ հասավ Տեր-
նոպոլ, որտեղ արդեն գտնվում էր օկրուգի հրամանատարու-
թյունը: Նույն օրը Կիևի հատուկ զինվորական օկրուգի հիման
վրա ստեղծվում է Հարավարևմտյան ռազմաճակատը, որի շտա-
բի պետի տեղակալ և օպերատիվ բաժնի պետ է դառնում գնդա-
պետ Բաղրամյանը: Պատերազմի հինգ առաջին օրվանից ռազ-
մաճակատի համար ծանրագույն բարդ և անբարենպաստ
պայմաններում նա խուճապի չմատնվեց և ամենաճգնաժա-
մային պահերին անգամ պահպանեց ինքնատիրապետումն ու
մարտական ոգին: Չնայած երկայրատե երթից հոգնած լինե-
լուն, գնդապետ Բաղրամյանը պատերազմի առաջին իսկ օր-
վանից մխրճվեց գործի մեջ, որը սներնդմեջ շարունակվելու
էր 1418 օր՝ մինչև 1945 թ. մայիսի 9-ը:

Ինչպես Հարավարևմտյան ռազմաճակատում, այնպես էլ
խորհրդա-գերմանական ճակատի մյուս հատվածներում ըս-
տեղծվել էր բավականաչափ ծանր իրավիճակ: Օգտվելով պա-
տերազմի նախօրյակին խորհրդային ղեկավարության թույլ
սված աններելի սխալներից, հանկարծակի և ուխտագրուծ
հարձակման հետևանքով ձեռք բերած նախաձեռնությունից,
ինչպես նաև ավիացիայի և տանկերի թվական գերակշռու-
թյունից, գերմանաֆաշիստական զորքերը ղգալի հաջողու-
թյունների հասան: Հունիսի 22-ին նրանց հաջողվեց 250—
300 կմ խորությամբ ռմբակոծել Մոլդավիայի, Ուկրաինայի,
Բելոռուսիայի և Մերձքալթյան հանրապետությունների տրն-
տեսական և ռազմավարական կարևոր նշանակություն ունե-
ցող կենտրոնները, ծանր վնաս պատճառել հատկապես օդա-
նավակայաններում գտնվող խորհրդային ավիացիային (միայն
հունիսի 22-ին ֆաշիստները ոչնչացրեցին խորհրդային շուրջ
1200 ինքնաթիռ, որից շուրջ 900-ը գետնի վրա, միայն Արև-
մուտյան ռազմաճակատը առաջին օրը կորցրեց 738 ինքնա-

թիւ)⁴³ և սրընթաց կերպով շարժվել դեպի արևելք՝ Լենինգրադի, Մոսկվայի և Կիևի ուղղություններով: Ծանր վտանգ կախվեց երկրի վրա: Խորհրդային կառավարությունը, գնահատելով ստեղծված դրությունը, հունիսի 22-ին հանգես եկավ հայտարարության, որով բացահայտեց հիտլերյան զավթիչների նենգ նպատակը, ջուլջուտ վեց հայրենիքին սպառնացող վրտանգի լրջությունը: Ժողովրդին կոչ արվեց ոտքի կանգնել՝ պաշտպանելու հայրենիքը, Հայրենական պատերազմ սկսել երկիր ներխուժած ֆաշիստական զավթիչների դեմ: Նույն օրը ԽՍՀՄ Գերագույն խորհրդի նախագահությունը հրամայեց ընդունեց երկրի մերձակա տարածքի շրջաններում պատերազմական դրություն հայտարարելու և այդ կապակցությամբ զինվորական ու քաղաքացիական իշխանությունների իրավասությունների ու ինդիկների մասին: Միաժամանակ հրամայեց ընդունվեց 1905—1918 թթ. ծնված քաղաքացիներին բանակ զորակոչելու վերաբերյալ⁴⁴: Հունիսի 23-ին ԽՍՀՄ Ժողովրդական հրաժարում իրավունքի և Համկ(բ)Կ Կենտկոմը որոշում ընդունեցին ԽՍՀՄ Զինված ուժերի գլխավոր հրամանատարության Զորավայան ստեղծելու մասին: 1941 թ. օգոստոսի 8-ից ռազմավարական ղեկավարման այդ բարձրագույն մարմինը սկսեց կոչվել Գերագույն գլխավոր հրամանատարության Զորական: Հունիսի 29-ին ԽՍՀՄ Ժողովրդական հրաժարում իրավունքի և Համկ(բ)Կ Կենտկոմն ընդունեցին ղեկավար հրահանգ՝ ուղղված մերձակատարի մարզերի կուսակցական և խորհրդային կազմակերպություններին, որտեղ շարադրվեց խորհրդային ժողովրդի պայքարի ծրագիրը⁴⁵: Հունիսի 30-ին ստեղծվեց պատերազմի ժա-

⁴³ Ст. 50 лет Вооруженных Сил СССР, с. 259; Великая Отечественная война Советского Союза 1941—1945, Краткая история, М., 1970, с. 60; История второй мировой войны 1939—1945, т. 4, М., 1975, с. 35.

⁴⁴ Великая Отечественная война Советского Союза. Краткая история, с. 70.

⁴⁵ Великая Отечественная война 1941—1945. Энциклопедия, М., 1985, с. 242.

մանակաշրջանի արտակարգ մարմին՝ ԽՍՀՄ Պաշտպանության պետական կոմիտե՝ ՀամԿ(Բ)Կ Կենտկոմի գլխավոր քարտուղար, ԽՍՀՄ Ժողկոմխորհի նախագահ Ի. Վ. Ստալինի նախագահությամբ. Պաշտպանության պետական կոմիտեն իր ձեռքում կենտրոնացրեց ամբողջ իշխանությունը երկրի ներսում: Բոլոր քաղաքացիները, կուսակցական, խորհրդային, կոմերիտական և ղինվորական մարմինները պարտավոր էին անվերապահորեն կատարել Պաշտպանության պետական կոմիտեի բոլոր որոշումներն ու ցուցումները: Հուլիսի 3-ին ռազիոյով ժողովրդին դիմեց Ի. Վ. Ստալինը, 1941 թ. հուլիսի 10-ին Ի. Վ. Ստալինը նշանակվեց Զորակայանի նախագահ, հուլիսի 19-ին՝ պաշտպանության ժողկոմ, իսկ օգոստոսի 8-ից՝ ԽՍՀՄ ղինված ուժերի Գերագույն գլխավոր հրամանատար⁴⁶: Նույն թվականի հուլիսի 30-ից Գ. Կ. Ժուկովի փոխարեն գլխավոր շտաբի պետ է նշանակվում Խորհրդային Միության մարշալ Բորիս Միխայլովիչ Շապոշնիկովը, սակայն Գ. Կ. Ժուկովը մնաց Զորակայանի անդամ, իսկ ավելի ուշ՝ 1942 թ. օգոստոսից՝ ԽՍՀՄ պաշտպանության ժողկոմի առաջին տեղակալ և Գերագույն գլխավոր հրամանատարի տեղակալ:

1941 թ. հուլիսի 10-ին Հյուսիսարևմտյան, Արևմտյան և Հարավարևմտյան ռազմավարական ուղղություններում գլխավոր հրամանատարներ նշանակվեցին Խորհրդային Միության մարշալներ Կ. Ե. Վոլոդյարովը, Ս. Կ. Տիմոշենկոն, Ս. Մ. Բուդյոնին: 1941 թ. սեպտեմբերին Հարավարևմտյան ուղղության գլխավոր հրամանատար դարձավ Ս. Կ. Տիմոշենկոն⁴⁷:

ՀամԿ(Բ)Կ Կենտկոմի, Խորհրդային Կառավարության, ԽՍՀՄ Գերագույն խորհրդի նախագահության, Պաշտպանության պետական կոմիտեի և Զորակայանի կողքից, որոշումները, ղեկավար հրահանգներն ու հրամանները կարևոր նշանակություն ունեցան գերմանաֆաշիստական զավթիչների

⁴⁶ Советская военная энциклопедия. т. 7, М., 1979, с. 516.

⁴⁷ Военный энциклопедический словарь, с. 195.

դեմ խորհրդային ժողովրդի պայքարը կազմակերպելու և ղեկավարելու գործում:

Պատերազմի հենց առաջին օրերին ֆաշիստական ընտիր բանակները, որ մինչ այդ հեշտ հաղթարշավ էին անցնել Արևմըտյան Եվրոպայի երկրներում, իրենց համար անսպասելի հանդիպեցին խորհրդային զինվորների հերոսական դիմադրությանը և հսկայական կորուստներ կրեցին: 1941 թ. ամռանը և աշնանը խորհրդային զորքերը հյուսիսային, կենտրոնական և հարավային ուղղություններով մղում էին համառ պաշտպանական մարտեր, հակառակորդին պատճառում կինդանի ուժի և տեխնիկայի զղալի կորուստներ, դանդաղեցնում նրա առաջխաղացումը, դրանով իսկ վիժեցնում կայծակնային հարվածով մի քանի շաբաթում ԽՍՀՄ-ը խորտակելու Հիտլերի սին պլանները: 1941 թ. սահմանային մարտերում, Անդրբեկեռի, Մերձբալթիկայի, Բելոռուսիայի, Ուկրաինայի և Մոլդովայի տարածքներում ծավալված արյունահեղ կռիվներում խորհրդային զորքերն արյունաքամ արեցին դերմանական բանակի հարվածային զորախմբերին: Սակայն ուժերն անհավասար էին: Հյուսիսարևմտյան ուղղությամբ հակառակորդին հաջողվեց դուրս գալ Լենինգրադի մերձակա մատույցները և սեպտեմբերի 8-ին կտրել քաղաքը երկրի հետ կապող ցամաքային ուղիները: Սկսվեց Լենինգրադի հերոսական պաշտպանությունը, որը տևեց շուրջ 900 օր: Գլխավոր իրադարձությունները ծավալվեցին Մոսկվայի ուղղությամբ, որտեղ 1941 թ. հուլիսի 10-ից մինչև սեպտեմբերի 10-ը Սմոլենսկի մոտ տեղի ունեցած ճակատամարտում խորհրդային զորքերը հմուտ հակահարվածներով ստիպեցին հակառակորդին առաջին անգամ իրկրորդ համաշխարհային պատերազմի ընթացքում անցնել պաշտպանության: Դա հնարավորություն տվեց խորհրդային հրամանատարությանը ժամանակ շահել Մոսկվայի պաշտպանությունն ամրապնդելու և հակառակորդին ջախջախելու համար: Այդ մարտերում ծնվեց խորհրդային գվարդիան: Լարված բնույթ էին կրում խորհրդային զորքերի մարտական գործողությունները նաև հարավարև-

մըտայան ուղղությամբ: Խորհրդային զորքերը ծանր մարտերով ստիպված էին նահանջել դեպի արևելք՝ միաժամանակ թշնամու զորքերին պատճառելով մարդկային և նյութական մեծ չափերի կորուստներ: Հասկապես արյունահեղ էր Դուբնոյի, Լուցկի, Ռոմնոյի մոտ տեղի ունեցած պատերազմի առաջին շրջանի խոշորագույն տանկային ճակատամարտը, որը ծավալվեց 1941 թ. հունիսի վերջերին. ճակատամարտին հրկու վողմից մասնակցում էին ավելի քան 1500 տանկ⁴⁸: Հարավարևմտյան ռազմաճակատի զորքերին հաջողվեց ռազմավարական այդ կարևոր ուղղությամբ մի ամբողջ շաբաթ կասեցնել դերմանաֆաշիստական 1-ին տանկային խմբավորման (հրամանատար՝ գեներալ Էվալդ Կլեյստ) առաջխաղացումը՝ ծանր կորուստներ պատճառելով նրան: Դա հնարավորություն տվեց խորհրդային հրամանատարությունը ժամանակ շահել և շրջապատման վտանգից դուրս քաշել զորքերի լվովյան խմբավորումը, ինչպես նաև նախապատրաստվել պաշտպանության Կիևի մատուցներում:

Գնդապետ Հ. Ն. Բաղրամյանը անմիջական մասնակցություն ունեցավ այդ մարտերի կազմակերպմանն ու անցկացմանը, անձամբ հղավ տանկային ու մեքենայացված զորամասերում, մոտիկից օգնելով տանկիստներին: Ճակատային բարդ պայմաններում տեղի ունեցող ռազմական խորհրդի նիստերի ժամանակ նա օպերատիվ-մարտավարական տեսակետից ճիշտ զեկուլցյներ էր տալիս, որոնք հավանություն էին արժանանում ոչ միայն ռազմաճակատի հրամանատարություն, այլև հունիսյան այդ ծանր օրերին ռազմաճակատում գտնվող Գ. Կ. Ժուկովի կողմից: Հետագայում վերհիշելով հունիսի վերջերին կայացած այդ ծանր մարտերը՝ անվանի զորահրամանատարը անշափ բարձր է գնահատել սպառերադմի առաջին օրերի դժվար կացությունների մեջ Բաղրամյանի անձնվեր աշխատանքը. «Պետք է նշել ռազմաճակատի շտա-

⁴⁸ Ի. Գ. Բաղրամյան, Այսպես է սկսվել պատերազմը, էջ 170:

բի պետ Մ. Ա. Պուրկաևի և ռազմաճակատի շտաբի պետի տեղակալ, օպերատիվ բաժնի պետ Ի. Բ. Բաղդամյանի մեծ մըտաղգաստությունը և փայլուն կազմակերպական ընդունակությունները, որ հանդես բերվեցին այդ խիստ բարդ իրադրությունների մեջ, պատերազմի առաջին օրվանից»⁴⁹:

Այնուհետև գնդապետ Բաղդամյանը ակտիվորեն մասնակցել է Կիևի պաշտպանական գործողությանը, որը տեղի է ունեցել 1941 թ. հուլիսի 7-ից մինչև սեպտեմբերի 26-ը և հիմնական նպատակը գերմանաֆաշիստական զորքերի Կիևի ուղղությամբ հարձակման ետմղումն էր:

Գերմանաֆաշիստական հրամանատարությունը հուլիսի վերջերին և օգոստոսի սկզբներին զգալով, որ չի կարողանում կարճ ժամանակամիջոցում մեծ հաջողությունների հասնել Լենինգրադի և Մոսկվայի ուղղություններում, խոշորամասշտաբ հարձակում սկսեց Կիևի ուղղությամբ՝ ձգտելով օգոստոսի 8-ին գրավել Ուկրաինայի մայրաքաղաքը և հաղթանակի դորահանդես կազմակերպել Կրեշչատիկում: Սակայն թրշնամին շարաշար սխալվում էր: Հարավարևմտյան ռազմաճակատի զորքերը դաժան մարտերում ծանր հարվածներ էին հասցնում նրան, ստիպում ամեն մի թիվ հողակտորի համար չափազանց թանկ վճարել: Կիևի պաշտպանական գործողությունն ընթանում էր 300 կմ լայնություն և շուրջ 600 կմ խորություն ունեցող ընդարձակ տարածքի վրա: Ռազմաճակատի զորքերը մարտնչում էին բացառիկ ծանր պայմաններում, սակայն թշնամու զերազանցությունը աստիճանաբար բացահայտ էր դառնում, որը ստիպում էր խորհրդային զորքերին աստիճանաբար ետ քաշվել: Գերմանաֆաշիստական հրամանատարությունը իր «Կինտրոն» զսրախմբի ուժերի մի զգալի մասն օգտագործելով Հարավարևմտյան ռազմաճակատի ուղղությամբ, դրանով իսկ հետաձգեց նրանց հարձակումը գրխավոր ուղղությամբ՝ դեպի Մոսկվա: Դա հնարավորություն տվեց խորհրդային հրամանատարությանը Մոսկվայի մոտ

⁴⁹ Г. К. Жуков. Воспоминания и размышления, М., 1970, с. 241.

կուտակել ռազմավարական պահեստային նոր ուժեր, որոնք հետագայում վճռական նշանակություն ունեցան Մոսկվայի ճակատամարտի ժամանակ: Հովիսօգոստոսյան այդ թեժ մարտերում գնդապետ Հ. Խ. Բաղրամյանը պարտաճանաչ կատարում էր ռազմաճակատի հրամանատարության առաջադրանքները, հարկ եղած դեպքում լինում ճակատամարտի ամենավտանգավոր հատվածներում, տեղերում զգալի օգնություն ցույց տալիս զորամիավորումների հրամանատարներին: Հայրենիքը բարձր գնահատեց գնդապետ Հ. Խ. Բաղրամյանի ծառայությունները և ԽՍՀՄ Ժողկոմխորհի նախագահի 1941 թ. օգոստոսի 12-ի որոշմամբ նրան շնորհվեց գեներալ-մայորի կոչում⁵⁰, Իսկ մի քանի օր անց ռազմաճակատի շտաբի կուսակցական կազմակերպությունը գեներալ-մայոր Հ. Խ. Բաղրամյանին ընդունեց կուսակցության շարքերը⁵¹:

Օգոստոսի երկրորդ կեսերի սկզբին դրությունը Հարավարևմտյան ռազմաճակատում կայունացավ: Ֆաշիստական հրամանատարության բոլոր մտադրությունները՝ ոչնչացնելու Դնեպրի արևմտյան ափին մարտնչող խորհրդային զորքերին, վիժեցվեց վերջիններիս հերոսական պաշտպանության և պատասխան հարվածների շնորհիվ: Գերմանական «Հարավ» բանակների խմբի զգալի ուժերի ավելի քան մեկ ամիս շարունակվող անընդմեջ գրոհները Կիևի տակ չհասան վճռական հաջողության և ավարտվեցին լիակատար ձախողմամբ⁵²: Սակայն ռազմական գործողությունների հետագա զարգացումն ընթանում է ի վնաս Կիևի պաշտպանների, քանի որ Հարավարևմտյան ռազմաճակատի աջ թևում գործող Բրյանսկի ռազմաճակատի զորքերը չեն կարողանում կասեցնել գեներալ-գնդապետ Հանց Վիլհելմ Գուդերիանի տանկային դիվիզիաների հարձակումը դեպի Կիևի հյուսիսարևելյան թիկունքը: Նրան ընդառաջ են գնում գեներալ է. Կլյատի տանկային զորքերը: Հարավարևմտյան ռազմաճակատի զորքերի համար

⁵⁰ «Правда», 1941, 13 августа.

⁵¹ И. Х. Баграмян. Мои воспоминания, с. 300.

⁵² Հ. Ք. Բաղրամյան, Հերոս քաղաքը Դնեպրի ափին, Ե., 1967, էջ 152:

ստեղծվում է շրջապատման ակնհայտ սպառնալիք: Հաշվի առնելով ստեղծված իրավիճակը՝ ռազմաճակատի հրամանատարությունը դիմում է Զորակայանին՝ խնդրելով թույլ տալ զորքերը հտ քաշել թիկունքային բնադժեք: Սակայն Զորակայանը կտրուկ մերժում է ժամանակին արված այդ խելացի առաջարկությունը: Դրությունը ժամառժամ բարդանում էր: Գործին խառնվում է Հարավարևմտյան ուղղության ղլխավոր հրամանատար, խորհրդային Միության մարշալ Ս. Մ. Բուդյոննին: Նա հեռագիր է ուղարկում Զորակայան՝ Հարավարևմտյան ռազմաճակատի զորքերին սպառնացող շրջապատման վտանգի մասին, խնդրում թույլ տալ զորքերը հտ քաշել դեպի արևելք՝ թիկունքային բնադժեք: Սակայն մարշալի միջնորդությունը նույնպես մերժվեց: Դեռ ավելին, նրան սեպտեմբերի սկզբներին հեռացրեցին Հարավարևմտյան ուղղության ղլխավոր հրամանատարի պաշտոնից: Նրա փոխարեն այդ պաշտոնում նշանակվեց խորհրդային Միության մարշալ Ս. Կ. Տիմոշենկոն: Այդ ժամանակ իրար ընդառաջող Գուդերիանի և Կլեյստի տանկային խմբերի միջև մնացել էր մի քանի տասնյակ կիլոմետր. թշնամու օղակը ամեն բոլոր կայրող էր փակվել⁵³:

Հարավարևմտյան ուղղության զորքերի ղլխավոր հրամանատարության շտաբը գտնվում էր Պոլտավա քաղաքում, իսկ Հարավարևմտյան ռազմաճակատի շտաբը սեպտեմբերի 1-ին տեղափոխվեց Կիևից արևելք՝ Պիրյատին քաղաք: Հաջորդ օրը Ս. Կ. Տիմոշենկոն իր մոտ է կանչում գեներալ-մայոր Հ. ի. Բաղրամյանին՝ նրանից մանրակրկիտ տեղեկություն ստանալու համար: Սակայն, երբ Բաղրամյանը ներկայացավ մարշալին և սկսեց զեկուցել ռազմաճակատի ծանր վիճակի մասին, լուր ստացվեց Հարավարևմտյան ռազմաճակատի զորքերի, այդ թվում Կիևի ամրացված շրջանի և ռազմաճա-

⁵³ Միայն սեպտեմբերի 15-ին Գուդերիանի և Կլեյստի տանկերը, որոնք Կիևը շրջանցել էին հյուսիսից և հարավից, վերջապես միացան Լոխվիցի շրջանում:

կատի հրամանատարական կետի շրջապատված լինելու մասին: Զեկույցն ավարտելուց հետո Բաղրամյանը թույլտվություն է խնդրում՝ ինքնաթիռով ռազմաճակատի շտաբ վերադառնալու համար: Մարշալ Տիմոշենկոն, մտահոգված լինելով ռազմաճակատի զորքերը շրջապատման կախսայից դուրս բերելու պատճառով, համաձայնվեց, միաժամանակ տալով բանավոր հրաման. «Զեկույցեք, ընկե՛ր Բաղրամյան, գնահատել Վիրպոնոսին, որ ստեղծված իրավիճակում Հարավարևմտյան ուղղության ռազմական խորհուրդը, շունենալով անհրաժեշտ ռեզերվներ, Հարավարևմտյան ռազմաճակատի զորքերի համար միակ նպատակահարմար՝ որոշումն է համարում բոլոր ուժերով հտ քաշվելը: Ռազմաճակատի հրամանատարին հայտնեք իմ բանավոր հրամանը՝ թողնելով Կիևի ամրացված շրջանը և ոչ մեծ ուժերով պաշտպանվելով Դնեպր գետի բնագծով, ռազմաճակատի գլխավոր ուժերով անհապաղ հտ քաշվել գեպի Պսյոլ գետով անցնող թիվունքային պաշտպանական բնագիծը»⁵⁴: Արագընթաց ռմբակոծիչ ինքնաթիռով, ամեն րոպե վտանգի ենթարկելով կյանքը, Բաղրամյանը բարեհաջող տեղ է հասնում և ռազմաճակատի հրամանատար գնահատալ-գնդապետ Կիրպոնոսին հաղորդում մարշալի հրամանը: Սակայն վերջինս ավելի համոզված լինելով՝ հտ քաշվելու և Կիևը թողնելու բանավոր հրամանի իսկության մեջ, հեռավորում է Ի. Վ. Ստալինին: Միայն սեպտեմբերի 18-ի դիշերը Զորակայանից ստացվեց ռազիոգիր, որով թույլատրվում էր թողնել Կիևը: Սեպտեմբերի 19-ին Կիևի վերջին պաշտպանները թողեցին քաղաքը: Այժմ հիմնական խնդիրը շրջապատման օդակից դուրս գալն էր, որն արդեն համարյա անհնարին էր: Լոխվիցի շրջանում հակառակորդի տանկային ուժերի հանդիպման հետևանքով Կիևից արևելք ընկած ընդարձակ տարածության վրա շրջապատման էին ենթարկվել ռազմաճակատի 5-րդ, 37-րդ, 26-րդ բանակների զգալի մասը, մասամբ նաև 21-րդ և 38-րդ բանակների զորքերը: Նրանց մի մասին հաջողվեց մարտերով դուրս պրծնել մահվան օղո-

⁵⁴ Նշվ. աշխ., էջ 228—229:

կից, իսկ շատ-շատերը, որոնց թվում նաև ռազմաճակատի հրամանատար, գեներալ-գնդապետ Մ. Պ. Կիրպոսնոսը, շտաբի պետ, գեներալ-լեյտենանտ Վ. Ի. Տուպիկովը, ռազմական խորհրդի անդամ, գիվիզիոնային կոմիսար Ե. Պ. Ռիկովը հերոսաբար զոհվեցին: Շատ-շատերը գերի վերցվեցին թշնամու կողմից:

Շրջապատման օղակից դուրս եկողների մեջ էր նաև գեներալ-մայոր Հ. Խ. Բաղրամյանը: Նա իր շուրջն էր համախմբել ռազմաճակատի շտաբի ողջ մնացած աշխատողներին, պահակային ջոկատներին և շրջապատման մեջ մնացած ուրիշ սպաների և զինվորների, ստեղծել 1000 հոգանոց մի զորաջոկատ և հմտորեն մարտերով այն դուրս բերել ծուղակից և ներկայացել Հարավարևմտյան ուղղության գլխավոր հրամանատարության շտաբ: Այդ սխրանքի համար գեներալ Բաղրամյանը մարշալ Ս. Կ. Տիմոշենկոյի՝ 1941 թ. նոյեմբերի 6-ի թիվ 2 հրամանով պարգևատրվեց մարտական Կարմիր դրոշի շքանշանով⁵⁵. Որ Բաղրամյանի առաջին մարտական պարգևն էր Հայրենական մեծ պատերազմում:

Այսպիսով, Կիևի պաշտպանական գործողության ընթացքում Հ. Խ. Բաղրամյանը ռազմաճակատի շտաբի օպերատիվ բաժնի պետի պարտականությունները մարտական դրժվարին պայմաններում հաջողությամբ կատարելու և այդ ընթացքում ցուցաբերած տոկունության, քաջության և մարտավարական բարձր կարողությունների համար արժանանում է գեներալ-մայորի կոչման, ընդունվում կուսակցության շարքերը, արժանանում կառավարական առաջին պարգևին:

Ավելի քան երկուսուկես ամիս տևած գործողությունը կարևոր դեր խաղաց «կայծակնային պատերազմի» գերմանաֆաշիստական սյուսնների ձախողման գործում, թույլ չտրվեց, որ հակառակորդը ընթացքից դրավի Կիևը և դժվարացրեց նրա հարձակումը Մոսկվայի ուղղությամբ: Սակայն այդ ամենը ձեռք բերվեց հսկայական կորուստների պնով: Հարավ-

⁵⁵ Ռուսաստանի դաշնության պաշտպանության նախարարության կենտրոնական արխիվ (այսուհետև՝ ՌԳ ՊՆԱ), ֆ. 33, ց. 682524, գ. 419, թ. 2:

արևմտյան ռազմաճակատը 1941 թ. հուլիսի 7—սեպտեմբերի 26-ը իր 627000 զորքից կորցրեց 585598 մարդ⁵⁶:

Կիևի պաշտպանական դորժողության ավարտից հետո Զորակայանը Հարավարևմտյան ռազմաճակատի հրամանատարությունը դրեց Խորհրդային Միության մարշալ Ս. Կ. Տիմոշինկոյի և նրա շտաբի վրա: Շտաբի պետ է նշանակվում գեներալ-լեյտենանտ Պավել Իվանովիչ Բոդինը, նրա տեղակալ՝ օպերատիվ բաժնի պետ գեներալ-մայոր Հ. Ն. Բաղրամյանը: Ռազմաճակատի զորքերը սեպտեմբերի երկրորդ կեսերին ամրանում են Բելոպոլյե—Լերեդին—Շիշակի բնագծում և կապ-նեցնում դեպի Խարկով շարժվող հիտլերյան զորքերի ճանապարհը: Հստակարևմտյան ռազմաճակատի շտաբի վրա էր դրված նաև Հարավային ռազմաճակատի զորքերի կառավարման խնդիրը: Շրջապատումից դուրս եկած, ինչպես նաև նոր մարդկանցով համալրված շտաբը կարճ ժամանակամիջոցում վերականգնեց իր աշխատունակությունը և անմիջապես դործի լծվեց: «Գործը նրանով էր հեշտանում, — գրում է Բաղրամյանը, — որ ռազմաճակատի ապարատի ղեկավարներից շատերը նախկին աշխատանքից ինձ լավ ծանոթ էին: Ռազմաճակատի հրամանատարի տեղակալ էր նշանակված մեր 26-րդ բանակի նախկին հրամանատար, գեներալ-լեյտենանտ Ֆեոդոր Յակովլևիչ Կոստենկոն, հրետանու գծով հրամանատարի տեղակալ՝ գեներալ-լեյտենանտ Մ. Ա. Պարսեղովը, ռազմաօդային ուժերի հրամանատար՝ ավիացիայի գեներալ-մայոր Ֆ. Յա. Ֆալալանը, զրահատանկային զորքերի գծով ռազմաճակատի հրամանատարի օգնական՝ գեներալ-լեյտենանտ Վ. Ս. Տամրուշին, քաղվարչության պետ՝ բրիգադային կոմիսար Ս. Ֆ. Դալաջևը և ուրիշներ...»⁵⁷:

Զնայած նահանջի ծանր օրերի դառն հուշերին, գեներալ-մայոր Բաղրամյանը և նրա ղինակիցները ոչ մի վայրկյան

⁵⁶ Гриф секретности снят. Потери Вооруженных Сил СССР в войнах, боевых действиях и военных конфликтах. Статистическое исследование, М., 1993, с. 166—167.

⁵⁷ Ի. Ք. Բաղրամյան, Այսպես է սկսվել պատերազմը, էջ 506:

անգամ չէին կորցնում թշնամու դեմ հաղթանակի հավատը և ամեն ինչ անում էին դրա համար:

Հարկադրական նահանջը մեծ փորձությունների դաս եղավ ինչպես Բաղրամյանի, այնպես էլ նրա զինակիցների համար: Նրանք լավ էին հասկանում, որ նահանջի պատճառը ոչ թե իրենց թույլ տված վրիպումներն էին, այլ հակառակորդի ուժերի մեծ գերակշռությունը, տանկային միավորումների առավել շարժունությունը, օդային ուժերում ունեցած առավելությունը: Գերմանական զորքերի ժամանակավոր հաջողություն «գաղտնիքը» կռահելով հանգերձ՝ Բաղրամյանն ուշիուշով խորամուխ է լինում օպերատիվ-մարտավարական տրվյալների մեջ, ուսումնասիրում դրանք և հանգում այնպիսի եզրակացությունների, որոնք անսպասելի էին հակառակորդի համար և նրան կանգնեցնում էին փակուղու առաջ: Դա փայլուն կերպով դրսևորվեց Ռոստոմյան զործողության ժամանակ⁵⁸:

Սմոլենսկի և Կիևի մոտ դժվարին հաղթանակներ տանելուց հետո գերմանաֆաշիստական զորքերը վերսկսում են իրենց հարձակողական զործողությունները «Կենտրոն» և «Հարավ» ուղղություններով: Սեպտեմբերի 30-ից սկսվում է պատերազմի առաջին շրջանի ամենախոշոր ճակատամարտերից մեկը՝ Մոսկվայի ճակատամարտը: Գուդերիանի տանկային զորախումբը արշավում է Մոսկվայի ուղղությամբ: Հիտլերը նպատակ էր դրել մինչև նոյեմբերի 7-ը գրավել ԽՍՀՄ մայրաքաղաքը և այդ օրը զորահանդես կադմակերպել Կարմիր հրապարակում: Հարձակումը շարունակվեց նաև Հարավարևմելյան և Հարավային ռադմաճակատների ուղղությամբ: Գերերալ Կլեյստի զորքերին հաջողվեց հարավում ճեղքել 9-րդ բանակի գոտին և հոկտեմբերի 17-ին գրավել Ալոմլի ծովի ափերին գտնվող Տադանրոգ քաղաքը՝ սպառնալիք ստեղծելով Դոնի, Ռոստովի համար: Մարշալ Տիմոշենկոն դեներալներ Բոդինի և Բաղրամյանի հետ մշակում էր ֆաշիստական զորքերի

⁵⁸ Գ. Բ. Գալիբջանյան, Ա. Պ. Սիմոնյան, Մարշալ Բաղրամյան, էջ 14:

առաջխաղացումը կասեցնելու և նրան հակահարված հասցնելու պլան, որն իրագործվեց նոյեմբերի 5-ից մինչև դեկտեմբերի 2-ն ընկած ժամանակաշրջանում: Բաղրամյանն ակտիվորեն մասնակցում է նաև այդ գործողության իրականացման ընթացքում զորքերի ղեկավարման աշխատանքներին: Հարավային ռազմաճակատի երեք բանակներ նոյեմբերի 17-ին անցնում են հակահարձակման՝ նպատակ ունենալով ջախջախել դեներալ Կլեյստի 1-ին տանկային բանակը, որը բավականաչափ ուժեղացված էր «Հարավ» բանակների խմբի ալլ դորամիավորումներով: Նոյեմբերի 20-ին հակառակորդը, օգտագործելով տանկերի և ավիացիայի նկատմամբ ունեցած իր բացահայտ գերակշռությունը, կոտրեց Դոնի Ռոստովը պաշտպանող զորքերի համառ դիմադրությունը և հաջորդ օրը դրավեց այն: Սակայն մշակված պլանի համաձայն, նոյեմբերի 27-ին Հարավային ռազմաճակատի զորքերը հյուսիսից և արևելքից միաժամանակ հակառակորդին հասցրեցին հզոր հակահարված և երկու օր անց՝ նոյեմբերի 29-ին, ազատագրեցին Դոնի Ռոստովը: Զարգացնելով հաջողությունը, ռազմաճակատի զորքերը հիտլերականներին շարտեցին Միուս գետից այն կողմ: Թշնամու քթի տակ ամուր փակվեց Կովկասի դարպասը: Դերմանաֆաշիստական զորքերը կրեցին ծանր կորուստներ: Միայն հակահարձակման ընթացքում Հարավային ռազմաճակատի զորքերը գրավեցին 154 տանկ, 8 զրահամեքենա, 244 հրանոթ, 93 ականանետ, 1455 ավտոմեքենա և այլ մարտական տեխնիկա⁵⁹:

Ռոստովյան գործողությունը երկրի ռազմավարական պաշտպանության ընթացքում փայլուն կերպով անցկացված հակահարձակումներից մեկն էր, որի շնորհիվ ոչ միայն խոշոր պարտություն հասցվեց գերմանական 1-ին տանկային բանակին և «Հարավ» բանակախմբի մյուս զորքերին, այլև այն Դոնի Ռոստովի տակ կաշկանդեց «Հարավ» բանակախմբի գրեթե բոլոր ուժերը, որը հնարավորություն չտվեց գեր-

59 Ի. Ք. Բաղրամյան, Այսպես է սկսվել պատերազմը, էջ 621:

մանական հրամանատարությունը դրա հաշվին ուժեղացնել Մոսկվայի տակ գործող իր ուժերին: Դոնի Ռոստովի մոտ տարած հաղթանակը մեծ չափով նպաստեց Մոսկվայի ճակատամարտի հաղթական ելքին:

Ռոստովյան գործողության ժամանակ գեներալ Բաղրամյանի գրաւորած զորավարական հմտությունը աննկատ չմընաց գլխավոր հրամանատարության կողմից, որը նրան ժամանակավորապես նշանակեց գեներալ-լեյտենանտ Ֆ. Յա. Կոստենկոյի գլխավորած ռազմաճակատային օպերատիվ ղորախմբի շտաբի պետ: Զորախմբի մեջ մտնում էին 2 հրաձգային, 3 հեծյալ դիվիզիա, 1 մոտոհրաձգային, 1 տանկային բրիգադ և ուժեղացման համար տրված այլ զորամասեր: Կոստենկոյի շտաբի վրա միաժամանակ գրված էր Հարավարևմտյան ռազմաճակատի աջ թևի՝ 3-րդ և 13-րդ բանակների մարտական գործողությունների ղեկավարությունը: Օպերատիվ խումբը գործելու էր Մոսկվայից հարավ՝ Ելեցի ուղղությամբ:

Ինչպես հայտնի է, 1941 թ. դեկտեմբերի 5-ին Արևմտյան, Կալինինի, Բրյանսկի ռազմաճակատների զորքերը հակահարձակման անցան Մոսկվայի մոտ, որի հետևանքով հակառակորդը ետ շարժվեց դեպի արևմուտք 100—150 կմ: Մոսկովյան հարձակողական գործողության ընթացքում դեկտեմբերի 6—16-ը իրականացվեց Մոսկվայի ճակատամարտի բաղկացուցիչ մասը կազմող Ելեցյան գործողությունը, որի պլանի մշակման և իրականացման գործին ակտիվ մասնակցություն ունեցավ գեներալ-մայոր Բաղրամյանը: Գործողության հետևանքով Հարավարևմտյան ռազմաճակատի աջ թևի զորքերը մարտերով առաջ շարժվեցին Ելեցի ուղղությամբ և դեկտեմբերի 9-ին բաղաժնի աղատագրեցին ֆաշիստական զավթիչներից: Զարգացնելով հարձակումը հյուսիսարևմտյան ուղղությամբ՝ Կոստենկոյի ղորախումբը մինչև դեկտեմբերի 16-ը խորացավ ավելի քան 80—100 կմ՝ վերացնելով հակառակորդի երկու դիվիզիա, կործանիչ հարված հասցվեց գերմանական 2-րդ տանկային բանակին, դրանով իսկ ղգալի օդուժություն ցույց տալով հակահարձակման անցած Արևմտյան

ռազմաճակատի ձախ թևի զորքերին, որոնք կատարում էին Մոսկվայի ճակատամարտում հիմնական խնդիրը: Ելեցյան գործողության բնորոշ առանձնահատկությունը նրա՝ կարճ ժամանակաընթացքում մշակումն ու իրականացումն էր: Այն իրագործվեց համեմատաբար արագ թափով, ձմեռային դժվարին պայմաններում և մեծ շափով նպաստեց Մոսկվայի ճակատամարտի հաղթական ընթացքին:

Մոսկվայի տակ տարած հաղթանակի մասին Բաղրամյանը հետագայում գրում է. «Մոսկվայի տակ տարած հաղթանակը Հայրենական մեծ պատերազմի առաջին տարվա ոսղմաքաղաքական վճռական իրադարձությունն էր: Դժվար է դերագնահատել նրա հետևանքները պատերազմի հետագա ընթացքի վրա: Վերջնականապես տապալվեց կալծականային պատերազմի հիտլերյան պլանը, պսակադերծվեց հիտլերյան բանակի անհաղթելիության մասին եղած առասպելը: Աշխարհի ժողովուրդներն առաջին անգամ հավատացին ագրեսորին սանձելու հնարավորությանը»⁶⁰:

Հայրենիքը բարձր գնահատեց գեներալ-մայոր Հ. Խ. Բաղրամյանի զգալի ավանդը ռոստովյան գործողության ժամանակ ձեռք բերված հաջողությունների, ելեցյան գործողության մշակման և այն փայլուն կերպով իրականացնելու մեջ: ԽՍՀՄ Ժողկոմխորհի 1941 թ. դեկտեմբերի 27-ի որոշումով Բաղրամյանին շնորհվեց գեներալ-լեյտենանտի ղինվորական կոչում⁶¹: Հենց այդ ժամանակ էլ նա առաջ քաշվեց Հարավարևմտյան ռազմավարական ուղղության շտաբի օպերատիվ վարչության պետի պաշտոնում: Հարավարևմտյան ուղղության մեջ էին մտնում Բրյանսկի, Հարավարևմտյան և Հարավային ռազմաճակատների զորքերը: Այդ պաշտոնում գեներալ-լեյտենանտ Հ. Խ. Բաղրամյանը 1942 թ. հունվարի 18—31-ը մասնակցեց Բարվենկովո—Լոդովայա գործողության մշակմանը և իրականացմանը: Գործողության հիմնական

⁶⁰ Ի. Ք. Բաղրամյան, Այսպիս է սկսվել պատերազմը, էջ 677:

⁶¹ «Правда», 1941, 28 декабря.

խնդիրն էր՝ դուրս գալ հակառակորդի Դոնբաս-տաֆանբոգ-
յան խմբավորման թիկունքը, կտրել դեպի արևմուտք նրա
նահանջի ճանապարհը, այնուհետև շրջափակվելով Ազովի
ծովի ափերին ոչնչացնել այդ խմբավորման զորքերը: Դործո-
ղությունը իրականացվեց Հարավարևմտյան (հրամանատար՝
գեներալ-լեյտենանտ Ֆ. Յա. Կոստենկո) և Հարավային (հրա-
մանատար՝ գեներալ-լեյտենանտ Ռ. Յա. Մալինովսկի) ռադ-
մաճակատների զորքերի ուժերով, որոնք հարձակման համար
կենտրոնացվել էին Խարկովից հարավ՝ Սլավյանսկ, Իվյում,
Բալակլեա շրջանում:

Հունվարի 18-ին երկու ռադմաճակատների զորքերն ան-
ցան վճռական հարձակման և ձմեռային սաստիկ սառնամա-
նիքների պայմաններում տեղի ունեցած կատաղի մարտերով
ճեղքեցին թշնամու խիստ ամրացված պաշտպանությունը:
Զարգացնելով ձեռք բերված հաջողությունը՝ խորհրդային
զորքերը հետևակի և հեծելազորի համակցված հարվածնե-
րով (գործողությանը մասնակցում էին 6 համազորային բա-
նակ և 3 հեծելազորային կորպուս) հունվարի 23-ին աղառա-
գրեցին Բարվենկովո, իսկ երեք օր անց՝ հունվարի 26-ին՝ Լո-
ղովայա քաղաքները: Բարվենկովոն թշնամու՝ խոշորագույն
բանակային թիկունքային բաղան էր, իսկ Լողովայան՝ կա-
րևորագույն երկաթուղային և խճուղային հանգույց, որը վեր
էր ածվել գլխավոր բաշխիչ կայարանի: Բարվենկովո—Լողո-
վայա գործողության հետևանքով խորհրդային զորքերը 100 կմ
ճակատով ճեղքեցին հակառակորդի պաշտպանությունը և
դեպի արևմուտք ու հարավ-արևմուտք շարժվեցին 90—100 կմ:
Դրանով իսկ վտանգի տակ դրվեց գերմանական դոնբասյան
խմբավորման հաղորդակցությունը, այդ ուղղությամբ տեղում
կաշկանդվեցին ղզալի ուժեր, որոնց հնարավորություն շտրպ-
վեց փոխադրելու այլ ուղղություններ: Թշնամին կրեց
մեծ կորուստներ. շարքից հանվեց ավելի քան 35 հազար
զինվոր ու սպա, վերցվեց հարուստ ավար: Սակայն խորհրդ-
դային զորքերին չհաջողվեց մինչև վերջ իրականացնել պլա-
նով նախատեսված խնդիրն ամբողջովին, քանի որ չկային

անհրաժեշտ չափով հրետանային և տանկային ուժեր: Այնուամենայնիվ Բարվենկովո—Լոզովայա գործողությունը, որն իրագործվեց 1942 թ. ձմռանն իրականացված ընդհանուր ռազմավարական հարձակման ընթացքում, իր մտահղացմամբ և կատարման վարպետությամբ խորհրդային զորահրամանատարության կողմից իրականացված գործողություններից ամենահաջողվածներից մեկն էր: Դրանում իր արժանի ավանդըն ունեւր Հարավարեւմտյան ուղղության շտաբի օպերատիվ վարչության պետ, գեներալ-լեյտենանտ Լ. Խ. Բաղրամյանը: Հայտնի է, որ նախնական պլանի համաձայն այդ գործողությունը պետք է սկսվեր 1942 թ. հունվարի 12-ին: Սակայն Բաղրամյանը, մանրակրկիտ ուսումնասիրելով հակառակորդի վերաբերյալ տվյալները և հարձակման հետ կապված մընացած հարցերը, գալիս է այն եզրակացության, որ գործողության սկսվելու օրը պետք է հետաձգել մի քանի օրով: Մարշալ Տիմոշենկոն հաշվի է առնում Բաղրամյանի փաստարկները և հարձակման օրը նշանակում հունվարի 18-ին: Ինչպիս ցույց տվեցին իրադարձությունները, Բաղրամյանը չէր սխալվել:

Հետագայում ի մի բերելով Բարվենկովո—Լոզովայա գործողության արդյունքները՝ Բաղրամյանը ինքնաքննադատարար վեր է լուծում այն պատճառները, որոնք Հարավարեւմտյան ուղղության գորքերին խանգարեցին լիովին հաղթանակ ձեռք բերել 1942 թ. հունվարին: Դրանց թվում նա առաջին հերթին նշում է խտաշունչ ձմռան պայմանները, հակառակորդի համեմատությամբ մեկ ու կես անգամ քիչ հրետանի ու տանկեր ունենալը և այլն: «Դրա հետ չպետք է մոռանալ,— գրում է նա,— որ խոսքը վերաբերում է 1942 թ. ձմռանը, երբ մենք դեռևս խոշոր հարձակողական գործողությունների փորձ չունեինք: Այն ժամանակ մենք բոլորս սովորում էինք, սովորում էինք դժվարին իրադրության մեջ, երբ թշնամին գերազանցում էր նյութական ռեսուրսներով, ինչպիս և այն ժամանակաշրջանի համար ժամանակակից պայմաններում մարտական գործողություններ վարելու փոր-

վեր Հարավարևմտյան ուղղության զորքերի տեղը և դերը այդ մարտական գործողություններում»⁶³:

Այնուհետև ղեկուցադրում նշվում է, որ ուղղության զորքերի ռազմաճակատի գծի երկարությունը 1000 կմ քիչ ավել է և այդ հսկայական տարածության վրա տեղաբաշխված են 74 հրաձգային և 18 հեծյալ դիվիզիաներ, 480 տանկ ու 800 մարտական ինքնաթիռ: Հրաձգային դիվիզիաների անձնակազմերը համալրված էին կիսով չափ, իսկ երեք դիվիզիա՝ միայն երեք քառորդով: Զորքերը լավ չէին ապահովված նորագույն տանկերով, հակատանկային ու զենիթային հրանոթներով, ականանետներով ու գնդացիլններով: Ինքնաթիռների համարյա մեկ երրորդը կազմում էին «Ու—2» արյուի ամենապարզ կառուցվածքի մեկ շարժիչավոր, երկթևանի դանդաղ ընթացներից, որոնք դիտավորապես օգտագործվում էին հրամանատարության և շտաբների կապը զորքերի հետ ապահովելու համար. մարտական մեքենաների պակասության պատճառով դրանք հաճախակի օգտագործվում էին նաև որպես փշերային ռմբակոծիչներ:

Ձեկուցադրում նշված էր, որ Հարավարևմտյան ուղղության երեք ռազմաճակատների դիմաց հակառակորդն ուներ 64 դիվիզիա, որից 7-ը տանկային, 6-ը մեքենայացված, 3-ը էսէսական, 500 տանկ, 1000-ից ավելի մարտական ինքնաթիռ: Հակառակորդը Հարավարևմտյան ուղղության զորքերին գերազանցում էր նորագույն տանկերով, հակատանկային հրերետանիով և առանձնապես ինքնաթիռների քանակով ու որակով:

Զորակայանի առջև հարց էր բարձրացվում ուղղության զորքերը համալրել 32—34 հրաձգային դիվիզիաներով, 27—28 տանկային բրիգադներով, 19—24 հրետանային գնդերով, 756 մարտական ինքնաթիռներով և անհրաժեշտ այլ տեխնիկայով ու հանդերձանքով⁶⁴: Եթե Զորակայանը տրամադրեր

⁶³ Նույն տեղում, էջ 62—63:

⁶⁴ Նույն տեղում, էջ 68:

այդ համալրումը, ապա հնարավոր կլինեի հարձակումն սկսել Դոնբաս—հարկով ուղղությամբ:

Մարտի վերջերին Ս. Կ. Տիմոշենկոն, Ն. Ս. Խրուշչովը և Հ. Խ. Բաղրամյանը եղան Մոսկվայում՝ Զորակայանին ներկայացնելու կազմած զեկուցագիրը: Մարտի 27-ի երեկոյան Կրեմլում իր աշխատասենյակում նրանց ընդունեց Ի. Վ. Ստալինը: Նրա հետ էր նաև Գլխավոր շտաբի պետ Բ. Մ. Շապոշնիկովը: Նախօրոք պայմանավորվածությամբ համաձայն հիմնական զեկուցումը տվեց Հ. Խ. Բաղրամյանը: Դա նրա առաջին հանդիպումն էր Ստալինի հետ: Հաղթահարելով հուզմունքը՝ Բաղրամյանը, Գերագույն գլխավոր հրամանատարի առջև փոխելով քարտեզը, սկսեց զեկուցել Հարավարևմտյան ուղղութիւններում ստեղծված օպերատիվ-ռազմավարական իրադրութիւնը և ամառվա ընթացքում իրենց ռազմավարական մտադրութիւնների մասին: Զորակայանից համալրումներ պահանջելու առաջարկութիւնները Բաղրամյանը հաստատում էր խորապէս հիմնավորված փաստարկներով: Զեկուցման քննարկումից պարզ դարձավ, որ Գերագույն գլխավոր հրամանատարը չէր կարող ընդունել այն, քանի որ գերմանաֆաշիստական զորքերի՝ 1942 թ. ամառային հարձակման գլխավոր ուղղութիւնը նրա կարծիքով լինելու էր Մոսկվան, այլ ոչ թե հարավարևմտյան ուղղութիւնը: Հենց Մոսկվայի ուղղութիւնը էլ պետք է կենտրոնացվէին Զորակայանի պահեստային ուժերը, որոնք առանց այդ էլ շատ սուղ էին: Ուստի Ստալինը պահանջում էր շուտափույթ մշակել նոր պլան, որի հիմնական նպատակը կլինէր միայն հարկովի ազատագրումը՝ այն էլ առանց Զորակայանից լրացուցիչ ուժեր պահանջելու: Մարտի 28—30-ը Ս. Կ. Տիմոշենկոն, Ն. Ս. Խրուշչովը և Հ. Խ. Բաղրամյանը ձեռնամուխ են լինում խարկովյան հարձակողական գործողութիւն պլանի մշակմանը: Մարտի 30-ի երեկոյան նրանք Բ. Մ. Շապոշնիկովի և Ա. Մ. Վասիլևսկու ներկայութեամբ Ի. Վ. Ստալինին են ներկայացնում Հարավարևմտյան զորքերի գործողութիւնների 1942 թ. ապրիլ-մայիս ամիսների պլանը, որի հիմնական նպատակն էր գրա-

վել հարկովը, ապա վերախմբավորելով ուժերը՝ հարվածել հյուսիս-արևելքից՝ գրավել Դնեպրոպետրովսկը, Սինելնիկովոն և դրանով իսկ հակառակորդին զրկել Դնեպր գետի վրայի կարևոր անցարանից և Սինելնիկովո երկաթուղային հանգույցից: Պլանի մեջ մանրամասնորեն տրված էր գործողություններ հաջողության մասնակցների և տեխնիկայի քանակը, ստացվելիք համալրումների չափը և այլն: Նախատեսվում էր գործողությունը սկսել ապրիլի վերջերին: Զորակայանը, ընդհանուր առմամբ, հավանություն տվեց այդ պլանին և պահանջեց վերադառնալ ռազմաճակատ և նախապատրաստվել գործողության իրականացմանը: Ապրիլի սկզբներին Հարավարևմտյան ուղղության ղեկավարությունը վերադարձավ Վորոնեժ, որտեղ տեղակայված էր շտաբը և անմիջապես սկսեց խարկովյան գործողության նախապատրաստական աշխատանքները: Հենց այդ օրերին էլ Զորակայանի որոշմամբ ապրիլի 8-ին Հարավարևմտյան ուղղության զխավոր հրամանատար, մարշալ Ս. Կ. Տիմոշենկոն ստանձնեց Հարավարևմտյան ռազմաճակատի զորքերի անմիջական հրամանատարությունը, իսկ այդ ռազմաճակատի զորքերի նախկին հրամանատարը՝ գեներալ-լեյտենանտ Յ. Յա. Կոստենկոն, նշանակվեց նրա տեղակալ: Այդ որոշման համաձայն գեներալ-լեյտենանտ Հ. Խ. Բաղրամյանը դարձավ ռազմաճակատի շտաբի պետը, պահպանելով Հարավարևմտյան ուղղության օպերատիվ խմբի պետի պաշտոնը⁶⁵: Ուղղության զորքերի կազմից հանվեց Բրյանսկի ռազմաճակատը և հանձնվեց Զորակայանին: Մայիսի 4-ին Գերագույն ղխավոր հրամանատարության Զորակայանի որոշմամբ Հարավարևմտյան ուղղության օպերատիվ խումբը վերակազմավորվեց ուղղության շտաբի: Հ. Խ. Բաղրամյանը դարձավ ուղղության շտաբի պետը՝ միաժամանակ մնալով Հարավարևմտյան ռազմաճակատի շտաբի պետի պաշտոնում⁶⁶: Ապրիլի 10-ին

⁶⁵ Նույն տեղում, էջ 85:

⁶⁶ Նույն տեղում, էջ 93:

Զորակայանին ներկայացվեց խարկովյան գործողության պլանը, որը պետք է սկսվեր մայիսի 4-ին՝ Հարավարևմտյան և Հայրավայրին⁶⁷ ռազմաճակատների ուժերով: Սակայն հետագայում ստիպված էին անձնակազմի ու սպառազինության համալրման ոչ ժամանակին ստացվելու պատճառով հարձակման օրը հետաձգել մայիսի 12-ին: Գործողության հիմնական նպատակը հակառակորդի խարկովյան խմբավորման ջախջախումն էր, խարկովի ազատագրումը և Դնեպրոպետրովսկի ուղղությամբ հարձակում նախապատրաստելու համար պայմաններ ստեղծելը: Նախատեսված էր, որ Հարավարևմտյան ռազմաճակատի զորքերը պետք է երկու հարված հասցնեին խարկովի ընդհանուր ուղղությամբ, մեկը հյուսիսարևելքից՝ Վոլչանսկի շրջանից, մյուսը՝ հարավից՝ Բարվենկովյան ելուստից: Մալինովսկու զորքերին հանձնարարված էր Բարվենկովյան ելուստի հարավային դիմամասի սամուր պաշտպանությունը՝ դրանով իսկ ապահովելով Հարավարևմտյան ռազմաճակատի զխավոր հարվածային խմբավորման հարձակումը հարավից: Հարկ է նշել, որ դերմանաֆաշիստական հրամանատարությանը նախօրոք հայտնի էին դարձել խորհրդային հրամանատարության մտադրությունները, և իրենք ևս իրենց հերթին պատրաստում էին ռազմավարական հզոր գործողություն, որի նպատակը ոչ միայն խարկովի պահպանումն էր, այլ նաև Հյուսիսային Դոնեց գետի արևմտյան տարածքների գրավումը խարկովից հարավ-արևելք, որը հնարավորություն էր ստեղծելու անմիջապես հզոր ռազմավարական հարձակում սկսել այդ ուղղությամբ՝ դեպի արևելք:

Հարավարևմտյան ռազմաճակատի զորքերի հարձակումը սկսվեց մայիսի 12-ին: Երեք օրվա ընթացքում ռազմաճակատի զորքերը համառ մարտերով ճեղքեցին հակառակորդի պաշտպանությունը և խարկովից հյուսիս առաջ շարժվեցին

⁶⁷ Հարավային ռազմաճակատի հրամանատարը գեներալ-լեյտենանտ Ռոդիոն Յակովլենի Մալինովսկին էր:

18—25կմ, իսկ հարավում՝ 25—50կմ: Բարենպաստ պայմաններ ստեղծվեցին հարձակման հետագա հաջողությունը զարգացնելու համար: Դրա համար անհրաժեշտ էր անմիջապես ճեղքվածքների մեջ մտցնել շարժական զորամիավորումներ: Սակայն ռազմաճակատի հրամանատարությունը հապաղեց, ձեռքի տակ եղած տանկային կորպուսները անմիջապես մարտի մեջ չնետեց, քանի որ նրան մոլորություն մեջ էր զցել հետախուզության հայտնած տեղեկությունը՝ Ձմիկետյի շրջանում հակառակորդի խոշոր տանկային խմբավորման կուտակման մասին: Հարձակման անցած զորքերն ուժասպառ եղան, և առաջխաղացման թափը հաջորդ օրերին կտրուկ բնկավ: Միայն մայիսի 17-ին ռազմաճակատի հրամանատարությունը մարտերի մեջ մտցրեց 21-րդ տանկային կորպուսը, բայց արդեն պահը բաց էր թողնված: Ռազմաճակատի այլ տեղամասերում ակտիվ հարձակողական գործողությունների բացակայությունը հնարավորություն տվեց հակառակորդին այլ ուղղություններից անարգել ճեղքման տեղամաս փոխադրել թարմ ուժեր: Մայիսի 17-ին արդեն գերմանաֆաշիստական հրամանատարությունը կարողացել էր Հարավային ռազմաճակատի 9-րդ բանակի հանգեյ, որը գործում էր Բարվենկովյան ելուստի հենամասերում, ստեղծել ուժեղ հարվածային խմբավորում: Հարավարևմտյան ուղղության և Հարավային ռազմաճակատի հրամանատարությունը թերագնահատեց 9-րդ բանակի գոտում հակառակորդի հնարավոր հարվածի վտանգը և համապատասխան միջոցներ չձեռնարկեց: Մայիսի 17-ին գերմանաֆաշիստական զորքերն անցան հարձակման և դուրս եկան Հարավարևմտյան ռազմաճակատի գլխավոր հարվածային զորախմբի թիկունքը: Միաժամանակ նրանք հյուսիսից և հարավից հակահարվածների հասցրեցին խարկովի անմիջական ուղղությամբ գործող 28-րդ բանակի հարվածային թևերին: Փոխանակ ետ քաշվելու և համապատասխան միջոցների դիմելուն՝ Հարավարևմտյան ռազմաճակատի զորքերը շարունակում էին հարձակումը խարկովի ուղղությամբ՝ ավելի բարդացնելով իրավիճակը: Միայն մայիսի 19-ի օրվա երկրորդ կեսին Ս. Կ. Տիմոշենկոն հրաման տվեց

ռազմաճակատի ղորքերին անցնել պաշտպանության Բարվեն-կովյան ելուստի շրջանում, սակայն այդ հրամանը բավականաչափ ուշացած էր: Մայիսի 23-ին հակառակորդի «Կլեյատ» բանակախմբի ղորքերը Բալակլեյայից հարավ միացան գերմանական 6-րդ բանակի ղորքերի հետ՝ դրանով իսկ կտրելով խորհրդային ղորքերի նահանջի ճանապարհը Բարվենկովյան ելուստից դեպի Հյուսիսային Դոնեցի ձախ ափ: 38-րդ բանակի ուժերով ներսից շրջափակումը վերացնելու նպատակով հասցրած հարվածները հաջողություն չունեցան: Ոչ մեծ խմբերով նրանք տեղ-տեղ ձեռքեցին հակառակորդի ճակատային գիծը և անցան Հյուսիսային Դոնեցի արևելյան ափը: Երկու ռազմաճակատների ղորքերը կրեցին մարդկային և տեխնիկայի մեծ կորուստներ: Շրջափակումից փրկվեց ընդամենը 22 հազար մարդ: Մարտերում հերոսաբար զոհվեցին Հարավարևմտյան ռազմաճակատի հրամանատարի տեղակալ, գեներալ-լեյտենանտ Ֆ. Յա. Կոստենկոն, 57-րդ բանակի հրամանատար, գեներալ-լեյտենանտ Կ. Պ. Պոդլասը, բանակախմբի հրամանատար, գեներալ-մայոր Լ. Վ. Բոբկինը, 6-րդ բանակի հրամանատար, գեներալ-լեյտենանտ Ա. Մ. Գորոդնյանսկին և ուրիշներ:

Խորհրդային պատմագրության մեջ խարկովյան գործողության անհաջող վախճանն ընդունված է համարել արդյունք Հարավարևմտյան ուղղության և Հարավարևմտյան ռազմաճակատի հրամանատարության կողմից օպերատիվ-ռազմավարական իրադրության ոչ ճիշտ գնահատման, ռազմաճակատների ղորքերի փոխգործողության հստակ կազմակերպվածության բացակայության, տանկային կորպուսը մարտերի մեջ ուշացած մտցնելու, ղորքերի կառավարման ընթացքում թույլ տված բացթողումների ու անբավարար օպերատիվ ապահովման: Խարկովյան գործողության հետևանքով Հարավարևմտյան և Հարավային ռազմաճակատների ղորքերը ոչ միայն կրեցին մարդկային ու տեխնիկայի հսկայական կորուստներ, այլև ղրկվեցին խարկովից հարավ Հյուսիսային Դոնեցի մոտ ունեցած կարևոր օպերատիվ հենակետից և

1942 թ. ամռանը նախատեսված հարձակողական գործողության իրականացնելուց: Այդ ամենի հետևանքով ընդհանուր իրադրությունը Հարավարևմտյան ուղղությամբ բավականաչափ ծանրացավ⁶⁸:

Խորհրդային Միության մարշալ, Խորհրդային Միության քառակի հերոս Գ. Կ. Ժուկովը հետագայում խարկովյան գործողության անհաջողության մասին խոսելիս նշում է. «Վերլուծելով խարկովյան օպերացիայի անհաջողությունների պատճառը՝ դժվար չէ հասկանալ, որ Հարավարևմտյան ուղղության զորքերի պարտության հիմնական պատճառն այն լուրջ վտանգի թիրաղնահատումն էր, որն իր մեջ թաքցնում էր Հարավարևմտյան ստրատեգիական ուղղությունը, ուր չէին կենտրոնացված Զորակայանի անհրաժեշտ ռեզերվներ: Եթե հարավարևմտյան ուղղության օպերատիվ թիկունքային բրնազծելու հանգամանակներն Զորակայանի մի քանի պահեստային բանակներ, այսպես 1942 թ. ամռանը հարավարևմտյան ուղղության զորքերի հետ աղետ տեղի չէր ունենար»⁶⁹:

Խորհրդային Միության մարշալ, Խորհրդային Միության կրկնակի հերոս Ա. Մ. Վասիլևսկին, վերլուծելով խարկովյան գործողության ընթացքում Հարավարևմտյան ուղղության զորքերի մարտական գործողությունների ղեկավարման գործում նրա հրամանատարության թույլ տված լուրջ սխալները, հաստատում է, սակայն, որ «1942 թվականի դարնանը հարավում մեր զորքերի խոշոր պարտության գլխավոր պատճառը՝ հակառակորդի մտադրությունը և 1942 թ. ամռանը նրա գործողությունների հիմնական ուղղությունները որոշելիս Զորակայանի և Գլխավոր շտաբի թույլ տված հաշվհախալն էր: Կանխակալ, սխալ այն կարծիքը, որ հակառակորդն ամռանը հիմնական հարվածը կհասցնի կենտրոնական ուղղությամբ, Գերագույն հրամանատարի վրա ճնշում էր ընդհուպ մինչև

⁶⁸ История второй мировой войны 1939—1945, т. 5, М., 1975, с. 131.

⁶⁹ Г. К. Жуков. Воспоминания и размышления, с. 368.

հուրիսը: Հենց այդ ճնշումն էր պատճառը, որ Ստալինը մերժեց Հարավարևմտյան ուղղության ռազմական խորհրդի՝ ձախողված հարձակումը դեռևս մայիսի 17-ին դադարեցնելու խնդրանքը: Մայիսի 18-ին Վասիլևսկուն ղանգահարեց Ն. Ս. Ներուշևիլը և հայտնեց հարձակումը անհապաղ դադարեցնելու Ստալինի մերժման մասին և խնդրեց իմ միջնորդությունը. «Ես պատասխանեցի,— հիշում է Վասիլևսկին,— որ արդեն մեկ անգամ չէ, որ փորձել եմ համոզել Գերագույնին դրանում: Ստալինը, հենվելով Հարավարևմտյան ուղղության ռազմական խորհրդի հակասական զեկուցագրի վրա, մերժեց իմ առաջարկությունը»⁷⁰:

Վերլուծելով խարկովյան գործողության անհաջողությունների պատճառները՝ Հ. Ն. Բաղրամյանը նշում է. «Իհարկե, խարկովի մոտ մեր ունեցած անհաջողությունների պատճառները միայն Գերագույն ղլխավոր հրամանատարության հաշվեխալներով չեն սահմանափակվում, Հարավարևմտյան ուղղության հրամանատարությունը նույնպես մի շարք սխալներ ու թերություններ էր թույլ տվել... խարկովի մոտ տեղի ունեցած իրադարձությունների խիստ գիտական վերլուծության ղեպքում կարելի է առանց չափազանցության ասել, որ դրանց հլքը միանգամայն այլ կարող էր լինել միայն այն դեպքում, եթե Հարավարևմտյան ուղղության ստրատեգիական մասշտաբի ռեզերվները ստանար ժամանակին: Այդ իմաստով բնորոշ է իրադարձությունների հաջորդական զարգացումը: Միայն այն ժամանակ, երբ մեր հիմնական ստրատեգիական ռեզերվները տեղափոխվեցին հարավ, սովետական զինված ուժերը 1942 թվականի աշնանը Ստալինգրադի մոտ փայլուն հաղթանակ տարան»⁷¹:

Ամբողջ գործողության ընթացքում Բաղրամյանը լարված հետևում էր իրադարձությունների զարգացմանը, ճիշտ վերլուծում այն, անում հիմնավորված հետևություններ: Երբ

⁷⁰ А. М. Василевский. Дело всей жизни, М., 1984, с. 173—174.

⁷¹ Ի. Ք. Բաղրամյան, Այսպես մենք հասանք հաղթանակի, էջ 159—160:

մայիսի 17-ին այդեն պարզ էր՝ դարձել, որ հասոնենանում է սպառնալիքը ուղղության գործերի գլխին, նա Ս. Կ. Տիմոշենկոյից պահանջում է շտապ դադարեցնել հարձակումը. «Սրտի մեծ ցավով պետք է ասեմ, — հիշում է Բաղրամյանը, — որ ինձ չհաջողվեց մարշալ Ս. Կ. Տիմոշենկոյին համոզել, որ անհրաժեշտ է շտապ ընդունել տյն հիմնական որոշումը»⁷²:

1942 թ. հունիսի 12-ին հակառակորդը նոր հարձակում սկսեց Հարավարևմտյան ուղղությամբ: Օգտագործելով իր թվական և տեխնիկական գերակշռությունը, ինչպես նաև ռազմավարական նախաձեռնությունը՝ գերմանաֆաշիստական զորքերը ձգտում էին աքցանի մեջ վերցնել Հարավարևմտյան և Հարավային ռազմաճակատների զորքերը, ջախջախել նրանց և շարժվել Կովկասի և Ստալինգրադի ուղղությամբ: Շնորհիվ ժամանակին ձևափոխված միջոցառումների, այս անգամ Հարավարևմտյան ուղղության զորքերը խուսափեցին շրջապատումից, բայց ստիպված էին ծանր մարտերով նահանջել արևելք:

Հունիսի 21-ին Զորակայանը լուծարեց Հարավարևմտյան ուղղությունը: Դրանից 5 օր անց Բաղրամյանն ազատվեց Հարավարևմտյան ռազմաճակատի շտաբի պետի պաշտոնից: Բաղրամյանն անմիջապես դիմեց Գերագույն գլխավոր հրամանատար Ի. Վ. Ստալինին՝ իրեն որեէ հրամանատարական աշխատանքի նշանակելու խնդրանքով: Հունիսի 28-ին գեներալ-լեյտենանտ Բաղրամյանը նշանակվեց Արևմտյան ռազմաճակատի 61-րդ բանակի հրամանատարի տեղակալ. բանակի հրամանատարը գեներալ-լեյտենանտ Պ. Ա. Բելուվն էր, որի հետ Բաղրամյանը սովորել էր Ֆրունզեի անվան ռազմական ակադեմիայում: Բանակն այդ ժամանակ պատրաստվում էր հարված հասցնելու հակառակորդի Բոխովյան խրամվորմանը: Սակայն հաղիվ էր կարողացել ծանոթանալ իրադրությունը և անցնել աշխատանքային նոր պարտականությունների կատարմանը, երբ հուլիսի 15-ին ստացվեց Զո-

⁷² Նույն տեղում, էջ 146:

րակայանի ղեկավար Հրամանը Բաղրամյանին Արևմտյան ռազմա-
 ճակատի 16-րդ բանակի Հրամանատար նշանակելու մասին,
 վերջինիս Հրամանատար գեներալ-լեյտենանտ Կ. Կ. Ռոկո-
 սովսկին առաջ էր քաշվել Բրյանսկի ռազմաճակատի Հրամա-
 նատարի պաշտոնում: Արևմտյան ռազմաճակատի Հրամանա-
 տարը բանակի գեներալ Գ. Կ. Ժուկովն էր: Զորակայանի կող-
 մից Բաղրամյանին այս պատասխանատու պաշտոն վստահ-
 լը ցույց էր տալիս, որ Գերագույն գլխավոր Հրամանատարը
 խարկովի մոտ կրած անհաջողությունների համար Բաղրամյա-
 նին չէր մեղադրում: Մինչև այդ 16-րդ բանակը փառաբան-
 վել էր Սմոլենսկի և Մոսկվայի ճակատամարտերում, արդեն
 ուներ մարտական լավ ավանդույթներ, սպայական փորձած
 անձնակազմ, կրակի քուրալում թրծված ղեկավորներ: Այս բա-
 նակում Բաղրամյանը ծառայեց մինչև 1943 թ. նոյեմբերի
 17-ը: Հենց այդ ընթացքում էր, որ նոր փայլով շողշողաց Կե-
 ներալի զորավարական տաղանդը, որը նրան դասեց խոր-
 հրդային բանակի ականավոր զորավարների շարքը: 1942 թ.
 հուլիսին բանակը տեղաբաշխված էր Մոսկվայի հարավարև-
 մրտյան հեռավոր մատույցներում՝ Ժիզդրայի ուղղությամբ:
 Բանակի շտաբը գտնվում էր Կալուգայի մարզի Սուխինիչի
 քաղաքից հարավ՝ Զվանովո գյուղի մոտ գտնվող անտառում:
 Բանակի շտաբի պետը գեներալ-մայոր Միխայիլ Սերգենիչ
 Մալինինն էր, մարտական հարուստ փորձի և ռազմական գի-
 տելիքների գիտակ մարդ, որն անցել էր քաղաքացիական
 կռիվների դարոցը, 1931-ին ավարտել Ֆրունզեի անվան ակա-
 դեմիան, 1930—1940 թթ. մասնակցել Ֆիննական պատերազ-
 մին, հետագայում (1955 թ.) նրան շնորհվել է բանակի գեներ-
 րալի կոչում: 16-րդ բանակի ռազմական խորհրդի անդամ-
 ներն էին՝ դիվիզիայի կոմիսար Ալեքսեյ Անդրեևիչ Լոբաչև
 և գնդի կոմիսար Ֆիլիպ Վասիլևիչ Յաշչևիչ: Բանակի շտա-
 բի օպերատիվ բաժնի պետը և շտաբի պետի տեղակալը Զա-
 պաևյան դիվիզիայում քաղաքացիական կռիվների թոհ ու բո-
 հով անցած, Հրամանատարական կատարելագործման երկու
 դասընթացներ, Ֆրունզեի անվան ռազմական ակադեմիան

ավարտած, Մեծ հայրենականի առաջին օրերին բրիգադի, ապա դիվիզիայի շտաբի պետի պարտականություններ կատարած, մեծ փորձի տեր և բազմակողմանի օժտված ղեղապետ Ֆեոդոր Նիկոլաևիչ Բոբկովն էր։ Բանակի հրամանատարությունը ստանձնելու ժամանակ 16-րդ բանակը ժիզդրայից (Կալուգայի մարզ) 20-իմ դեպի հյուսիս պաշտպանում էր 70 կիլոմետրանոց մի բնագիծ, որն անցնում էր Շիպիլովկայից մինչև Կատերյանկայի դետաբերան և այնուհետև ժիզդրա ու Ռեսետա գետերի հոսանքով մինչև Մոխով։ Բանակի կազմում կար 7 հրաձգային դիվիզիա, 4 հրաձգային և 3 տանկային բրիգադ, ուժեղացման մի քանի այլ զորամասեր, որոնք ընդգրկված էին 5-րդ գվարդիական հրաձգային, 1-ին գվարդիական հեծյալ և 10-րդ տանկային կորպուսների մեջ։ Բաղրամյանն իրեն յուրահատուկ օպերատիվությունը ծանոթացավ ենթակաների հետ, լսեց բոլոր ղորատեսակների հրամանատարների ու ծառայությունների պետերի կարծիքը իրեն հետաքրքրող հարցերի վերաբերյալ և մեծ եռանդով լծվեց 70 կիլոմետրանոց բնագծի պաշտպանության կազմակերպման գործին։ Օգոստոսի 11-ին հակառակորդի մի մեծ խմբավորում, որը բաղկացած էր 15 դիվիզիաներից, որից 5-ը՝ տանկային, որոնք ունեին 500 մարտական մեքենա, հարձակվեցին Արևմտյան ռազմաճակատի ձախ թևի բանակների վրա։ Հիտլերականները մտադրություն ունեին խորը ճեղքել ռազմաճակատի 16-րդ և 61-րդ բանակների պաշտպանությունը, այնուհետև վարկացնել հաջողությունը Սուխինիչի ուղղությամբ, դուրս գալ Յուխնովի շրջան և սպառնալիքի տակ դնել Արևմտյան ռազմաճակատի ամբողջ ձախ թևը։ Դրանով դեպի Մոսկվա շարժվելու վտանգ կատեղծվեց, որը կստիպեր խորհրդային հրամանատարությանը Ստալինգրադի շրջանից ուժեր փոխադրել հյուսիս և թուլացնել հարավային թևը։ Բանակի հրամանատարը կռահել էր հակառակորդի հրամանատարության նենգ մտադրությունը և ամեն փնչ անում էր այն ի չիք դարձնելու։ Սուխինիչի ուղղությամբ հակառակորդի խոշոր հարվածը ետ մղելու գործում, ինչպես հետագայում հիշում է Բաղրամյանը, բացառիկ կարևոր դեր խաղաց Արև-

մըտչան ռազմաճակատի հրամանատար, բանակի գեներալ Գ. Կ. Ժուկովը, որը հմտորեն ուղղություն էր տալիս բանակի և մոտեցած ռեզերվների ուժերին: Հանդիպելով կազմակերպված դիմադրության:՝ հակառակորդի հարվածային խմբավորումը մինչև օգոստոսի 18-ը ուժասպառ եղավ՝ կորցնելով շուրջ 10 հազար զինվոր ու սպա, ավելի քան 200 տանկ, մեծ քանակությամբ այլ տեխնիկա: Դա ստիպեց թշնամուն դադարեցնել հարձակումը: Օգոստոսի 22-ին 16-րդ և 61-րդ բանակների զորքերը, ռազմաճակատի ռեզերվի 3-րդ տանկային բանակի աջակցությամբ, անցան հակահարձակման և զգալի չափով վերականգնեցին զորքերի սկզբնական դրությունը՝ թշնամուն պատճառելով կենդանի ուժի և տեխնիկայի զգալի կորուստներ:

Օգոստոսյան լարված մարտերը Բաղրամյանի համար մեծ փորձություն ու խիստ ուսանելի դպրոց էին: Չէ՞ որ հենց այդ ժամանակ նրան առաջին անգամ վիճակվեց անմիջականորեն ղեկավարել այնպիսի օպերատիվ միավորման մարտական գործողությունները, ինչպիսին բանակն է: Մինչ այդ Բաղրամյանը մարտական գործողություններին մասնակցել էր միայն խոշոր շտաբների կազմում: «Անձամբ սեփական փորձով այն ժամանակ համոզվեցի,— գրում է նա,— թե մարտական իրադրությունում ինչպիսի վիթխարի տարբերություն կա շտաբային ու հրամանատարական աշխատանքի միջև, շտաբի պետը համեստ խնդիր ունի՝ իրագործվող օպերացիայում բոլոր միջոցներով հրամանատարին ապահովել զորքերի հաջող ղեկավարումը: Ճիշտ է, նա որոշ չափով կարող է ազդել հրամանատարի որոշման ընդունման վրա, առաջարկելով այնպիսի տարբերակ, որն իր կարծիքով, առավելապես համապատասխանում է օպերատիվ իրադրությանը: Բայց միայն հրամանատարը իրավունք ունի որոշում ընդունել, որի համապատասխան էլ զորքերը պետք է գործեն, և պարտավոր է առաջին հերթին ինքը կրել հետևանքների պատասխանատվությունը»⁷³:

⁷³ Ի. Փ. Բաղրամյան, Այսպես մենք հատնք հաղթանակի, էջ 195:

1942 թ. օգոստոսի վերջերին Արևմտյան ռազմաճակատի հրամանատար, բանակի գեներալ Գ. Կ. Ժուկովը նշանակվեց ԽՍՀՄ պաշտպանության ժողկոմի 1-ին տեղակալ և Գերա-
լույն գլխավոր հրամանատարի տեղակալ։ Նրա փոխարեն
ռազմաճակատի հրամանատար նշանակվեց գեներալ-գնդա-
պետ Իվան Ստեպանովիչ Կոնևը (1944 թ. Խորհրդային Միու-
թյան մարշալ; Խորհրդային Միության կրկնակի հերոս, 1944,
1945 թթ.). 1943 թ. փետրվարին նրան փոխարինեց գեներալ-
գնդապետ (1946 թ. Խորհրդային Միության մարշալ, Խորհր-
դային Միության հերոս, 29.5.1945թ.) Վասիլի Դանիլովիչ
Սոկոլովսկին։

1942 թ. սեպտեմբեր—1943 թ. փետրվար ընկած ժամա-
նակաշրջանում գեներալ-լեյտենանտ Բաղրամյանի 16-րդ
բանակը ամուր պաշտպանություն էր գրավել նախկին դիր-
քերում և նախապատրաստվում էր հարձակողական նոր գոր-
ծողությունների։ Այդ շրջանում հատկապես մեծ ուշադրու-
թյուն էր դարձվում դիպուկահարների (սնայպերների) խմբերի
պատրաստմանը, որոնք միայն այդ շրջանում ունչացրեցին
2000-ից ավելի հիտլերական։ Բանակի գործողությունների
դոստում թշնամուն ավելորդ հաղթաթղթեր չտալու նպատա-
կով մշտապես ամրապնդվում էին դրաված բնագծերը, թըշ-
նամուն պահում լարված վիճակում, դրանով իսկ թույլ շտա-
լով նրան այդ տեղամասից դորքեր փոխադրել հարավ, որ-
տեղ Դոն գետի մեծ ոլորանի և Վոլգայի միջև ընկած շրջա-
նում 1942 թ. հուլիսից ծավալվել էր Ստալինգրադյան ճակա-
տամարտը։ Զբաղվելով իրենց ռազմաճակատային առօրյա
գործերով՝ 16-րդ բանակի ողջ անձնակազմը և առաջին հեր-
թին սպաներն ու գեներալները շթուպցող ուշադրությամբ հե-
տևում էին ճակատամարտի ընթացքին։ Ինչպես հայտնի է,
այն ավարտվեց 1943 թ. փետրվարի 2-ին՝ գերմանաֆաշիս-
տական դորքերի խոշոր խմբավորումների շրջապատումով և
լրիվ ջախջախումով։ Հակառակորդն այստեղ կորցրեց ավելի
քան 1,5 միլիոն մարդ, որը կազմում էր խորհրդագերմանա-
կան ճակատում մարտնչող ֆաշիստական դորքերի մեկ քա-

որդեր⁷⁴։ Ստալինգրադյան ճակատամարտում տարած հաղթանակով խորհրդային զինված ուժերը հակառակորդից խլելեցին ռազմավարական նախաձեռնությունը և այն իրենց ձեռքում պահեցին մինչև պատերազմի հաղթական ավարտը։ Չնայած Բաղրամյանը անմիջական մասնակցություն չունեցավ այդ ճակատամարտին, բայց և այնպես իր բանակի գոտում կաշկանդված պահելով հակառակորդի մեծաթիվ ուժեր, որոնք այնքան անհրաժեշտ էին Ստալինգրադում, դրանով իսկ իր ավանդը ներդրեց ճակատամարտում տարած պատմական հաղթանակի գործում։ Նա Ստալինգրադի մոտ տարած հաղթանակը համարում էր «ընդհանրապես Հայրենական մեծ պատերազմի և երկրորդ համաշխարհային պատերազմի ամենակարևոր իրադարձություններից մեկը»⁷⁵։

1943 թ. փետրվարի 9-ին Բաղրամյանը ռազմաճակատի հրամանատարից առաջադրանք ստացավ պատրաստվել Ժիզդրայի ուղղությամբ հարձակողական գործողությունն իրականացնելու։ Նախապատրաստական աշխատանքների ընթացքում կատարվեցին անհրաժեշտ համալրումներ, մանրակրկիտ հետախուզվեց թշնամու պաշտպանական բնագիծը, որը կես տարվա մեջ ավելի էր ամրացվել։ Հարձակումը սկսվեց փետրվարի 22-ին՝ երկու ժամ տևած հրետանային նախապատրաստությունից հետո, Զապրուդնոյե և Վիսոկայա բնակավայրերի միջև 18 կմ լայնությամբ գոտում։ Մեծ ուժ և հրմտություն էր պահանջվում Բաղրամյանի զորքերից՝ հակառակորդի զորեղ պաշտպանությունը ճեղքելու համար։ Չնայած դանդաղ, բայց և այնպես հաջողվեց ճեղքել ամենաբազմազան ինժեներական միջոցներով կառուցված պաշտպանական արգելափակոցների խիտ ցանցը և առաջ շարժվել։ Փետրվարի 27-ին թշնամու Ժիզդրայան խմբավորման համար տագնապալի իրավիճակ ստեղծվեց, քանի որ հնգօրյա կատաղի

⁷⁴ История второй мировой войны 1939—1945, т. 6, М., 1976 с. 81.

⁷⁵ Բ. Ք. Բաղրամյան, Այսպես մենք հասանք հաղթանակի, էջ 201։

մարտերի ընթացքում Բաղրամյանի բանակի միավորումները նրան հասցրել էին կենդանի ուժի և տեխնիկայի լուրջ կորուստներ, զրավել մարտավարական կարևոր բարձունքներ՝ Ժիզդրա, Բրյանսկ ուղղությամբ հարվածելու համար։ Դա լուրջ սպառնալիք էր հակառակորդի համար, ուստի ճեղքման ամբողջ ճակատում շտապ կարգով սկսեց հակամիջոցառումներ պատրաստել, մոտեցնել տանկային և հետևակային խոշոր ռեզերվներ։ Ուժերի հարաբերակցությունն աստիճանաբար սկսեց թեքվել թշնամու կողմը։ Հաշվի առնելով այդ հանգամանքը, ինչպես նաև Բրյանսկի ու Կենտրոնական ռազմաճակատների հարձակման հատվածներում ստեղծվող իրավիճակը, Արևմտյան ռազմաճակատի հրամանատար՝ գեներալ-դե-դապետ Վ. Դ. Սոկոլովսկին հրաման տվեց Բաղրամյանին դադարեցնել բանակի հարձակումը և անցնել պաշտպանության։ Չնայած ձմեռային դժվարին պայմաններում անցկացված գործողությունը չպսակվեց Ժիզդրայի ուղատապրումով, այնուամենայնիվ, 16-րդ բանակի հաջող գործողությունները նրա պատեցին հակառակորդի ՌԺԿ-Վչլազմայի հենակետից ֆաշիստական զորքերի լիովին դուրս բերմանը։ Մոսկվայի արևմրտյան մատույցներում գտնվող այդ ռազմավարական կարևոր նշանակություն ունեցող հենակետի վերացումով հակառակորդը նահանջեց 130—160 կիլոմետր, որի հետևանքով մայրաքաղաքի վրա թշնամու հարձակման նոր վտանգը իսպառ չքացավ։ Ռազմաճակատի գիծը կրճատվեց 300 կիլոմետրով, որի հետևանքով զորքերի համար ճանապարհ բացվեց դեպի արևմուտք։ 16-րդ բանակի մարտիկների անձնազոհությունը բարձր գնահատվեց հայրենիքի կողմից։ Դերմանաֆաշիստական ղավթիչների դեմ մղված մարտերում ցուցաբերած խիզախության, կայունության, կարգապահության ու կազմակերպվածության, անձնակազմի հերոսության համար 16-րդ բանակը ԽՍՀՄ պաշտպանության ժողովրդական կոմիսար Ի. Վ. Ստալինի հրամանով 1943 թ. ապրիլի 16-ին վերակազմավորվում է 11-րդ ղվարդիական բանակի⁷⁶։

⁷⁶ Советская военная энциклопедия, т. 2, М., 1976, с. 491.

Գվարդիական կոշման արժանանալը մեծ պատիվ էր բանակի մարտիկների, հրամանատարների և քաղաշխատողների համար։ Դա նրանց մարտական սխրանքների և հայրենիքի հանդեպ ունեցած պարտքը սրբորեն կատարելու բարձր գնահատականն էր։ Բարձր գնահատվեց նաև բանակի հրամանատարի ծառայությունը, *ԽՍՀՄ Գերագույն խորհրդի նախագահության 1943 թ. ապրիլի 9-ի հրամանագրով* գեներալ-լեյտենանտ *Հ. Խ. Բաղրամյանը* պարգևատրվեց *Կոտուզովի 1-ին աստիճանի զորավարական շքանշանով*⁷⁷։

Ինչպես հայտնի է, 1943 թ. ամռանը հիտլերյան հրամանատարությունը, օգտվելով *Եվրոպայում* երկրորդ ճակատի բացակայությունից, մտադրվել էր *Օրյոլ—Կուրսկ—Բելգորոդի շրջանում* իրականացնել հսկայածավալ հարձակողական գործողություն՝ հույս ունենալով վրեժ լուծել Ստալինգրադի համար և վերադարձնել կորցրած ռազմավարական նախաձեռնությունը։ Հայրենական մեծ պատերազմի ամենախոշոր⁷⁸ և վճռական նշանակություն ունեցող Կուրսկի ճակատամարտը սկսվեց հուլիսի 5-ին և ավարտվեց օգոստոսի 23-ին։ Կուրսկի ճակատամարտում ոչ միայն ամբողջովին ջախջախվեցին հակառակորդի 30 ընտիր դիվիզիաներից (այդ թվում 8 տանկային) բաղկացած զորամիավորումները, այլև ընդմիշտ թաղվեց գեբելսյան ստահոգ քարոզչության ստեղծած այն առասպելը, թե խորհրդային զորքերն ընդունակ են միայն ձմեռային պայմաններում հաղթելու։ Կուրսկի աղեղում կրած պարտության հետևանքով լիովին կործանվեց գերմանաֆաշիստական բանակի հարձակողական ռազմավարությունը, գերմանական բանակը ստիպված էր ամբողջ ճակատով մեկ անցնել պաշտպանության։ Ռազմավարական նախաձեռնությունն ամբողջովին իր ձեռքը վերցնելով՝ խորհրդային հրամանատարությունը նպաստավոր պայմաններ ստացավ՝ զարգացնելու

⁷⁷ «Правда», 1943, 10 апреля.

⁷⁸ Մոսկվայի ճակատամարտին երկու կողմերից մարտերին մասնակցել է շուրջ 1,5 միլիոն մարդ, Ստալինգրադի ճակատամարտին՝ 2 միլիոն, իսկ Կուրսկի ճակատամարտին՝ ավելի քան 3 միլիոն մարդ։

ռազմավարական հարձակումը տարբեր ճակատներում: Կուրսկի տակ տարած հաղթանակով և խորհրդային զորքերի՝ Դնեպրի ափերը հասնելով ավարտվեց պատերազմում արմատական բեկումը:

Պատմական այդ ճակատամարտին ակտիվ մասնակցություն ունեցավ նաև գեներալ-լեյտենանտ Հ. Ն. Բաղրամյանը, որի 11-րդ գվարդիական բանակը, գործելով օրյուլյան ուղղությամբ, վճռական դեր խաղաց հաղթանակի գործում: Օրյուլյան գործողությունն իրագործվեց 1943 թ. հունիսի 12-ից մինչև օգոստոսի 18-ը՝ Բրյանսկի, Կինտրոնսկան և Արևմտյան ռազմաճակատների ուժերով: Խորհրդային զորքերը ջախջախեցին հակառակորդի օրյուլյան խմբավորման 15 դիվիզիա, դեպի արևմուտք շարժվեցին 150 կմ և օգոստոսի 5-ին ազատագրեցին Օրյուլ քաղաքը: Նույն օրը Տափաստանային ռազմաճակատի զորքերն ազատագրեցին Բելգորոդ քաղաքը⁷⁹: Ի պատիվ ռուսական այդ հինավուրց քաղաքներն ազատագրող զորքերի՝ Մոսկվայում Հայրենական մեծ պատերազմում առաջին անգամ 120 հրանոթների 12 համազարկերով տրվեց հրետանային առաջին հրավառությունը, որն այնուհետև դարձավ ավանդույթ:

Օրյուլյան հաղթանակի գործում առանձնապես մեծ էր գվարդիայի գեներալ-լեյտենանտ Հ. Ն. Բաղրամյանի դերը, որը ոչ միայն ակտիվորեն մասնակցել էր այդ գործողության պլանի մշակման աշխատանքներին, այլև Գերագույն գլխավոր հրամանատարի մոտ տեղի ունեցած խորհրդակցության ժամանակ, երբ քննարկվում էր գործողության վերջնական տարբերակը, համարձակորեն հանդես էր եկել իր անմիջական պետ, Արևմտյան ռազմաճակատի հրամանատար, գեներալ-գեդապետ Վասիլի Դանիլովիչ Սոկոլովսկու և Բրյանսկի ռազմաճակատի հրամանատար, գեներալ-լեյտենանտ Մաքս Անդրեևիչ Ռեյտերի կազմած պլանի դեմ: Այս պլանով նախատեսվում էր հիմնական հարվածը հասցնել Խոտինեցի ուղղու-

⁷⁹ Освобождение городов. М., 1985, с. 46, 178.

թյամբ, բայց այդ պահին ստեղծված իրադրությունը խանգարում էր դրա իրականացմանը: Բաղրամյանն առաջարկում էր ավելի համեստ, բայց ռեալ խնդիր՝ իր 11-րդ գվարդիական և գեներալ Պ. Ա. Բելովի 61-րդ բանակների հանդիպական հարվածներով շրջապատել ու ոչնչացնել օրյուլյան ելուստը հյուսիսից պաշտպանող հակառակորդի բոլիսովյան խմբավորումը: Դրա շնորհիվ հակառակորդի պաշտպանության մեջ կստեղծվեր հսկայական ճեղքվածք, որը գերմանացիները հաղիվ թե կարողանային արագորեն ծածկել: Բաղրամյանն իր տեսակետը հիմնավորում էր հետախուզության հավաստի տվյալներով: Սակայն մինչև Զորակայան դնալը, նրան չէր հաջողվել համոզել ինչպես ռազմաճակատների երկու հրամանատարներին, այնպես էլ Գլխավոր շտաբին: Օրյուլյան գործողության վերջնականապես հաստատման խորհրդակցությունը դեկավարում էր Ի. Վ. Ստալինը: Երկու ռազմաճակատների հրամանատարների որոշումների մասին զեկուցեց Գլխավոր շտաբի պետի տեղակալ, գեներալ-գնդապետ Ա. Ի. Անտոնովը: «Նրա հանգամանալից զեկուցումը Ստալինը լսեց շատ ուշադիր, — հետագայում այդ խորհրդակցության մասին հիշում է Հ. Խ. Բաղրամյանը, — այնուհետև նա մի քանի հարց տվեց, ճշտելով ռազմաճակատների փոխգործողության մանրամասները: Ես ոնց որ նստած լինեի փշերի վրա: Հիմա Գերագույնը հավանություն կտա պլանին, այն երկաթյա ուժ կստանա: Բայց ինչպե՞ս առարկել Գլխավոր շտաբի կողմից հավանություն գտած առաջարկություններին: Այն ժամանակ ես բանակի բավականին երիտասարդ հրամանատար էի: Արդեն սկսել էին հավաքել քարտեզները: Գերագույնը հարցրեց, «Բոլո՞րն են համաձայն տվյալ որոշմանը: Հնարավոր է, որոնք մեկը ա՞յլ կարծիք ունի»: Դա իմ վերջին հնարավորությունն էր: Ես խնդրեցի թույլ տալ արտահայտվել: Ստալինը ոչ առանց զարմանքի, բայց միաժամանակ միանգամայն բարյացակամորեն նայեց ինձ. «Խնդրե՞մ»: Նորից փռեցին քարտեզները: Զգտելով զսպել հուզմունքս, շարադրեցի իմ տեսակետը: Վերջացնելով, հայացքս գցեցի բոլորի վրա, նա-

խաղաղութիւն, որ հիմա «մեծ եռյակը»՝ ռազմաճակատների երկու հրամանատարները և գլխավոր շտաբի պետի տեղակալը, կհարձակվեն ինձ վրա: Մի երկու բոպե լուսթյուն տիրեց: Այնուհետև խոսք վերցրեց Վ. Դ. Սուկոլովսկին, հետո Մ. Ա. Ռեյտերը: Երկուսն էլ ձգտում էին ժխտել իմ փաստարկները: Առանձնապես տաք-տաք էր խոսում Մաքս Անդրեևիչը: Իր խիստ պատասխանը նա ավարտեց հետևյալ բառերով. «Ընկեր Ստալին, Բաղրամյանը համառորեն ձգտում է, որպեսզի իր համար ստեղծվեն այնպիսի պայմաններ, որոնք հեշտացնեն խնդրի լուծումը: Եթե նրան լսենք, ապա ստացվում է, որ պետք է ոչ միայն ուժեղացնենք 11-րդ գվարդիականի մարտակազմը, այլև հարևանների հատվածներով պաշտպանենք այդ միավորման գործողությունները»: Ստալինը, որ մինչ այդ ուշադրութեամբ ուսումնասիրում էր քարտեզը, բարձրացրեց զուխը, բերանից հանեց ծխամորճը, շտապելով հարդարեց բեղերը: Բոլորը լռել էին: Ռեյտերը կշտամբալից հայացք նետեց վրաս, կարծես ուզում էր ասել. «Ձէ որ քեզ զգուշացրեցին՝ սակվիր: Չլսեցիր՝ հիմա մեղքը քո վիզը»: Եվ հանկարծ Գերադույնը շատ ցածրաձայն ու հանդիստ ստաց. «Բայց չէ՞ որ Բաղրամյանը ճիշտ բան է ասում: Եվ իմ կարծիքով նրա առաջարկությունը պետք է համաձայնվել: Իսկ ինչ վերաբերում է այն բանին, որ բանակի հրամանատարը մտահոգվում է, որ առաջադրանքի կատարման համար ավելի նպաստավոր պայմաններ ստեղծվեն, ապա դա գովելի է: Ձէ՞ որ անհաջողության դեպքում պատասխանատվության ամբողջ ծանրությունը նրա վրա կընկնի»: Վեճը շարունակել ցանկացողներ չգտնվեցին: Մեր տարբերակը ի մեծ բավականություն ինձ, ընդունվեց առանց էական փոփոխությունների»⁸⁰:

Բաղրամյանը Մոսկվայից բանակի շտաբ վերադարձավ բարձր տրամադրութեամբ և անմիջապես լծվեց գործողության նախապատրաստական աշխատանքներին: Հարձակման անցնելու նախօրյակին 11-րդ գվարդիական բանակը իր կազմում

⁸⁰ Ի. Գ. Բաղրամյան, Այսպես մենք հասանք հաղթանակի, էջ 240—241:

ուներ 12 հրաձգային դիվիզիա՝ յուրաքանչյուրում 7—7,5 հազար մարդ, դրանց թվում 9 գվարդիական, 2 տանկային կորպուս, 4 տանկային բրիգադ, ծանր տանկերի 2 առանձին գունդ, հրետանային կորպուս, որը կազմում էին գլխավոր հրամանատարի ռեզերվի 3 հրետանային, 2 զենիթահրետանային դիվիզիաներ, 7 ինժեներական գումարտակներ⁸¹։ Սակայն այդ հսկայական ուժերը հարկավոր էր թաքցնել թշնամուց և ստեղծել այն տպավորությունը, որ այդ ուղղությամբ հարձակում չի սպասվում։ Գործողության նախապատրաստման գաղտնիությունը և հարձակման անսպասելիությունը Բաղրամյանի ռազմական արվեստի բաղկացուցիչ մասերից էին, որոնք հետագայում կիրառվեցին Բելոռուսիայում, Մերձբալթիկայում և Արևելյան Պրուսիայում։ Զորականը նույնպես մեծ տեղ էր հատկացնում 11-րդ գվարդիական բանակի հարձակման նախապատրաստմանը։ Բանակը, բացի մարդկային և տեխնիկայի միջոցներով բավարարելուց, հաճախակի նրա շտաբ էին գալիս Դերապուլյն գլխավոր հրամանատարի առաջին տեղակալ, մարշալ Գ. Կ. Ժուկովը, կարմիր բանակի հրետանու հրամանատար, գեներալ Ն. Ն. Վորոնովը, հեռավոր գործողության ավիացիայի հրամանատար, գեներալ Ա. Ե. Գուլովանովը, ռազմաճակատի հրամանատար, գեներալ Վ. Դ. Սոկոլովսկին, մանրակրկիտ ծանոթանում գործողության նախապատրաստության աշխատանքներին, տալիս արժեքավոր խորհուրդներ, գործողության ընթացքում հեռախոսով անձամբ հետաքրքրվում էր Ի. Վ. Ստալինը։ Հսկառակորդի մոտ ստեղծվեց այն տպավորությունը, որ այդ ուղղությամբ որևէ հարձակողական գործողություն չէր կարող տեղի ունենալ։ Հուլիսի 12-ի առավոտյան ժամը 3 անց 20 րոպեին բանակի հրետանին ավերարեց գործողության սկիզբը։ Ճեղքման հատվածում մեկ կիլոմետրին միջին հաշվով ընկնում էր մինչև 200 հրանոթ, իսկ ավելի կարեոր հատվածներում, մինչև 260 հրանոթ, չհաշված գվարդիական ականանետ-

⁸¹ Նույն տեղում, էջ 243։

ները՝ «Կատյուշաները»: Հրետանային նախապատրաստությանը դեռ չավարտված, թշնամու վրա սլացան 80 ումբակոծիչներ: Հրետանու և ավիացիայի պաշտպանությունը հետևելը նետվեց դեպի թշնամու դիրքերը և ճեղքեց այն: Բաղրամյանը ճիշտ ժամանակին ճեղքման մեջ մոտցեց տանկային կորպուսները, որը հիանալի արդյունք տվեց: Մարտերի լուծերորդ օրվա վերջին 11-րդ գվարդիական բանակի հարձակման գոտին ընդարձակվեց մինչև 120 կիլոմետր, գործերը մոտավորապես 70 կիլոմետրով սեպածե խրվեցին հակառակորդի պաշտպանության մեջ: Հարձակման ռազմավարական հաջողությունը պահանջում էր ուժերի վերախմբավորում կատարել, ուստի հուլիսի 29-ին 11-րդ գվարդիական բանակը Արևմտյան ռազմաճակատից հանձնվեց նրա ձախ թևում՝ հարավում մարտնչող Բրյանսկի ռազմաճակատին, որի նոր հրամանատար էր նշանակվել գեներալ Մ. Մ. Պոպովը: Հակառակորդի օրյուշան խմբավորման վերջնական ջախջախման համար բանակին անհրաժեշտ էին ռեզերվային նոր ուժեր: Այդ մասին Բաղրամյանը համարձակորեն հայտնեց Ի. Վ. Ստալինին: Գերագույնն այս անգամ ևս համաձայնեց Բաղրամյանի առաջարկությունների հետ և 24-հազարանոց համալրումը ժամանակին տեղ հասավ: Դա արտակարգ կարևոր դեր խաղաց գործողության հաջող ավարտման գործում: Օգոստոսի 6-ին Բաղրամյանի բանակը վերսկսեց հարձակումը հոտինեցի ուղղությամբ: Օգոստոսի 10-ին հոտինեց քաղաքը, որը գտնվում էր Օրյոլից Բրյանսկ տանող ավտոմայրուղու վրա, ազատագրվեց: Զարգացնելով հաջողությունը՝ օգոստոսի 15-ին գվարդիականները թշնամուն դուրս վռնդեցին հաղորդակցության ուղիների կարևոր հանգույց Կարաչև քաղաքից, որը գերմանացիների վերջին հենակետն էր Բրյանսկի մոտտույցներում: Մինչև օգոստոսի 17-ը գվարդիականներն անընդհատ հարձակողական մարտերով առաջ անցան ավելի քան 200 կմ, թշնամուց ազատագրեցին շուրջ 5000 քառ. կմ տարածք՝ 700 բնակավայրերով հանդերձ, որոնց թվում Ուլյանովո, Զնամենսկոյե, Իլյինսկոյե շրջանային կենտրոնները

և այլն: Այդ ընթացքում հակառակորդի կորուստները կազմել են՝ 71400 սպանված ու վիրավոր, 2615 գերի, 119 խնդրաթիու, 914 տանկ, 918 հրանոթ, 741 ականանետ, 3104 զնդացի, 1540 ավտոմեքենա, մեծ քանակությամբ զինամթերք, պարենի, հագուստի և վառելանյութի պահեստներ⁸²: Այդ ամենը զգալի չափով նպաստեց Կուրսկի ճակատամարտի հաղթական ավարտին, ցույց տվեց գեներալ Բաղրամյանի հասուն վարպետությունը հարձակողական գործողության ընթացքում: Զրահատանկային զորքերի գլխավոր մարշալ Պ. Ա. Ռոտմիստրովը «Զորավարի ուղին» հոդվածում, անդրադառնալով Կուրսկի ճակատամարտում տարած հաղթանակում Բաղրամյանի ներդրած ավանդին, նշում է. «Եթե 1942 թվականի առաջին օգոստոսյան մարտերում Բաղրամյանն իրեն դրսևորեց որպես ընդունակ բանակի հրամանատար, ապա 1943 թվականի ամառային հարձակողական մարտերից հետո նա մերտավ սովետական լավագույն զորահրամանատարների թվի մեջ»⁸³:

Կուրսկի ճակատամարտի օրոյւյան հատվածում 11-րդ գվարդիական բանակի գործողությունների տաղանդավոր ղեկավարման, օպերատիվ-ռազմավարական մեծ գիտելիքներ ու հմտություններ հանդես բերելու համար ԽՍՀՄ ժողովրդական հերոս 1943 թ. օգոստոսի 27-ի որոշմամբ Հ. Խ. Բաղրամյանին շնորհվում է գեներալ-գնդապետի կոչում: Նույն օրը ԽՍՀՄ Գերագույն խորհրդի նախագահության հրամանագրով գլխավոր դիվիզի գեներալ-գնդապետ Հ. Խ. Բաղրամյանը պարգևատրվում է Սովետական Միության առաջին աստիճանի, այն ժամանակվա քարձրագույն զորավարական շքանշանով⁸⁴: Ամառային գործողությունների հաղթական ավարտից շատ շանցած գվարդիայի գնդապետ Հ. Խ. Բաղրամյանը 1943 թ. նոյեմբերի 17-ին առաջ է քաշվում 1-ին Մերձբալթյան ռազմաճակատի զորքե-

⁸² Ռ. Գ. Պնկև, ֆ. 11-րդ գվարդիական բանակի, ց. 5916, դ. 180, թ. 116:

⁸³ П. А. Ротмистров. Путь полководца.—Тыл и снабжение Советских Вооруженных Сил, 1967, № 11, М., с. 17.

⁸⁴ «Правда», 1943, 28, 30 августа.

րի հրամանատարի պաշտոնում: Հաջորդ օրը մամուլում հրապարակվում է ԽՍՀՄ ժողկոմխորհի նախագահի որոշումը Հ. Խ. Բաղրամյանին բանակի գեներալի կոչում շնորհելու մասին⁸⁵:

Զորքերի օպերատիվ-ռազմավարական այգպիսի խոշոր միավորման հրամանատար նշանակվելը Բաղրամյանի համար մեծ պատիվ էր. ռազմաճակատի մեջ մտնում էին 3—9 համազորային, 1—3 տանկային, 1—2 օդային բանակներ; մի քանի տանկային, մեքենայացված և հեծյալ կորպուսներ, մի քանի տասնյակ այլ զորատեսակների միավորումներ ու զորամասեր և այլն, որտեղ ընդգրկված էին 500—900 հազար ղինվոր, սպա և զենեհալ⁸⁶: Ռազմաճակատի հրամանատարի առաջին խնդիրը հղավ Գորոդոկյան գործողության պլանավորումը, որի հաջող անցկացումը կնպաստեր Նեելի շրջանում գտնվող խորհրդային զորքերի շրջապատման վտանգի վերացմանը: Գորոդոկյան գործողությունն անցկացվեց 1943 թ. դեկտեմբերի 13—31-ը, որտեղ զխավոր հարվածի ուղղությամբ գործում էր 11-րդ գվարդիական բանակը, որը 1-ին Մերձբալթյանի մեջ էր մտցվել Բաղրամյանի խնդրանքով: Ճեղքելով թշնամու պաշտպանության գիծը՝ Բաղրամյանի զորքերն առաջ շարժվեցին ավելի քան 60 կմ և դեկտեմբերի 24-ին աղատապրեցին Գորոդոկ քաղաքն ու խոշոր երկաթուղային կայարանը, որը հակառակորդը վերածել էր կարևոր հենակետի՝ Վիտեբսկի ուղղության վրա: Կտրվեց Պոլսցկ—Վիտեբսկ երկաթուղային ճանապարհը, վերացվեց հակառակորդի այսպես կոչված գործողության ելուստը, որի հետևանքով ռազմաճակատի զորքերը Վիտեբսկի շրջանում դասավորված թշնամական զորքերի խմբավորման նկատմամբ զրավեցին ձեռնտու, թևանցող դիրքեր: Գորոդոկյան գործողությունը Նեելի «պարկը կաքքանդ արեց»⁸⁷: Տեղանքի և հղանակի բարդ պայմաններում խրադործված գործողության ըն-

⁸⁵ «Правда», 1943, 18 ноября.

⁸⁶ Военный энциклопедический словарь, с. 787.

⁸⁷ Մ. Մեքժանով, Զինվոր, գեներալ, մարշալ, Կ., 1975, էջ 87:

Թացքում ոչնչացվեց հակառակորդի 6 հետևակային և 1 տանկային դիվիզիա, ազատագրվեց ավելի քան 1200 բնակավայր, ոչնչացվեց թշնամու 65000-ից ավելի զինվոր ու սպա, դերվեց 3300 հիպերական, գրավվեց մեծ քանակությամբ մարտական տեխնիկա և այլ ռազմական գույք⁸⁸: Ի պատիվ Գորոդկին ազատագրող զորքերի, դեկտեմբերի 24-ի երեկոյան Մոսկվայում 124 հրանոթների 12 համազարկերով հրավառություն տրվեց⁸⁹: Գորոդկյան գործողության ընթացքում ձեռք բերված հաջողությունը որոշակի դեր խաղաց Զորակայանի կողմից Բելոռուսական ռազմավարական հարձակումը նախապատրաստելու գործում, հուսալի նախադրյալներ ստեղծեց 1-ին Մերձբալթյան ռազմաճակատի զորքերի համար հետագայում Վիտեբսկի, Պոլոցկի և Մերձբալթիկայի ուղղությամբ հակառակորդին կործանել հարվածներ հասցնելու համար:

Զորավարի տաղանդը, նրա ռազմական իմացության մասշտաբայնությունը և բազմակողմանիությունը, օպերատիվ արվեստը մեծ շափով զրսևորվեցին 1944 թ. հունիսի 23-ից մինչև օգոստոսի 29-ը անցկացված Բելոռուսական գործողության ժամանակ, որը հայտնի է նաև «Բազրատիոն» անունով⁹⁰: Բելոռուսական գործողությունն իրագործվելու էր 1-ին Մերձբալթյան, 1-ին, 2-րդ և 3-րդ Բելոռուսական ռազմաճակատների զորքերի համատեղ ուժերով: Հիմնական նպատակըն էր՝ ջախջախել հակառակորդի «Կենտրոն» բանակախումբը, ինչպես նաև «Հյուսիս» և «Հյուսիսային Ուկրաինա» զորախմբերի մի մասը և ազատագրել Բելոռուսիան, որից հետո խորհրդային զորքերի առջև ճանապարհները բացվում էին դեպի Մերձբալթիկա, Լեհաստան և Արևելյան Պրուսիա: Բելոռուսական գործողության պլանը սկզբում մշակվել էր զր-

⁸⁸ Ի. Ք. Բաղրամյան, Այոպևս մենը հասանք հաղթանակի, էջ 359:

⁸⁹ Освобождение городов, с. 77.

⁹⁰ Բելոռուսական գործողության ընթացքում իրագործվեցին Վիտեբսկի, Պոլոցկի, Մոդլիլովի, Բորոյսկի, Մինսկի, Շչառույայի, Վիլնյուսի, Կաունասի, Բելոստոկի և Լյուբլին-Բրեստյան միջանկյալ գործողությունները:

խավոր շտաբում, ապա քննարկվել Զորակայանում՝ 1944 թ. մայիսի 23-ին: Բացի Գերագույն գլխավոր հրամանատար Ի. Վ. Ստալինից, խորհրդակցությանը մասնակցում էին նրա առաջին տեղակալ Ա. Ի. Անտոնովը, 1-ին Բելոռուսական ռազմաճակատի հրամանատար Կ. Կ. Ռոկոսսովսկին, նույն ռազմաճակատի ռազմական խորհրդի անդամ Վ. Ե. Բուլգա-նինը, 3-րդ Բելոռուսական ռազմաճակատի ռազմական խոր-հրդի անդամ Վ. Ե. Մակարովը, 1-ին Մերձբալթյան ռազմա-ճակատի հրամանատար Հ. Խ. Բաղրամյանը և նրա ռազմա-ճակատի ռազմական խորհրդի անդամ Դ. Ս. Լեոնովը: «Ար-դեն պատերազմից հետո ես իմացա, որ այն ժամանակ Ի. Ք. Բաղրամյանը որոշակի շտկումներ էր մտցրել Զորակայանի նախանշած «Բագրատիոն» խոշորամասշտաբ օպերացիայի պլանի մեջ, — դրում է բանակի գեներալ, խորհրդային Միու-թյան կրկնակի հերոս Ա. Պ. Բելոբորոդովը, որը Բելոռուսա-կան գործողության ընթացքում 1-ին Մերձբալթյան ռազմա-ճակատի 43-րդ բանակի հրամանատարն էր, — Զորակայա-նում քննարկելիս Իվան Քրիստափորովիչը իր ռազմաճակատի աջ թևի համար երկյուղ է հայտնել այն կապակցությամբ, որ աջակողմյան հարևան 2-րդ Մերձբալթյան ռազմաճակատը օ-պերացիայի առաջին փուլում հարձակմանը չէր մասնակցում, իսկ մեր 1-ին Մերձբալթյան ռազմաճակատի զորքերը ներ-գրավվում էին ոչ միայն «Կինտրոն» բանակախմբի հյուսի-սային թևի ջախջախման, այլև հյուսիս-արևմուտքից Բելոռու-սիայում գործող նրա բոլոր ուժերի խոր թևանցման գործո-ղության մեջ: Թշնամու «Հյուսիս» հզոր բանակախումբը այդ դեպքում հնարավորություն էր ստանում հյուսիսից ուժեղ հարված հասցնել 1-ին Մերձբալթյան ռազմաճակատի ձրգ-ված թևին և թիկունքին: Գերագույն գլխավոր հրամանատա-րի տեղակալ Դ. Կ. Ժուկովը համաձայնել է դրա հետ, նկա-տելով, որ այդպիսի հարվածի սպառնալիքը միանգամայն ի-րական է: «Իսկ ի՞նչ ես առաջարկում, — դիմել է նա Իվան Քրիստափորովիչին: Պատասխանը պատրաստ է եղել: Մեր-ձավորագույն խնդիրը կատարելիս հակառակորդի վրտերսկյան խմբավորման շրջափակումից ու ջախջախումից հետո, ասել

է Հ. Ք. Բաղրամյանը, նպատակահարմար է հարավարեւմտ-
յան ուղղութեամբ խոր հարվածի իրականացումը դնել ձա-
խից մեր հարեան 3-րդ Բելոռուսական ռազմաճակատի զոր-
քերի աջ թևի վրա: Իսկ մեր հիմնական զորքերն ավելի լավ
է ուղղել դեպի արևմուտք, որպէսզի Չերնյախովսկու ռազմա-
ճակատի աջ թևի փոխգործողութեամբ ակտիվորեն մասնակ-
ցենք «Կենտրոն» խմբի 3-րդ տանկային բանակի ջախջախ-
մանը և միաժամանակ անջատենք «Հյուսիս» բանակախմբի
զորքերի աջ թևը: Այդ առաջարկութիւնն էլ ընդունվել է Զո-
րակայանի կողմից: Ինչպես ցույց տվեցին հետագա իրա-
դարձութիւնները, դա դրական դեր խաղաց Լիտվայի և Լատ-
վիայի հաջող ազատագրման գործում», — վերջացնում է Բե-
լոքորոգումը⁹¹:

Զորակայանի կողմից գործողութեան պլանի հաստատման
հետ մեկտեղ ռազմաճակատների գործողութիւնների համա-
ձայնեցման համար նշանակվում են Զորակայանի ներկայա-
ցուցիչներ, Գ. Կ. Ժուկովը՝ 1-ին և 2-րդ Բելոռուսական, իսկ
Ա. Մ. Վասիլևսկին՝ 3-րդ Բելոռուսական և 1-ին Մերձբալթ-
յան ռազմաճակատներում: Մայիսի 31-ին Բաղրամյանն ըս-
տացավ Զորակայանի ղեկավար հրահանգը, որի համաձայն
սկսեց պլանավորել իր ռազմաճակատի գործողութիւնը: Այդ
հրահանգի համաձայն, ռազմաճակատի զորքերի առջև հետևե-
լալ խնդիրն էր դրված. 3-րդ Բելոռուսական ռազմաճակատի
հետ փոխգործողութեամբ անցնել Արևմտյան Դվինա գետը և
տիրել Բեռլինկովիչի շրջանին: Այնուհետև ուժերի մի մասով,
փոխգործողութեամբ 3-րդ Բելոռուսական ռազմաճակատի աջ
թևի հետ, ջախջախել հակառակորդի Վիտեբսկի խմբավորու-
մը և տիրել Վիտեբսկ քաղաքին և հետագայում հորձակումը
ղարգացնել ընդհանուր ուղղութեամբ դեպի Լեպել՝ Պոլոցկի
ուղղութիւնից ամուր պաշտպանելով ռազմաճակատի գլխա-
վոր խմբավորումը⁹²: Ռազմաճակատի ռազմական խորհրդի

⁹¹ Ա. Պ. Քելբերտով, Խոսք այս գրքի հեղինակի մասին (տե՛ս Ի. Ք. Բաղրամյան, Մեծ Ժողովրդի զավակները, Ե., 1987, էջ 440—441):

⁹² Ի. Ք. Բաղրամյան, Այսպես մենք հասանք հաղթանակի, էջ 384—385:

նիստում Բաղրամյանը մանրամասնորեն պատմեց Զորակա-
յանում տեղի ունեցած խորհրդակցության ժամանակ իր ա-
ռաջարկությունների համաձայն գործողության պլանի փո-
փոխության մասին, ծանոթացրեց ստացված հրահանգին և
ըստ այդմ էլ առաջադրեց յուրաքանչյուր բանակի խնդիրը։
Դրանից հետո սկսվեց գործողության նախապատրաստման
ամենանեղոս շրջանը, որտեղ մեկ անգամ ևս Բաղրամյանը
դրսևեորեց իր զորավարական ողջ կարողությունները։ Ամե-
նից առաջ հետախուզական հավաստի տեղեկությունների հի-
ման վրա պարզեց ռազմաճակատի առաջիկա հարձակման
գոտում հակառակորդի ինժեներական ամրությունների, զո-
րատեսակների, զբաղեցրած տեղանքի մասին մանրամասն
տվյալներ։ Դրանից հետո որոշեց գլխավոր հարվածի ուղղու-
թյունը, որը, ինչպես հետագայում ապացուցեց հարձակման
ընթացքը, շատ հաջող էր ընտրված։ Բաղրամյանը պարզել էր,
որ հակառակորդն իր հիմնական ուժերը կենտրոնացրել էր
Պոլտցկի ու Վիտեբսկի շրջանները պահելու համար։ Ուստի
որոշվեց հարվածը հասցնել նրանց միջև ընկած տարածու-
թյունում, որտեղ հակառակորդը չէր սպասում։ Ճեղքման
ընթացքում կենտրոնացրեց վիթխարի ուժեր, ռազմաճակա-
տում եղած 4900 հրանոթներից ու ականանետներից ճեղքման
հատվածում կենտրոնացվեց 3760-ը, 687 տանկերից ու ինք-
նագնաց հրետանային սարքավորումներից՝ 535-ը, հրաձգա-
յին դիվիզիաների երեք քառորդը։ Դա ճնշող գերակշռություն
էր ապահովում հակառակորդի նկատմամբ։ Արևմտյան Դը-
վինյան հաղթահարելու ընթացքում որոշվեց սերտ փոխգոր-
ծողության մեջ մտնել բելոռուսական պարտիզանների հետ։
Հստակ կերպով կազմակերպվեց թիկունքային զորամասերի
աշխատանքը, որոնք կարճ ժամանակաընթացքում ռազմա-
ճակատի զորքերը ապահովելու համար տեղափոխեցին 1682
վազոն ռազմամթերք, 2930 ցիստերն վառելիք, 2765 վազոն
պարենամթերք և 815 վազոն նյութական այլ միջոցներ։ Շը-
նորհիվ ռազմաճակատի բժշկական ծառայության պետ գե-
ներալ-լեյտենանտ Ավետիք Իդնատի Բուռնազյանի հռանդուն

ջանքերի, հարձակման սկզբին ռազմաճակատն արդեն ուներ 42 հազար մահճակալով 112 դաշտային հոսպիտալ, 74270 մահճակալով 130 էվակոհոսպիտալ⁹³։ Նախապատրաստական բոլոր աշխատանքները Բաղրամյանը կազմակերպեց հսկա-ռակորդից աննկատ, որպեսզի հարձակումը նրա համար անսպասելի լիներ։ Հարձակման նախապատրաստման ընթացքում Հ. խ. Բաղրամյանը ժամանակի մեծ մասն անց էր կացնում զորքերում, օգնում բանակի հրամանատարներին օգտակար խորհուրդներով։ «Գործողության նախապատրաստվելու օրերին,— հիշում է բանակի գեներալ Ա. Պ. Բելոբորոդովը,— Իվան Քրիստափորովիչը ռազմաճակատի ամբողջ հրամկադմին ակնբախորեն ցույց տվեց, թե ինչպես պետք է մեծ ու փոքր խնդիրների ղանգվածում գտնել գլխավոր օղակը, որին ամուր ու խելացի կերպով կառչելով կարելի է դուրս քաշել ամբողջ շղթան՝ հաղթանակն ապահովելով նվազ զոհերով։ Հրամանատարի կարծիքով այդ գլխավոր օղակը հիմնական ջրային արգելքի՝ Արևմտյան Դվինայի հնարավորին չափ արագ և լավ կազմակերպված գրոհանցումն էր։ Եվ նա առավելագույն ուշադրություն նվիրեց դրան, հմտորեն օգտագործելով Դնեպրի և մյուս խոշոր գետերի գրոհանցման ժամանակ մեր զորքերի կուտակած մարտական հարուստ փորձը։ Իվան Քրիստափորովիչը լայնորեն ու ճկուն օգտագործեց նաև այն կարևոր հանգամանքը, որ Բելոռուսիայի տարածքում գործում էին մարտերում կոփված բազմաթիվ պարտիզանական ջոկատներ։ Նրանց հրամանատարության հետ համաձայնեցված էր, թե նրանք որտեղ և գետանցման համար ինչպիսի տեղեր կզավթեն և իրենց ձեռքում կպահեն մինչև մեր առաջավոր զորամասերի մոտենալը, որտեղ և ինչպիսի գետանցման միջոցներ կնախապատրաստվեն»⁹⁴։

Կարմիր բանակի գլխավոր շտաբի պետ, խորհրդային Միության մարշալ Ա. Մ. Վասիլևսկին, որն այդ ժամանակ Զորակայանի ներկայացուցիչն էր 1-ին Մերձբալթյան ռազմաճա-

⁹³ Նշվ. աշխ., էջ 389—392։

⁹⁴ Ա. Պ. Բելոբորոդով, *Խոսք այս գրքի հեղինակի մասին*, էջ 442։

կատում, հետագայում նույնպես բարձր է գնահատել Բաղրամ-
յանին ընդհանրապես. «Անտարակույս, Ի. Ք. Բաղրամյանը
շնորհալի ղեկավար է: Նա ունի և հրամանատարական, և շտա-
բային փորձ, որը օգնում է նրան հաջող կերպով լուծելու ինչ-
պես զորքերին ղեկավարելու, այնպես էլ օպերացիաների պը-
լանները մշակելու հարցերը, ընդ որում նա անպայման ձեռ-
տում էր գտնել հաղթանակի հասնելու ամենակարճ ճանա-
պարհները»⁹⁵:

Նախապատրաստական աշխատանքներն ավարտելուց հե-
տո 1944 թ. հունիսի 23-ի վաղ առավոտյան, ռազմաճակատի
զորամիավորումներն անցան հարձակման: Հակառակորդը,
որն այդ ուղղությամբ հարձակում չէր սպասում, ընկրկեց:
Բաղրամյանն իր հրամանատարական կետից մեծ օպերատի-
վությամբ ղեկավարում էր զորքերի գործողությունները: Ան-
հրաժեշտ պահին նա կարգադրեց ճեղքման մեջ մտցնել գեներ-
րալ-լեյտենանտ Վ. Վ. Բուտկովի 1-ին տանկային կորպուսը:
Արևմտյան Դվինյան գետանցելուց առաջ եղավ 15-րդ առան-
ձին դվարդիական տանկային գնդում, որն իր «ԻՍ—122» ծա-
նրը տանկերով մոտակա անտառում կանգնած գետանցման
էր սպասում: Այստեղ նրան զեկուցում է տալիս ծանր տան-
կերի 1-ին վաշտի հրամանատար, դվարդիայի կապիտան Ա-
բել Պողոսի Սիմոնյանը (հետագայում պատմական դիտու-
թյունների դոկտոր, պրոֆեսոր): Բաղրամյանին հետաքրքը-
րում էին գետանցման բոլոր մանրամասնությունները, տան-
կիստների տրամադրությունը: Իմանալով, որ զեկուցողը իր
հայրենակիցն է՝ Զանգեզուրի Խնձորեսկ գյուղից, ժպտալով
ասում է. «Զանգեզուրցիք քաջ կռվողներ են, քեզ տեսնեմ»⁹⁶:
Այդ օրը Սիմոնյանի վաշտը Արևմտյան Դվինյայի վրա գցված
նավակամրջով առաջինների թվում է անցնում գետի մյուս
ափը, ոգևորված նետվում մարտի և նպաստում հարձակման
այդ տեղամասում գործողության հաջողությանը: Մարտերում
ցուցաբերած սխրանքների համար խիզախ տանկիստը ռազ-

⁹⁵ А. М. Василевский, Дело всей жизни, с. 489—490.

⁹⁶ Աբել Սիմոնյան, Ռազմի ճանապարհով, Ե., 1981, էջ 67—68:

մաճակատի հրամանատարի հրամանով պարգևատրվում է Կարմիր դրոշի շքանշանով⁹⁷:

Զխորանալով գործողության իրականացման այլ մանրամասնությունների մեջ՝ նշենք, որ շնորհիվ խնամքով մշակված նախապատրաստական աշխատանքների, Բաղրամյանի զորքերը բելոռուսական պարտիզանների աջակցությամբ հաջողությամբ հաղթահարեցին ջրային հզոր արգելքը և հարձակումը զարգացրին Զորակայանի հրահանգի համաձայն: Հունիսի 26-ին 1-ին Մերձբալթյան ռազմաճակատի 43-րդ բանակը՝ 3-րդ Բելոռուսական ռազմաճակատի 39-րդ բանակի և 1-ին օդային բանակի ուժերի աջակցությամբ ազատագրեց Բելոռուսիայի մարզային խոշոր կենտրոն Վիտեբսկ քաղաքը: Նույն օրը հերկոյան Մոսկվայում 224 հրանոթների 20 համազարկերով շնորհավորեցին Վիտեբսկի ազատագրող զորքերին⁹⁸: Այնուհետև 1-ին Մերձբալթյան ռազմաճակատի 4-րդ հարվածային և 6-րդ գվարդիական բանակները, 3-րդ օդային բանակի համագործակցությամբ շարունակելով հարձակումը հյուսիսարևմտյան ուղղությամբ, հուլիսի 4-ին, համառմարտերից հետո, ազատագրեցին Պոլոցկ քաղաքը, որը հրկաթուղային խոշոր հանգույց էր: Այդ մարտերում աչքի ընկավ 6-րդ գվարդիական բանակի 51-րդ գվարդիական (նախկին Հայկական 76-րդ) հրաձգային դիվիզիան, որն արժանացավ Վիտեբսկյան, իսկ նրա գնդերը՝ Պոլոցկյան պատվավոր անունների⁹⁹: Պոլոցկի գրավումով բացվեցին Լիտվա տանող ճանապարհները: Հուլիսի 4-ի հերկոյան Մոսկվայում 224 հրանոթների 20 համազարկերով հրավառություն տրվեց ի պատիվ Պոլոցկի ազատագրող զորքերի: Հունիսի 23-ից մինչև հուլիսի 4-ը Բաղրամյանի զորքերը ջախջախեցին թշնամու 6 դիվիզիա, մարտերով առաջ գնացին 180կմ, ազատագրեցին

⁹⁷ ՌԴ ՊՆԿԱ, ֆ. 33, ց. 690155, դ. 6918, թ. 112:

⁹⁸ Освобождение городов, с. 68—69.

⁹⁹ Կ. Ա. Հաբուրլովյան, 51-րդ գվարդիական դիվիզիայի մարտական ուղին, Ե., 1980, էջ 122:

Վիտեբսկի և Պոլոցկի մարզերը, ավելի քան 5000 բնակավայր, այդ թվում՝ Բեշենկովիչի, Լեպել, Դոկշիցի, Դիսնա քաղաքները: Հարձակման ընթացքում ոչնչացվեց հակառակորդի 40 հազար զինվոր ու սպա, 600 հրանոթ ու ականանհատ, 78 ինքնաթիռ, ավելի քան 2000 ավտոմեքենա, մեծ թվով տանկեր ու մարտական այլ տեխնիկա, վերցվեց 15000 գերի¹⁰⁰: Հայրենիքը բարձր գնահատեց 1-ին Մերձբալթյան ռազմաճակատի զորքերի կատարած մարտական սխրանքները. 74157 մարդ պարգևատրվեց շքանշաններով ու մեդալներով, իսկ գործողության ժամանակ իրենց խիզախության և առավել աչքի ընկած 156 զինծառայողների շնորհվեց հորհրդային Միության հերոսի կոչում: ԽՍՀՄ Գերագույն խորհրդի նախագահության 1944 թ. հուլիսի 29-ի հրամանագրով բելոռուսական գործողության ընթացքում 1-ին Մերձբալթյան ռազմաճակատի զորքերի հարձակումը հմտորեն ղեկավարելու, այդ ընթացքում ձեռք բերած ակնառու հաջողությունների, ինչպես նաև ցուցաբերած արիության ու հերոսության համար բանակի գեներալ Հ. Խ. Բաղրամյանին շնորհվեց հորհրդային Միության հերոսի կոչում¹⁰¹:

Բելոռուսիայի ազատագրումով դեռևս չավարտվեց «Բագրատիոն» գործողությունը: Այն շարունակվեց հուլիս-օգոստոս ամիսներին: 1-ին Մերձբալթյան ռազմաճակատը, այդ ընթացքում ստանալով նոր համալրումներ՝ 2-րդ գվարդիական և 51-րդ բանակները, հուլիսի 20-ին շարունակեց հարձակումը լիտվական Շյաուլայ քաղաքի ուղղությամբ: Համառ մարտերում կոտրելով թշնամու դիմադրությունը՝ հրկուօր անց նրանք ազատագրեցին Պանենժիս, իսկ հուլիսի 27-ին՝ Շյաուլայ քաղաքները: Այնուհետև հարձակվելով դեպի հյուսիս՝ Բաղրամյանի զորքերը մտան Լատվիայի տարածք և համառ մարտերից հետո հուլիսի 30-ին ազատագրեցին Տուկումա, իսկ օգոստոսի 1-ին՝ Ելգավա քաղաքները և Ռիգայից արև-

¹⁰⁰ ՀՀ ՆՊՊԿԱ, ֆ. 404, ց. 1, գ. 522, թ. 13:

¹⁰¹ «Правда», 1944, 29 июля.

մուտք, Կլապկալնիսի շրջանում դուրս եկան Բալթիկ ծով՝ Ռիգայի ծովածոց։ Դրանով իսկ փակվեց Արևելյան Պրուսիայի հետ հակառակորդի «Հյուսիս» բանակախմբի կապող միակ ճանապարհը։ Գերմանաֆաշիստական հրամանատարությունը որոշեց ամեն զինով ետ բերել կորցրածը, ուստի դիմեց կրտուկ միջոցների։ Օգոստոսի 2-ին գերմանական զորքերը Բիրթայի շրջանից ուժեղ հակահարված հասցրեցին Մերձբալթյան ռազմաճակատի թիկունքին։ Հակառակորդը սկզբնական շրջանում հասավ մարտավարական մասնակի հաջողությունների, սակայն հետագայում պարզացանել այն չկարողացավ։ 1-ին Մերձբալթյան ռազմաճակատի 6-րդ զվարդիական (հրամանատար՝ գեներալ-լեյտենանտ Ի. Մ. Զիստյակով) և 43-րդ համադորային բանակները (հրամանատար՝ գեներալ-լեյտենանտ Ա. Պ. Բելոբորոդով) ոչ միայն ետ մղեցին թշնամու բոլոր գրոհները՝ թույլ չտալով նրան շարժվել դեպի Պանենսթիս, այլև իրենք անցնելով հակադրոհի՝ օգոստոսի 6-ին ազատագրեցին Բիրթայ քաղաքը¹⁰²։ Սակայն հակառակորդը չէր ցանկանում հեշտությամբ հաշտվել կորցրածի հետ։ Նա Շյաուլյայի ուղղությամբ կենտրոնացրեց 600 տանկերից և 250 ինքնագնաց հրանոթներից բաղկացած մի հզոր զորախումբ և օգոստոսի 16-ին հակահարձակման անցավ սկզբում հարավ-արևմուտքից՝ Կեմեի, Շյաուլյայի, Տուկումսի, ապա հյուսիս-արևմուտքից՝ Աուցե-ժագարե ուղղություններով։ 1-ին Մերձբալթյան ռազմաճակատի զորքերի զխին սև ամպեր էին կուտակվել։ Սակայն շնորհիվ ռազմաճակատի հրամանատարի ժամանակին ձեռնարկած միջոցառումների, որից էր 5-րդ զվարդիական տանկային բանակը շտապ այդ ուղղության վերա տեղափոխելը, թշնամին հուժկու հակահարված ստացավ և ստիպված եղավ դադարեցնել հարձակումը։ Այնուամենայնիվ, գերմանացիներին հաջողվեց ծանր կորուստների զնով օգոստոսի 21-ին կրկին զրավել Տուկումսը և 30կմ միջանց-

¹⁰² Մ. Գ. Սաֆակյան, Սովետական Մերձբալթիկայի համար մղված մարտերում, Ե., 1981, էջ 51։

քով վերականգնել ցամաքային կապը Արեւելյան Պրոստիայի հետ։ Օգոստոսի 15—25-ը պաշտպանական մարտերի ընթացքում 1-ին Մերձբալթյան ռազմաճակատի զորքերը ոչնչացրեցին հակառակորդի 15500 զինվոր ու սպա, 354 տանկ, 26 ինքնազնաց հրանոթ, 268 հրանոթ, 111 ականանետ, 514 զնդացիր և գրավեցին մեծ քանակությամբ ռազմավար. ջախջախեցին թշնամու 4-րդ, 5-րդ, 7-րդ, 12-րդ, 14-րդ, «Մեծ Գերմանիա» տանկային դիվիզիաները, 101-րդ ու «Գրոս» տանկային բրիգադները։ Օգոստոսի վերջին հակառակորդի արյունաքամ և ուժասպառ զորքերը դադարեցրին հարձակումը և անցան խորը պաշտպանության։ Շյաուլյայի գործողության ընթացքում Բաղրամյանի ռազմաճակատի զորքերը հասան ռազմավարական զգալի հաջողությունների։ Դրանով իսկ ամբողջովին ավարտվեց բելոռուսական գործողությունը, որը նպաստավոր պայմանների ստեղծեց՝ Մերձբալթիկան ամբողջությամբ ազատագրելու համար¹⁰³։

Բելոռուսական գործողության հարձակողական մարտերի ընթացքում՝ 1944 թ. հունիսի 23-ից մինչև օգոստոսի 15-ը 1-ին Մերձբալթյան ռազմաճակատի զորքերը աղատագրեցին 17866 բնակավայր, ոչնչացրեցին 111000 գերմանական զինվոր ու սպա, 746 տանկ ու ինքնազնաց հրանոթ, 1090 հրանոթ, 666 ականանետ, 4400 զնդացիր, 3700 ավտոմեքենա, 120 պահեստ, ավար վերցրին 171 տանկ, 15 ինքնազնաց հրանոթ, 80 հրանոթ, 259 ականանետ, 1850 զնդացիր, 3433 ավտոմեքենա, 360 պահեստ, զերի վերցրին 15650 հիտլերական։ Պաշտպանական մարտերի ընթացքում՝ օգոստոսի 12—31-ը ռազմաճակատի զորքերը ոչնչացրեցին հակառակորդի 27600 զինվոր ու սպա, 1000 տանկ ու ինքնազնաց հրանոթ, 208 հրանոթ, 438 զնդացիր, 126 ինքնաթիռ, 83 զրահամեքենա, 872 ավտոմեքենա և ռազմական այլ տեխնիկա¹⁰⁴։

¹⁰³ Մ. Գ. Սահակյան, նշվ. աշխ., էջ 52—53։

¹⁰⁴ ՌԻ ՊնԿԱ., ֆ. 1-ին Մերձբալթյան ռազմաճակատի, ց. 2074, գ. 351, ք. 4, 103։

Բելոռուսական գործողության ընթացքում 1-ին Մերձբալթյան զորքերի տարած փայլուն հաղթանակների պատվին Մոսկվայում 6 անգամ հրետանային հրավառություն տրվեց։ Նույնքան անգամ բանակի գեներալ Հ. խ. Բաղրամյանի անունը հիշատակվեց Գերագույն գլխավոր հրամանատարի հրամաններում, որը ռադիոն և մամուլը տարածեց ամբողջ Երկրով մեկ։

Հայ գորավարի հուշակը տարածվեց նաև խորհրդային Հայաստանում, ինչպես նաև սփյուռքահայության մեջ, որոնք ոչ միայն ուրախանում և հպարտանում էին իրենց փառապանծ հայրենակցի հաջողություններով, այլև գործնական աջակցություն ցույց տալիս գեներալի գլխավորած ռազմաճակատին։ Հայաստանի աշխատավորների անձնական խնայողությունների հաշվին կառուցվեցին և Բաղրամյանի ռազմաճակատին նվիրվեցին ինքնաթիռային մեկ էսկադրիլիա, «Սասունցի Դավիթ» տանկային շարասյուները։ Իրանահայերի նախաձեռնությամբ սփյուռքում հանգանակություն սկսվեց «Գեներալ Բաղրամյան» տանկային շարասյան կառուցման համար։ Բացի այդ Թեհրանի հայերը Բաղրամյանին որպես նվեր ուղարկեցին մի թանկագին սուր¹⁰⁵, որն այժմ պահվում է Հայաստանի պատմության պետական թանգարանում։ ԱՄՆ-ի հայկական առաջադիմական հայրենասիրական կազմակերպությունների ազգային խորհուրդը՝ քարտուղար Օգսեն Սարյանի և նախագահ Թերզյանի ստորագրությամբ հեռագիր ուղարկեց Բաղրամյանին, որտեղ ասված էր. «Ամերիկահայերը Ձեզ շորհավորում են որպես հայկական մարտնչող ոգու և հանճարի խորհրդանիշ, հպարտ են Ձեր հմուտ ղեկավարությամբ կատարած հերոսական բոլոր սխրագործություններով...»¹⁰⁶։ Ավելի քան 2 ամիս 1-ին Մերձբալթյան ռազմաճա-

¹⁰⁵ Խ. Մ. Նալեյան, Հայ ժողովրդի դավաճանների մասնակցությունը Բելոռուսիայի համար մղված մարտերին, Ե., 1975, էջ 259։

¹⁰⁶ ՀՀ ԳԱԱ պատմության ինստիտուտի Հայրենական մեծ պատերազմի պատմության կարիքների արևիվ (այսուհետև՝ ՀՄՊՊԿԱ), ֆ. Մարշալ Բաղրամյանի, գ. 10, թթ. 20—21։

կատի 2-րդ և 6-րդ գլխորդական, 51-րդ, 43-րդ համադրության և 3-րդ օդային բանակների մարտիկների ու հրամանատարների համար 100-ից ավելի համերգներ տվեց Հայֆիլ-հարմոնիայի ժողովրդական երգի-պարի համույթը՝ Թաթուլ Ալթունյանի ղեկավարությամբ: Ռազմաճակատից Հայաստան մեկնեցին զինվորական պատվիրակություններ: Այդ ամենը մեծ չափով նպաստեց բանակի և ժողովրդի սերտ կապին, պարտավորեցրեց ռազմաճակատի մարտիկներին ու հրամանատարներին, այդ թվում գեներալ Բաղրամյանին, հասնել նորանոր հաջողությունների:

Բելոռուսական զործողության ավարտից հետո Խորհրդային Միության հերոս, բանակի գեներալ Հ. Խ. Բաղրամյանի գլխավորած 1-ին Մերձբալթյան ռազմաճակատի զորքերը ակտիվորեն մասնակցեցին Մերձբալթյան ռազմավարական զործողությանը, որի հիմնական խնդիրը Մերձբալթիկայի լըրիվ ազատագրումն էր ղեկմանաֆաշիստական վավթիչներից: Մերձբալթյան ռազմավարական հարձակողական զործողությունը ներառում էր 4 ճակատային և մերձճակատային՝ Ռիգայի, Տալլինյան, Մոռնզունդյան և Մեմելյան զործողությունները: Խորհրդային զորքերի Գերագույն գլխավոր հրամանատարության Զորակայանի և Գլխավոր շտաբի մշակած պլանի համաձայն, 1-ին, 2-րդ և 3-րդ Մերձբալթյան ռազմաճակատների զորքերը պետք է ղեկվի Ռիգա գոգադիպող ուղղություններով, իսկ Լենինգրադյան ռազմաճակատի զորքերը՝ Բալթյան նավատորմի համազործակցությամբ Տալլինի ուղղությամբ հզոր հարվածներ հասցնեին հակառակորդին, մասնատեին նրա պաշտպանությունը, շրջապատեին նրա զորախմբերն ու մաս-մաս ոչնչացնեին: 1-ին Մերձբալթյան ռազմաճակատի զորքերը մասնակցեցին Ռիգայի (14.09—22.10. 1944 թթ.) և Մեմելի (5—22 հոկտեմբերի 1944 թ.) զործողություններին: Սևպտեմբերի 14-ին երեք ռազմաճակատների զորքերը սկսեցին հարձակումը Ռիգայի ուղղությամբ՝ խնդիր ունենալով ազատագրել Լատվիայի մայրաքաղաքը, դուրս դալ Բալթիկ ծով և կտրել «Հյուսիս» բանակախմբի նահանջը

դեպի Արևելյան Պրուսիա։ Հարձակման առաջին փուլում համեմատաբար առավել հաջողությունների հասան գեներալ Բադրամյանի ռազմաճակատի զորքերը, որոնք հակառակորդի պաշտպանությունը ճեղքեցին 28 կմ ճակատով և 10 օրվա ընթացքում մարտերով առաջ շարժվեցին 50 կմ, աղատագրելով շուրջ 2300 բնակավայր, որոնց թվում՝ Բաուսկա, Ինցավա, Յաունելգավա և Բալդոնե քաղաքները։ Մինչև Ռիգա մրնացել էր ընդամենը 16 կմ¹⁰⁷, Բալդոնեի ապատագրելուց երկու օր անց՝ սեպտեմբերի 24-ին Զոբակայանից հրահանգ ստացվեց՝ 1-ին Մերձբալթյան ռազմաճակատի գլխավոր հարվածի ուղղությունը Ռիգայի ուղղությունից մեմելյան ուղղության տեղափոխելու մասին¹⁰⁸, որի շնորհիվ հակառակորդի «Հյուսիս» բանակախումբը կմեկուսացվեր Արևելյան Պրուսիայից։ Հիշյալ հրահանգի համաձայն, 1-ին Մերձբալթյան ռազմաճակատի ուժերը պետք է Ռիգայի ուղղությունից արագ և թաքուն վերախմբավորվեին մեմելյան ուղղության վրա, Շյաուլայի շրջանում ստեղծեին ուժեղ հարվածային խմբավորում, ապա թշնամու համար անսպասելի հզոր հարված հասցնեին այդ ուղղության վրա պաշտպանվող ֆաշիստական զորքերին, դուրս դալին Բալթիկ ծովի ափը և «Հյուսիս» բանակախումբը կտրեին Արևելյան Պրուսիայից։ «Մեր առաջնահերթ խնդիրն էր,— գրում է Բադրամյանը,— ճեղքել թշնամու սլաշտպանության առաջին և երկրորդ գոտիները և հասնել Տիրկշլայ, Պլունգե, Շիլալե, Տաուրագե քաղաքների դիրն։ Այնուհետև պետք էր Պալանգայից սկսած մինչև Նեմանի գետաբերանն ընկած տեղամասում դուրս գալ Բալթիկ ծովի ափ։ Ամբողջ

¹⁰⁷ Ի. Բ. Բադրամյան, Այսպես մենք հասանք հաղթանակի, էջ 555։

¹⁰⁸ Հարվածի ուղղության փոփոխությունը պայմանավորված էր նրանով, որ հակառակորդը Ռիգայի շրանում էր կենտրոնացրել իր 19 դիվիզիաներից 11-ը, իսկ Մեմելի ուղղությամբ՝ ընդամենը 4-ը։ Ռազմավարական այսպիսի իրադրության մեջ այլևս նպատակահարմար չէր շարունակել հարձակումը Ռիգայի ուղղությամբ, որտեղ ավելի շատ զորքեր էին կուտակվել։ Նպատակահարմարը Մեմելի ուղղությունն էր, որտեղ թշնամին ուներ քիչ ուժեր և այդ ուղղությամբ հարձակում չէր սպասում։

օպերացիան պիտք է ավարտվեր 10—11 օրում, իսկ դրա նախապատրաստումը՝ 6 օրում: Դա շատ կարճ ժամկետ էր, քանի որ նոր ուղղության վրա հարձակման անցնելու գործը կապված էր ռազմաճակատի զորքերի հսկայական վերախրմբավորման հետ»¹⁰⁹:

Բանակի գեներալ Հ. Խ. Բաղրամյանը Զորակայանի առաջադրանքը կատարեց ժամանակին և վարպետորեն: Շնորհիվ ռազմավարական իմացության և մարտական հարուստ փորձի, նա օպերատիվ արվեստի դասական կանոնների համապատասխան վարպետորեն իրագործեց խորամանկ զորաշարժը: Վեց դիշերվա ընթացքում, հակառակորդից աննկատ, Ռիգայի շրջանից Շյաուլայի շրջան (մոտ 240կմ) փոխադրվեցին ավելի քան կես միլիոն մարդ, 10 հազար հրանոթ և ականանետ, 1300 տանկ ու ինքնագնաց հրետանային սարքավորում, բազմաթիվ այլ տեխնիկա, զենք, զինամթերք, վառելիանյութ, հանդերձանք և այլն: Երբ զորքերի այդպիսի վիթխարի զանգվածը թշնամու համար միանգամայն անսպասելի հայտնվեց նոր ուղղության վրա և Շյաուլայից արևմուտք՝ Մեմելի ուղղությամբ հասցրեց խոչընթաց հզոր հարված, ֆաշիստական հրամանատարությունը, ոչ առանց հիմքի, այն համարեց հրաշք: Այդ հրաշքի հետևանքով 1-ին Մերձբալթյան ռազմաճակատի զորքերը, հոկտեմբերի 5-ին ճեղքելով հակառակորդի պաշտպանությունը, առաջ շարժվեցին դեպի արևմուտք՝ դեպի Բալթիկ ծով: Կոտրելով թշնամու համառ դիմադրությունը՝ ռազմաճակատի 5-րդ զվարդիական տանկային և 51-րդ համազորային բանակների զորամիավորումները հոկտեմբերի 10-ին ազատագրեցին ծովափնյա Պալանգա քաղաքը. հակառակորդի 33 դիվիզիա կտրվեց Արևելյան Պրուսիայից և սեղմվեց Կուռլանդական թերակղզում: Վախենալով Ռիգայի շրջանում շրջապատման մեջ հայտնվելու վրտանգից՝ գերմանաֆաշիստական զորքերը ստիպված էին հոկտեմբերի 15-ին թողնել Ռիգան և նահանջել Կուռլանդա-

¹⁰⁹ Ի. Բ. Բաղրամյան, Այսպես է սկսվել պատերազմը, էջ 557—558:

կան թերակղզի: Կուռլանդական փարախում հայտնված թըշ-նամու զորքերը շրջափակվեցին ծովից ու ցամաքից, որի հետևանքով նրանք այլևս հնարավորություն չունեցան մասնակցելու խորհրդա-գերմանական ռազմական գործողությունների թատերաբեմի վճռական տեղամասերում ընթացող մարտերին:

Մերձբալթյան ռազմավարական գործողությունը, որը տևեց սովետի քան մեկ ամիս, առանց որևէ դադարի, ավարտվեց ռազմավարական մասշտաբի խոշոր հաջողությամբ: Գերմանաֆաշիստական զավթիչներից ազատագրվեցին էստոնիայի, Լատվիայի և Լիտվայի տարածքները, բացի Կուռլանդական թերակղզուց և Մեմել (Կլայպեդա) ծովափնյա քաղաքից: Այդ գործողության հետևանքով ջախջախվել էին հակառակորդի 59 դիվիզիաներից 26-ը, 3-ը լիովին ոչնչացվել, մնացածները շրջափակված էին Կուռլանդյան թերակղզում և Մեմելում ու կորցրել էին իրենց ռազմավարական նըշանակությունը¹¹⁰: Ֆիննական և Ռիգայի ծովածոցերում հակառակորդի ռազմածովային նավատորմը ղրկվեց գործողությունների ազատությունից: Բալթյան կարմրադրոշ նավատորմի համար ապահովվեց ելքը դեպի Բալթիկ ծովի կենտրոնական մասը, քանի որ Ֆաշիստական Գերմանիայի դաշնակից Ֆինլանդիան ստիպված էր դուրս գալ պատերազմից: Մերձբալթյան ռազմավարական գործողության ավարտից հետո Բաղրամյանի զորքերը 1944 թ. նոյեմբեր-դեկտեմբեր ամիսներին բազմաթիվ գետակների, մանր լճերի և անտառաձահձային տեղանքի, ինչպես նաև անընդհատ տեղացող հորդառատ անձրևների առկայության պայմաններում փորձում էին կոտրել թշնամու Կուռլանդական դորախմբի համառ դիմադրությունը, սակայն ապարդյուն. նոյեմբերին ռազմաճակատի առաջխաղացումը կազմեց 17—20 կմ: Դաժան մարտեր էին մղվում յուրաքանչյուր փոքրիկ ագարակի, յուրաքանչյուր

¹¹⁰ Ի. Ք. Բաղրամյան, Այսպես մենք հասանք հաղթանակի, էջ 616—617:

փոքրիկ բարձունքի համար: Նույնմբերի 6-ին գրավվեց Մա-
ժեյկյայ-Աուցե երկաթուղին, սակայն անդադար անձրևներն
ուժեղացրին ճամփախափանքը և անհնարին դարձրին ռազ-
մաճակատի զորքերի առաջխաղացումը:

Դեկտեմբերին նույնպես ռազմաճակատի գծում որևէ
էական փոփոխություն չեղավ: Սակայն հակառակորդին հան-
գիստ չէին տալիս: Ծովից նրան արցանի մեջ էին վերցրել
Բալթյան նավատորմի ռազմանավերը, օդից մեծ վնասներ էր
սլատճառում ինչպես ծովային, այնպես էլ ռազմաճակատա-
յին ավիացիայի զրոհային և ռմբակոծիչ ավիացիան, ցամա-
քից անընդհատ նրանց վրա էր թափվում հրետանու արկերի
տեղատարափ անձրև: Հակառակորդը հնարավորություն չու-
նե՛ր այդքան հսկայական ուժերը¹¹¹ էվակուացնել ծովով կամ
էլ ճեղքել շրջափակման օղակը և ճողոպրել Արևելյան Պրու-
սիա: Դեկտեմբերի 14-ին հակառակորդի շրջափակված զոր-
քերը՝ ենթարկվեցին օդային հզոր հարվածի, որին մասնակ-
ցում էին ավելի քան 200 ինքնաթիռ: Հիմնական հարվածը
հասցվում էր Լիեպայա խոշոր նավահանգստին (Լատվիա):
Այստեղ իր օդային վերջին մարտը մղեց Արցախի հերոս զա-
վակ, լեգենդար օդաչու, 47-րդ զրոհային ավիագնդի հրամա-
նատար, Խորհրդային Միության հերոս, գվարդիայի փոխգրն-
դապետ Նելսոն Դևորդի Ստեփանյանը: Նա իր զրոհային
«Իլ-2» ինքնաթիռով անձամբ ոչնչացրել էր հակառակորդի
80 տանկ, 600 ավտոմեքենա, 140 դաշտային և ղենիթային
հրանոթ, 130 գնդացրային կեստ, 27 ինքնաթիռ, 40 երկաթու-
ղային վագոն, շուրջ 5000 զինվոր ու սպա, խորտակել տար-
բեր տիպի 13 նավ և այլն¹¹²: Վերջին մարտին նա դնաց, երբ

¹¹¹ 1945 թ. մայիսի 9-ին, երբ թշնամու զորախումբը անձնատուր եղավ,
գերի հսկանվեց շուրջ 300000 զինվոր ու սպա, 48 ղենիքալ, ավար վերցվեց
158 ինքնաթիռ, մոտ 500 տանկ ու զրոհային հրանոթ, շուրջ 3500 հրանոթ և
ակոսանետ, 18 հազարից ավելի ավտոմեքենա, 675 բարձրակ, բազմաթիվ
այլ տեխնիկա և հսկայական քսենակոմբյամբ զանազան նյութական պաշար-
ներ:

¹¹² Книга о героях, с. 21.

հրամանատարութեան կողմից ներկայացվել էր Խորհրդային Միութեան կրկնակի հերոսի կոչման: Բաղրամյանը սրտի կլուկի ծով է պատմում իր հայրենակցի վերջին սխրանքի մասին. «Գրոհիչ ինքնաթիռների առաջին խումբը վարում էր փառապանծ օդաչու, Խորհրդային Միութեան հերոս, գվարդիայի փոխգնդապետ Նելսոն Ստեփանյանը,— գրում է զորավարը,— գրոհիչ ինքնաթիռների և խոյլնթաց ռմբակոծիչների կենտրոնացված հարվածի հետևանքով, մեկը մյուսի ետևից խորտակվեցին զերմանական խոշոր փոխադրանավեր: Շուտով 24000 տոննա ջրածավալի 6 նավեր սուզվեցին ջրի տակ: Իսկ օդում խփվեց 21 ֆաշիստական ինքնաթիռ: Ցավոք, կորուստներ ունեցան նաև գրոհողները: Այդ օրը զոհվեց նաև Նելսոն Ստեփանյանը: Գրոհներից մեկի ժամանակ նրա ինքնաթիռը վրնասվեց, բայց անվնաս օդաչուն իր մեքենան շուրջից դեպի ետ, այլ վերջին ճիգերով այն գցեց ֆաշիստական նավի վրա: Ես անձամբ դիտեի այդ խիզախ մարդուն, ուստի և ինձ մի առանձին ցավ պատճառեց նրա զոհվելու լուրը»¹¹³:

Նոր տարին՝ 1945 թվականը 1-ին Մերձբալթյան ռազմաճակատի զորքերը դիմավորեցին նույն դիրքերում, սակայն դինվորները, սպաները և գնդերալները, այդ թվում և բանակի գեներալ Բաղրամյանը, մեծ լավատեսությամբ էին համակված մոտալուտ հաղթանակի հավատով:

Հարաբերական անդորրը խախտվեց հունվարի 10-ին, երբ Մեմելի (Կլայպեդա) շրջանից հակառակորդի հետևադորի խոշոր ուժեր 60 տանկերի աջակցությամբ, գրոհեցին Կրեյտինգայի ուղղությամբ՝ նպատակ ունենալով ճեղքել շրջափակման օղակը և միանալ Կուռլանդյան խմբավորմանը: Սակայն հակառակորդի մտադրությունը ոչ միայն շիրականացավ, այլև շնորհիվ Բաղրամյանի կողմից ժամանակին ձեռնարկված օպերատիվ միջոցառումների, հունվարի 28-ին լիտ-

¹¹³ Ի. Ք. Բաղրամյան, Այսպես մենք հառանք հաղթանակի, էջ 627 (1945 թ. մարտի 6-ին ԽՍՀՄ Գերագույն խորհրդի նախագահության հրամանով Ն. Ք. Ստեփանյանին հետմահու շնորհվեց Խորհրդային Միության կրկնակի հերոսի կոչում):

վական Մեմել նավահանգիստը, որը հակառակորդի կարևոր ռազմավարական հենակետն էր Բալթիկ ծովի ափին, ազատագրվեց 1-ին Մերձբալթյան ռազմաճակատի 4-րդ հարվածային բանակի և Բալթյան նավատորմի փոխգործողության շնորհիվ: Դրանով իսկ ավարտվեց Լիտվայի ազատագրումը դերմանաֆաշիստական դավթիչներից: Մեմելի ազատագրուման համար մղված մարտերում հակառակորդի կորուստները կազմեցին 5000 սպանված զինվոր ու սպա, 40 տանկ, 70 հրանոթ, 188 տեխնիկա, ավելի քան 180 զինացի, 48 շոգեքարշ, ավելի քան 1400 փակ ու բաց վագոններ և շատ այլ տեսակի տեխնիկա ու ռազմական գույք¹¹⁴:

Մեմելի ազատագրումից որոշ ժամանակ անց՝ փետրվարի առաջին տասնօրյակին, բանակի ղեկերալ Հ. Խ. Բաղրամյանը ռազմաճակատի շտաբի հետ միասին տեղափոխվեց Արևելյան Պրուսիա: Զորքերի ղեկավարումն ավելի էական դարձնելու համար 1945 թ. փետրվարի 22-ին Զորակայանը վերացրեց 1-ին Մերձբալթյան ռազմաճակատը և նրա բանակների մի մասի հիման վրա ստեղծեց խորհրդային զորքերի Զեմլանդական օպերատիվ խմբավորումը, որը մտցվեց 3-րդ Բելոռուսական ռազմաճակատի մեջ, Զեմլանդական զորախմբի հրամանատար նշանակվեց բանակի ղեկերալ Հ. Խ. Բաղրամյանը. փետրվարի 18-ին մարտերում զոհված բանակի ղեկերալ, կրկնակի հերոս Ի. Դ. Զերնյախովսկու փոխարեն 3-րդ Բելոռուսական ռազմաճակատի հրամանատար նշանակվեց խորհրդային Միության մարշալ Ա. Մ. Վասիլևսկին: Հ. Խ. Բաղրամյանը միաժամանակ ռազմաճակատի հրամանատարի 1-ին տեղակալն էր: Բաղրամյանի անմիջական հրամանատարությունության տակ գտնվող զորքերի Զեմլանդական օպերատիվ խմբավորման մեջ մտնում էին՝ 11-րդ գվարդիական, 39-րդ և 43-րդ համազորային բանակները, 1-ին տանկային կորպուսը, 2-րդ գվարդիական հրետանային ճեղքման դիվիզիան, երեք հակատանկային կործանիչ հրետանային բր-

114 Ի. Գ. Բաղրամյան, Այսպես մենք հոտանք հաղթանակի, էջ 643:

րիգադներ, երկու հաուբիցային և երկու առանձին զենիթային հրետանային գնդեր, ինժեներական զորամասեր, կապի առանձին գումարտակներ և այլն: Մարշալ Վասիլևսկին մարտի 7-ին Բաղրամյանի զորախմբի առջև առաջնահերթ խնդիր դրեց նախապատրաստվել ջախջախելու թշնամու արևելապրուսական խմբավորումը և գրավել պրուսական յունկերնների միջնաբերդ, խոշոր ամրոց-քաղաք Քյոնիքսբերգը: Հիսլերը հատուկ նշանակություն էր տալիս Քյոնիքսբերգի պաշտպանությանը, քաղաքը վեր էր ածվել մի անառիկ ամրոցի՝ հագեցած բերդամասերով, բազմաթիվ ամրակառույց կրակակետերով, խոշոր և պաշտպանության համար հարմարեցված բացառիկ ամրապինդ շենքերով, մարտական տեխնիկայի և հետևակագործի համար բազմաթիվ հնարակերտ արգելքներով, երեք պաշտպանական գոտիներով, որոնք պատված էին դոտերով, համատարած խրամուղիներով, ջրով լցված հակատանկային լայն փոսերով, լարափակոցներով և այլն: Քյոնիքսբերգի կայազորը, որի հրամանատարը փորձառու զինվորական, գեներալ-գնդապետ Օտտո Լաշն էր, իր տրամադրության տակ ուներ ավելի քան 130000 զինվոր, 4000 հրանոթ ու ականանետ, 100 տանկ ու գրոհային հրանոթ, 170 ինքնաթիռ¹¹⁵:

Վասիլևսկուց ստանալով առաջադրանքը՝ Բաղրամյանը իր զինակիցների հետ ձեռնամուխ եղավ Քյոնիքսբերգյան գործողության պլանի մշակմանը: Նշենք, որ Վասիլևսկին այդ ժամանակ զբաղված էր հակառակորդի հեյսրերգյան խմբավորման վրա հարված նախապատրաստելու և իրականացնելու գործով: Այնպես որ, Քյոնիքսբերգի գրավման գործողության նախապատրաստական աշխատանքների ողջ ծանրությունն ընկավ Բաղրամյանի ուսերին: Եվ նա իր ողջ ուժերը նվիրեց այդ պատասխանատու գործի իրականացմանը: Ամենաբարդ հարցը, որ անմիջապես ծառացավ նրա առջև, զորքերի նախապատրաստման հարցն էր: Չէ՞ որ նրանք պետք է

¹¹⁵ Մ. Մեռժաևով, Ջինվոր, գեներալ, մարշալ, էջ 149:

ձեռքերին մի այնպիսի պաշտպանություն, որը, ինչպես արդեն նշեցինք, հագեցած էր երկաթե ստոնեքներով և քարակոփ խմբերական կառուցվածքներով: Որպեսզի վստահորեն և գործիմացությամբ հարձակվեին բերդային ամրությունների վրա, Բաղրամյանի ցուցումով զորախմբի շտաբի օպերատորների, տեղագիրների և ինժեներների ջանքերով ստեղծվեց բերդաքաղաքի հսկա մակետը (մոտ 40 քառ. մետր), որի վրա ամենայն մանրամասնությամբ ցույց էր տրված հակառակորդի պաշտպանական ու ամրոցային կառուցվածքների ողջ համալիրը: Քաղաքի ինչպես արտաքին, այնպես էլ ներքին շրջապարիսպների վրա նշված էին հակառակորդի զորքերի խմբավորման անունը, զենքի բոլոր տեսակների կրակային համակարգը, հակահետևակային և հակատանկային արգելափակոցները, ամրոցային բերդամասերը, թաղամասերն ու փողոցները, պաշտպանության համար հարմարեցված շենքերը և այլն: Բացի այդ, պատրաստված և հարկավոր քանակությամբ բազմացված էր քաղաքի հատակագիծը: Մակետն ապահովում էր Քյոնիքսբերգի այնպիսի հստակ ու ցայտուն տեսողական ընկալում, որ Բաղրամյանը հաճույքով էր նրա օգնությամբ բանակների, կորպուսների և դիվիզիաների հրամանատարներին ծանոթացնում առաջիկա մարտական գրոհի համար զորքերի առաջադրվելիք խնդիրներին: «Պարզ պատկերացնելով մոտալուտ խնդրի ամբողջ դժվարությունը, — հետագայում նշել է զորավարը, — օպերացիայի պլանը մենք մշակում էինք բացառիկ խնամքով և ոչ մի հարձակողական օպերացիա մենք այդպես հանգամանորեն չենք նախապատրաստել»¹¹⁶: Մարտի 15-ին «Զեմլանդ» գործողության պլանի նախագիծը բանակի գեներալ Հ. Խ. Բաղրամյանը և զորախմբի շտաբի պետ, գեներալ-գնդապետ Վ. Վ. Կուրասովը ներկայացրին մարշալ Ա. Մ. Վասիլևսկուն: Մանրազնին ուսումնասիրելով պլանի նախագիծը՝ մարշալը հավանություն տվեց և վերջնական հաստատելու համար այդ մասին հայտնեց Գերագույն

¹¹⁶ Ի. Բ. Բաղրամյան, Այսպես մենք հասանք հաղթանակի, էջ 674:

գլխավոր հրամանատարին: Բաղրամյանի զորախմբի մեջ մտցվեց նաև 50-րդ համազորային բանակը, լրացուցիչ այլ համալրումներ: Քյոնիքսբերգի գրոհի ժամանակ Բաղրամյանի շորս բանակներին (11-րդ գվարդիական, 39-րդ, 43-րդ և 50-րդ համազորային) օդից զգալի աջակցություն էին ցույց տալու 1-ին, 3-րդ, 15-րդ և 18-րդ օդային բանակների ավիացիան, իսկ ծովից՝ Կարմրադրոշ Բալթյան նավատորմի ռազմանավերը:

Քյոնիքսբերգի գրավման պլանում առաջնակարգ տեղ էր հատկացված հրետանուն: Բաղրամյանին հաջողվեց մինչև հարձակման օրը Քյոնիքսբերգի շրջանում հավաքել շուրջ 5000 հրանոթ ու ականանետ, 300 հրթիռային-հրետանային կայանք, 5 նավատորմային երկաթուղային մարտկոցներ, որոնց մեջ մտնում էին 15 հեռահար հրանոթներ: Հրետանու համարյա կեսը կազմված էր խոշոր, այդ թվում 203-ից մինչև 305 միլիմետր տրամաչափի գեթհզոր հրանոթներից, որոնք ունեին ահարկու հարվածային ուժ: Բաղրամյանն իր զինակիցների հետ միասին հսկայական աշխատանք կատարեց գրոհային ջոկատների կազմակերպման, նրանց հանդերձավորման և վարժեցման ուղղությամբ: Ամենաբարդ խնդիրը դրվել էր ինժեներական զորքերի առջև, որոնք քաղաքը գրոհող զորքերի համար պետք է պատրաստեին բազմաթիվ ճանապարհներ, կամուրջներ, ականափակոցներում և լարափակոցներում բացեին հորշուրավոր անցարաններ և այլն: Զորքերի բարոյական և մարտական ոգին բարձր պահելու ուղղությամբ կարևոր դեր կատարեցին քաղաշխատողները՝ 3-րդ Բելոռուսական ռազմաճակատի քաղվարչության պետ, հայազգի գեներալ-մայոր Սերգեյ Բոգդանի Կազբինցևի ղեկավարումով:

1945 թ. ապրիլի 6-ի վաղ առավոտյան, մշակված պլանի համաձայն, Բաղրամյանի զորքերը սկսեցին Քյոնիքսբերգի գրոհը: Սկզբում հրետանին ու ավիացիան ամրոց-քաղաքի վրա թափեցին հազարավոր տոննաներով սովերիչ արկեր ու ռումբեր: Այնուհետև ծանր տանկերի ու ինքնագնաց

հրետանային սարքավորումների աջակցությամբ հարձակման անցան դրոհային խմբերը: Գերմանացիները դիմադրում էին մոլեհանք համառությամբ: Բաղրամյանը զորքերի ղեկավարումն ավելի հստակ իրականացնելու նպատակով եղավ 43-րդ բանակի հրամանատար, գեներալ-գեդապետ Ա. Պ. Բեկոբորոգովի հրամանատարական դիտակետում, որը տեղավորված էր առաջին գծից 800—900 մետր հեռավորության վրա և, ամեն բույս վտանգի ենթարկելով կյանքը, մոտիկից ղեկավարեց քաղաքի արվարձաններում մղվող մարտը: Քաղաքի վրա գրոհը զարգանում էր հաջողությամբ: Հյուսիս-արևմտյան և հյուսիսային շրջաններից քաղաք էին ներխուժում 39-րդ, 43-րդ և 50-րդ բանակների միավորումները, հարավից մեծ թափով առաջ էր ընթանում փառապանծ 11-րդ գվարդիական բանակը: Ապրիլի 9-ին Քյոնիքսբերգի կայազորը գեներալ Լաշի գլխավորությամբ անձնատուր եղավ: Ռազմաճակատի շտաբում մարշալ Ա. Մ. Վասիլևսկու և բանակի գեներալ Հ. Ն. Բաղրամյանի մասնակցությամբ Օտտո Լաշի հարցաքննության ժամանակ վերջինս քաղաք-ամրոցի անկման պատճառների մասին ասաց. «Բերդի զինվորներն ու սպաներն առաջին երկու օրը դիմանում էին կայուն կերպով, բայց ուսաներն ուժերով զերազանցում էին մեզ և հաղթեցին: Նրանք կարողացան թաքուն կենտրոնացնել հրետանու և ինքնաթիռների այնպիսի քանակություն, որոնց հոծախումբ գործադրումը քարուքանդ արեց բերդի ամրությունները և բարոյալքեց զինվորներին ու սպաներին: Մենք լիովին կորցրինք զորքերի կառավարումը: Ջրամասերի շտաբների հետ կապվելու համար ամրություններից փողոց դուրս գալով, մենք, կորցնելով կողմնորոշումը, չգիտեինք ուր գնալ, այնքան որ քանդված ու այրվող քաղաքը փոխել էր իր տեսքը: Երբեք չէր կարելի ենթադրել, որ այնպիսի մի բերդ, ինչպիսին Քյոնիքսբերգն էր, այդքան շուտ կընկնի: Ռուսական հրամանատարությունն այդ օպերացիան լավ էր մշակել և հիանալի իրականացրեց: Քյոնիքսբերգի մոտ մենք կորցրեցինք ամբողջ 100-հազարանոց բանակը: Քյոնիքս-

բերգի կորուստը՝ դա խոշորագույն բերդի և Արևելքում գերմանական հենարանի կորուստ է»¹¹⁷։ Ինչպիսի ասում են, մեկնաբանություններն ավելորդ են։ Ընդամենը շորս օրվա հաղթական մարտերում ոչնչացվեց հակառակորդի 42000 զինվոր ու սպա, 120 ինքնաթիռ, 104 տանկ ու ինքնագնաց հրանոթ, 1196 հրանոթ, 588 ականանետ, 82 զրահատրանսպորտայոր, 1719 ավտոմեքենա, շուրջ 2000 գնդացի, ավերվեցին 143 դօտ ու բերդամաս, գերի վերցվեց 92000 մարդ, այս թվում՝ 1800 սպա ու գնեերալ, ավար գրավվեց 128 ինքնաթիռ, 1500 ականանետ, մարտական այլ տեխնիկա¹¹⁸։ Նույն օրը երեկոյան ժամը 24-ին Մոսկվան 324 հրանոթների 24 համազարկով ողջունեց քաղաք-ամրոցը գրավող զորքերին։ Գերագույն գլխավոր հրամանատարի ապրիլի 9-ի հրամանով շնորհակալություն հայտնվեց Քյոնիքսբերգը գրաված զորքերին։ ԽՍՀՄ Գերագույն խորհրդի նախագահության 1945 թ. հունիսի 9-ի հրամանագրով հիմնվեց «Քյոնիքսբերգի գրավման համար» մեդալ, որով պարգևատրվեց ավելի քան 750000 մարդ¹¹⁹։ Քաղաք-ամրոցը գրոհելիս առավել աչքի ընկած 98 զորամասերի շնորհվեց «Քյոնիքսբերգյան» անվանում։ Այդ զորամասերի թվում էր գնդապետ (այժմ գնեերալ-գնդապետ) Խաչիկ Մինասի Համբարյանի 995-րդ հրաձգային գունդը։

Քյոնիքսբերգի գրավման ժամանակ ռազմավարական խոշոր զորախմբավորման գործողությունները հմտորեն և արիաբար ղեկավարելու համար բանակի գնեերալ Հ. Խ. Բաղրամյանը ԽՍՀՄ Գերագույն խորհրդի նախագահության 1945 թ. ապրիլի 20-ի հրամանագրով երկրորդ անգամ պարգևատրվեց Սուվորովի 1-ին աստիճանի շքանշանով¹²⁰։ Նրա վաղեմի մարտական ընկեր, գնեերալ-մայոր Բագրատ Առուշանյանը՝ 11-րդ գվարդիական հրաձգային կորպուսի հրա-

¹¹⁷ А. М. Василевский. Дело всей жизни, с. 417—418.

¹¹⁸ Ի. Ք. Բաղրամյան, Այսպիսի մենք հասանք հաղթանակի, էջ 735։

¹¹⁹ Ордена и медали СССР, М., 1974, с. 171.

¹²⁰ «Правда», 1945, 20 апреля.

մանատարը, պարգևատրվեց Սուվորովի 2-րդ աստիճանի շքանշանով: Քյոնիքսբերգի գրավման ժամանակ կարևոր դեր խաղացած 43-րդ բանակի հրամանատարի տեղակալը գեներալ-մայոր Հայկ Մարտիրոսյանն էր, որն արժանացավ Կուտուզովի 2-րդ աստիճանի շքանշանին¹²¹:

Քյոնիքսբերգի գրոհի տրամաբանական շարունակությունը եղավ քաղաք-ամրոցից արևմուտք գտնվող Զեմլյանդյան թերակղզում ֆաշիստական զորքերի ջախջախման և թերակղզու Պիլլաու (Բալտիյսկ) խոշոր ռազմածովային բազայի գրավման նպատակով ապրիլի 13—25-ը անցկացված գործողությունը, որի վերջում Բաղրամյանը նշանակվել է 3-րդ Բելոռուսական ռազմաճակատի հրամանատար: Զեմլյանդական գործողության ընթացքում հակառակորդը կորցրեց 80000-ից ավելի զինվոր ու սպա: Ռազմաճակատի զորքերը վերցրին մեծ ռազմասուլար. 268 տանկ ու զրոհային հրանոթ, 239 զրահատրանսպորտային, 1185 դաշտային հրանոթ, 576 ականանետ, շուրջ 5000 գնդացիր, 107 ինքնաթիռ և 300-ից ավելի տարբեր վինապահեստներ: Հիտլերականները կորցրին իրենց վերջին ռազմածովային բազան՝ Պիլլաուն¹²²:

Պիլլաուի գրավումից հետո 3-րդ Բելոռուսական ռազմաճակատի հրամանատար, խորհրդային Միության հերոս, բանակի գեներալ Հ. Խ. Բաղրամյանի հիմնական խնդիրն էր նվազագույն կորուստներով, ամենասեղմ ժամկետում ավարտել հակառակորդի զեմլյանդական խմբավորման մնացորդների ջախջախումը՝ Ֆրիշես-ներունգ ցամաքալեզվակում և Վիսլայի գետաբերանում: Մայիսի 9-ին՝ Հաղթանակի օրը, հակառակորդի ավելի քան 30-հազարանոց զորախումբը 3 դեներալներին գլխավորությամբ անձնատուր եղավ: Վերջացավ Հայրենական մեծ պատերազմը, որին առաջին օրվանից մինչև վերջ՝ ուղիղ 1418 օր, ակտիվ մասնակցություն էր ունեցել Հ. Խ. Բաղրամյանը և իր արժանի ավանդը ներդրել ֆաշիզմի

121 Մ. Գ. Սահակյան, Սովետական Մերձբալթիկայի համար մղված մարտերում, էջ 157:

122 Ի. Փ. Բաղրամյան, Այսպիսի մենք հասանք հաղթանակի, էջ 756:

դեմ տարած հաղթանակի գործում: Այդ հաղթանակն ունեցավ համաշխարհային պատմական նշանակություն, որի շնորհիվ մարդկությունն ազատվեց ֆաշիստական ստրկացման վտանգից, համաշխարհային քաղաքականությունը փրկվեց կործանումից, իսկ աշխարհի շատ ժողովուրդներ ազգային-ազատագրական ղարթոնք ապրեցին, որի հետևանքով փլվեց համաշխարհային գաղութատիրական համակարգը: Եվրոպական երկրների մի շարք ժողովուրդներ ուղղակի փրկվեցին լիովին ոչնչանալուց (հրեաներ, լեհեր, բելուսսներ և այլն): Այդ հաղթանակի շնորհիվ, ինչպես արդեն նշեցինք, հայ ժողովուրդը ևս փրկվեց մի նոր եղեռնից, որը մտադրվել էր իրականացնել ֆաշիստական Գերմանիայի դաշնակից Թուրքիան, պատերազմի առաջին շրջանում խորհրդային Հայաստանի սահմանների մոտ կենտրոնացնելով մինչև ատամները ղինված 26 մարտունակ զինվորի: Սակայն հենց պատերազմի առաջին շրջանում Մոսկվայի, ասպա Ստալինգրադի մոտ տարած հաղթանակները հարկադրեցին Թուրքերին հրաժարվել իրենց ստոր մտադրությունից:

Մայիսի 9-ին ինչպես ամենուր, այնպես էլ մարշալ Բաղրամյանի գլխավորած 3-րդ Բելոռուսական ռազմաճակատի բոլոր բանակներում, տեղի ունեցան միտինգներ, որտեղ հաղթողներն իրենց անսահման բերկրանքն էին արտահայտում հաղթանակի առթիվ, որ վերջապես ավարտվեցին ժողովրդի տառապանքները և որ առջևում իրենց սպասում է խաղաղ աշխատանք ու հսկայական գործեր պատերազմի հասցրած վերքերը բուժելու համար:

Մայիսի 24-ին բանակի գեներալ Հ. Խ. Բաղրամյանը հրավիրվեց Մոսկվա, Կրեմլ, Գերագույն գլխավոր հրամանատարի մոտ՝ ռազմաճակատների բոլոր հրամանատարների հետ միասին մասնակցելու հատուկ խորհրդակցության և հանդիսավոր ճաշկերույթի: Իսկ ուղիղ մեկ ամիս անց նա Կարմիր հրապարակում տեղի ունեցած Հաղթանակի զորահանդեսի ժամանակ խրոխտ քայլերով առաջնորդում էր 1-ին Մերձբալթյան ռազմաճակատի համահավաք ղուևդը:

Հետպատերազմյան տարիներին բանակի գեներալ Հ. Խ. Բաղրամյանը շարունակեց ղինվորական ծառայությունը ԽՍՀՄ Զինված ուժերի շարքում և վարեց մի շարք պատասխանատու պաշտոններ: 1945—1954 թվականներին նա եղել է Մերձբալթյան ղինվորական օկրուգի հրամանատար: Ահա թե ինչպես է բնութագրել Բաղրամյանին օկրուգի հրամանատարի 1-ին տեղակալ, գեներալ-գնդապետ Լ. Մ. Սանդալովը. «Ես մեկ անգամ չէ, որ հղել եմ Իվան Քրիստափորովիչի մոտ: Ինձ զարմանք էր պատճառում նրա կարողությունը՝ օգտագործելու մարտական հարուստ փորձը օպերատիվ միջոցառումների անցկացման ժամանակ և գործերի ուսումնական նախապատրաստության ընթացքում: Ղեկավարման նրա հատուկ ոճը և բարձր հեղինակությունը նպաստեցին ստեղծելու օկրուգային բարձր կազմակերպված լավ վարչություն, որն ապահովեց օկրուգը դուրս բերելու առաջին տեղերից մեկը»¹²³, 1946 թ. փետրվարին Լատվիայի մայրաքաղաք Ռիգայի բնակչությունը Հ. Խ. Բաղրամյանին ընտրեց ԽՍՀՄ Գերագույն խորհրդի պատգամավոր: Մեկ տարի անց՝ 1947 թվականին օկրուգի հրամանատարը ընտրվեց նաև Լատվիական ԽՍՀ Գերագույն խորհրդի պատգամավոր, Լատվիայի Կոմկուսի կենտկոմի անդամ: 1954 թ. մայիսին բանակի գեներալ Հ. Խ. Բաղրամյանն առաջ քաշվեց ԽՍՀՄ պաշտպանության նախարարության ղլխավոր տեսուչ, իսկ մեկ տարի անց՝ պաշտպանության նախարարի ընդհանուր հարցերի գծով տեղակալ: 1955 թ. մարտի 11-ին ԽՍՀՄ Գերագույն խորհրդի նախագահության հրամանագրով բանակի գեներալ, Խորհրդային Միության հերոս Հ. Խ. Բաղրամյանին շնորհվեց Խորհրդային Միության մարշալի կոչում¹²⁴, 1956 թ. գարնանը Խորհրդային Միության մարշալ, Խորհրդային Միության հերոս, բանակի գեներալ Հ. Խ. Բաղրամյանը նշանակվում է Գլխավոր շտաբի ակադեմիայի

¹²³ Л. М. Сандалов. Путь полководца.—Воснно-исторический журнал, 1967, № 11, с. 46.

¹²⁴ «Правда», 1955, 11 марта.

պետ և այդ պաշտոնում աշխատում է շուրջ երկու տարի: Այստեղ նա սովորել էր 1936—1938 թվականներին, այնուհետև մինչև 1940 թվականը աշխատել որպես ավագ դասախոս: Ակադեմիայի պետի պատասխանատու պաշտոնում մարշալ Բաղրամյանը շատ բան արեց խորհրդային ռազմական գիտության կազմակերպման և այն գործնականում կիրառման գործում: Նա գլխավորում էր ակադեմիայի համալրումը, ուսումնական դասընթացի կազմակերպումը, կարգում բարձրորակ դասախոսություններ ռազմավարության և մարտավարության խնդիրների շուրջը, վերլուծում Հայրենական մեծ պատերազմի տարիներին խորհրդային բանակի մղած ճակատամարտերի փորձը, քննում էր ժամանակակից ռազմական գիտության զարգացումը: Հ. Ն. Բաղրամյանը ղեկավարում էր ակադեմիայի գիտական խորհրդի գործունեությունը, ընդունում ռազմական գիտությունների թեկնածուի կամ դոկտորի գիտական աստիճաններ ստանալու համար ներկայացված ատենախոսությունները, կազմակերպում դրանց պաշտպանությունները: Երկու տարվա արդյունավետ աշխատանքով ղինված ուժերի բարձրագույն ղինվորական կադրերի այդ դարբնոցը հասավ զգալի հաջողությունների¹²⁵,

Զրահատանկային զորքերի գլխավոր մարշալ, խորհրդային Միության հերոս, ռազմական գիտությունների դոկտոր, պրոֆեսոր Պ. Ա. Ռոտմիստրովը, որն այդ տարիներին գլխավոր շտաբի ակադեմիայում աշխատում էր որպես ամբիոնի վարիչ, գրել է. «Բարձրագույն ռազմական ակադեմիան վերակառուցելու և ղինված ուժերի ռազմագիտական իսկական կենտրոն դարձնելու համար նրա պետ է նշանակվում խորհրդային Միության մարշալ Ի. Ն. Բաղրամյանը: Երկու տարվա արդյունավետ աշխատանքով ղինված ուժերի բարձրագույն ղինվորական կադրերի այդ դարբնոցը հասավ նոր բարձրության: Նրա պատերի մեջ ինձ վիճակվեց նսրից

¹²⁵ Ս. Ն. Մնացականյան, Մարշալ Բաղրամյան, էջ 274:

աշխատել ի վան խրխտաֆորովիչի հետ ձեռք ձեռքի տված: Եվ ինձ նորից հիացրեց նրա կարողությունն ամեն մի նախա-
ձեռնություն մեջ մտցնել ստեղծագործական ոգի: Նրա ղե-
կավարությունն ներքո հաճելի էր աշխատել. նա երբեք չէր
կաշկանդում նախաձեռնությունը, ոչ ոքի չէր պարտադրում
իր կարծիքը և գերադասում էր համոզելը հարկադրելուց:
Նա սիրում էր կրկնել, թե գիտություն մեջ չի կարելի հրա-
մայել և այդ նկատառումով էլ ինքը երբեք իր հեղինակու-
թյան ծանր մահակով չէր հարձակվում ակադեմիայի գիտ-
նականների վրա, եթե նրանց կարծիքներն այս կամ այն
հարցերում հակասում էին իր սեփական կարծիքին: Գիտա-
կան վեճերի մեջ նա չէր ընդունում լռիսանական հեղինակու-
թյունը: Ինձ հաճախ վիճակվում էր ռազմագիտության տարր-
եր հարցերով բանավիճել ակադեմիայի պետի հետ, բայց
մեր վեճերը երբեք չէին փոխանցվում անձնական փոխ-
հարաբերությունների վրա, այլ, ընդհակառակը, փոխադարձ
հարգանքի համար պայմաններ էին ստեղծում: Հավասարա-
կըշռված փոխհարաբերությունները, անվրդով հանգստությու-
նը և բարի սրտադին ուշադրությունը դեպի բոլորը՝ սկսած
ակադեմիայի ամբիոնների ղեկավարներից և վերջացրած
շարքային տեխնիկական աշխատողներով, դեպի Բաղրամ-
յանը հանդես էին բերում խոր հարգանքի և անկեղծ սիրո
զգացումներ: Ահա թե ինչու 1958 թ. հունիսին, երբ կառա-
վարությունը Սովետական Միության մարշալ Բաղրամյանին
հանձնարարեց գլխավորել զինված ուժերի թիկունքը, ակա-
դեմիայի անձնակազմն անկեղծ ամսոսանքով բաժանվեց
նրանից»¹²⁶:

Խորհրդային Միության մարշալ, Խորհրդային Միության
հերոս Լ. Խ. Բաղրամյանը ԽՍՀՄ պաշտպանության նախա-
րարի տեղակալի, զինված ուժերի թիկունքի պետի պաշտոնում
աշխատեց շուրջ 10 տարի: Այդ ժամանակաընթացքում նա
թիկունքային ծառայությունը վերակառուցեց զինված ուժեր-

¹²⁶ П. А. Ротмистров. Путь полководца.—Тыл и снабжение Со-
ветских Вооруженных Сил, 1967, № 11, М., с. 21.

ում այդ տարիներին տեղի ունեցող արձատական փոփոխությունների համապատասխան, անճանաչելիորեն վերափոխեց այն: Թիկունքային ծառայությունն ստացավ պատերազմ մղելու ժամանակակից հայացքներին առավել համապատասխանող կառուցվածք և տեխնիկական հագեցվածությունը. որն ավելի բարձրացրեց զինված ուժերի մարտունակությունը, նպաստեց երկրի պաշտպանության ամրապնդմանը: Մարշալ Բաղրամյանի այդ ծառայությունները բարձր գնահատվեցին կառավարության կողմից և 1967 թ. դեկտեմբերի 2-ին՝ ծննդյան 70-ամյակի օրը նա պարգևատրվեց Լենինի շքանշանով¹²⁷:

1968 թ. ապրիլին մարշալ Բաղրամյանը նշանակվեց ԽՍՀՄ պաշտպանության նախարարության գլխավոր տեսուչներ խմբի գլխավոր տեսուչ: Այդ ժամանակ գլխավոր տեսուչների խմբում ծառայում էին այնպիսի ճանաչված գործավարներ, ինչպիսիք են՝ մարշալներ Գ. Կ. Ժուկովը, Լ. Մ. Վասիլևսկին, Կ. Կ. Ռոկոսսովսկին, Ի. Ս. Կոնևը և ուրիշներ: Նրանք սրտանց ընդունեցին Բաղրամյանի նշանակումն այդ պաշտոնում, և նորից վերսկսվեց մարտական հին բարեկամների համատեղ աշխատանքը: Այս պաշտոնում ևս Բաղրամյանը շատ բան արեց երկրի պաշտպանության ամրապնդման, հատկապես մատուց սերնդի ռազմահայրենասիրական դաստիարակության գործի կազմակերպման ուղղությամբ: Նրա նախաձեռնությամբ ամբողջ հրկրով մեկ կազմակերպվեցին «Զարնիցա» զինվորական-սպորտային խաղերը, որոնց մեջ ընդգրկվեցին 4—7-րդ դասարանների ավելի քան 16 միլիոն պատանիներ: Խաղերի հիմնական նպատակն էր այդ տարիքի երեխաներին ներգրավել զինվորական, սպորտային խաղերի մեջ, ծանոթացնել շարային կարգին, արշավներում կոմիտե նրանց ֆիզիկական դիմացկունությունը, դաստիարակել համառություն ուսման մեջ, լավ սովորելու կարողություն: Մարշալի նախաձեռնությամբ կազմակերպվեց նաև 8—10-րդ դասարանների աշակերտների «Օուլյոնոկ» շարժումը, որի հիմնա-

¹²⁷ «Правда», 1967, 2 декабря.

կան նպատակը այդ տարիքի երեխաների ռադիաֆոնի-
սիրական դաստիարակությունն էր, պարտադիր զինվորական
ծառայության մասին օրենքի կենսագործմանը նպաստելը:
Օրենքը նախատեսում էր, որ բանակ կանչվող զարակոչիկ-
ները նախօրոք դպրոցներում անցնեն շարային ծառայության
կանոնները, ունենան ֆիզիկական, տեխնիկական և քաղա-
րական նախնական պատրաստություն¹²⁸: Բաղրամյանը հան-
դես էր գալիս մամուլում, որտեղ հիմնավորում էր դպրոցա-
կանների ռադիաֆոնիսիրական դաստիարակության խըն-
դիրները, բանակի համար նախապատրաստված զորակոչիկ-
ների պատրաստման հարցերը: Ինքը անձամբ շատ բարձր
էր գնահատում հայրենիքի հանդիպ զինվորական ծառայու-
թյան սրբազան պարտքի կատարումը: Այդ կապակցությամբ
մարշալը «Семья и школа» հանդեսում գրել է. «Ինձ թվում
է, որ նա, ով չի անցնում բանակային ծառայության դպրոցը,
իր կենսագրության մեջ կունենա ոչ մի բանով չլրացվող բաց
տեղ: Զինվորական ծառայությունը զարգացնում է նա-
խաձեռնություն, շրջահայացություն հանդես բերելու ընդու-
նակություն, առաջադրված խնդիրները կատարելու համար
առավելագույն եռանդ, հնարամտություն և ուժեղ ձգտում»¹²⁹,
1973 թ. մարշալ Բաղրամյանը գլխավորեց խորհրդային ժո-
ղովրդի հեղափոխական, մարտական և աշխատանքային
փառքի ուսումնասիրման և երիտասարդական համամիու-
թենական արշավի կենտրոնական շտաբը: Շարժումն ընդ-
գրկեց երկրի տասնյակ միլիոնավոր պատանիների ու աղջիկ-
ների, որոնք արշավի դնացին հեղափոխական իրադարձու-
թյունների վայրերով, Հայրենական մեծ պատերազմի ճամ-
փաներով, որոնելով զոհված մարտիկների գերեզմանները,
դտնելով նրանց հարազատներին, նախաձեռնելով հուշարձան-
կոթողների կառուցումը, հոգատարությամբ շրջապատելով
վետերաններին¹³⁰:

¹²⁸ Ա. Ն. Մնացականյան, Մարշալ Բաղրամյան, էջ 281:

¹²⁹ «Семья и школа», М., 1975, 45 6, с. 10.

¹³⁰ «Комсомольская Правда», 1973, 6 июля.

Զխորանալով մատաղ սերնդի ռազմահայրենասիրական դաստիարակության բնագավառում մարշալ Բաղրամյանի կատարած բեղմնավոր աշխատանքի մեջ, որն առանձին գլխավոր ուսումնասիրության հարց է, միայն նշենք, որ զբոսայգիներում զորակոչիկների ֆիզիկական, ռազմական և տեխնիկական նախնական պատրաստության այն տարիների ավանդույթները պետք է վերականգնվեն Հայաստանի Հանրապետությունում, որովհետև դրանից մեծ չափով կշահի մեր նորաստեղծ հայկական բանակը:

ԽՍՀՄ Զինված ուժերին մատուցած ծառայությունների, Հայրենական մեծ պատերազմում գերմանաֆաշիստական դավթիչների դեմ մղված պայքարում ցուցաբերած արիության և հերոսության համար, ինչպես նաև ծննդյան 80-ամյակի առթիվ մարշալ Բաղրամյանը ԽՍՀՄ Գերագույն խորհրդի նախագահության 1977 թ. դեկտեմբերի 1-ի հրամանագրով արժանացավ Խորհրդային Միության կրկնակի հերոսի կոչման¹³¹:

Մինչև իր կյանքի վերջը Խորհրդային Միության մարշալ, Խորհրդային Միության կրկնակի հերոս Հ. Խ. Բաղրամյանը ծառայեց պաշտպանության նախարարության գլխավոր տեսուչների խմբում և իր արժանի ավանդը ներդրեց նրկրի պաշտպանության ամրապնդման գործում: Դրա հետ մեկտեղ իր կյանքի վերջին տարիներին նա ղգալի տեղ հատկացրեց նաև դիտական-գրական աշխատանքներին: 1960—1980-ական թվականներին՝ մեկը մյուսի հետևից հրատարակվեցին նրա «Հերոս քաղաքը Դնեպրի ափին» (1965 թ.), «Հիշարժան մարտերի օրերը» (1975 թ.), «Մեծ հաղթանակի ճանապարհին» (1975 թ.), «Այսպես է սկսվել պատերազմը» (1977 թ.), «Այսպես մենք հասանք հաղթանակի» (1977 թ.), «Իմ հիշողությունները» (1979) թ.), «Մեծ ժողովրդի զավակները» (1984 թ.) ստվարածավալ, արժեքավոր մենագրությունները, որտեղ հիմնականում լուսաբանվել է Հայրենական մեծ պա-

¹³¹ «Правда», 1977, 2 декабря.

տերազմի պատմությունը, իր կյանքի ուղին, խորհրդային ականավոր զորավարներ, մարշալներ Գ. Կ. Ժուկովի, Ա. Մ. Վասիլևսկու, Կ. Կ. Ռոկոսսովսկու, Բ. Մ. Շապոռնիկովի, Ս. Կ. Տիմոշենկոյի, Ի. Ս. Կոնևի, ինչպես նաև ռազմական ինժեներ, պատմաբան, գիտնական Դ. Մ. Կարբելշեի կյանքն ու զործունեությունը։ Նրա գրչին է պատկանում նաև «Մարտական փառք» (1981 թ.) աշխատությունը, որը նվիրված է Երիտասարդության ռազմահայրենասիրական դաստիարակությանը։

Բաղրամյանը եղել է «Սովետական Միության Հայրենական մեծ պատերազմը 1941—1945 թթ.» վեցհատորյակի խմբագրական խորհրդի անդամ, «Երկրորդ համաշխարհային պատերազմի պատմությունը 1939—1945 թթ.» 12-հատորյակի խորհրդատու։

Մարշալի խմբագրությամբ հրատարակվել են «Պատերազմների և ռազմական արվեստի պատմություն» (1970 թ.), «Ռազմական պատմություն» (1971 թ.), «Ռազմական արվեստը երկրորդ համաշխարհային պատերազմի տարիներին. ռազմավարություն և օպերատիվ արվեստ» (1973 թ.) կոնկրետիվ աշխատությունները, որոնք ղինվորական բարձրագույն ուսումնարաններում և ակադեմիաներում սովորողների համար անհրաժեշտ դասագրքեր եղան։ Բաղրամյանի գրչին են պատկանում նաև ռազմագիտական բնույթի բազմաթիվ ուշագրավ հոգվածներ, դրախոսականներ, գրքերի առաջաբաններ և այլն։ Նրա հուշագրությունները լայն մասսայականություն են վայելել ոչ միայն ամբողջ ԽՍՀՄ-ում, այլև նրա սահմաններից դուրս, թարգմանվել անգլիերեն, գերմաներեն, ֆրանսերեն, մի շարք այլ օտար լեզուներով։ Այդ աշխատություններն այսօր էլ պահպանել են իրենց արդիականությունն ու հրատապությունը։

Հետպատերազմյան տարիներին մարշալ Բաղրամյանը ղինվորական ծառայության հետ մեկտեղ կատարել է հասարակական-քաղաքական պատասխանատու աշխատանք։ 1952 թվականից եղել է ԽՄԿԿ Կենտկոմի անդամության թեկնածու, 1961-ից՝ Կենտկոմի անդամ, ընտրվել է ԽՍՀՄ Գերագույն

խորհրդի 2—9-րդ գումարման, Լատվիական և Հայկական
ԽՍՀ Գերագույն խորհուրդների պատգամավոր:

Հայրենիքը բարձր է գնահատել Բաղրամյանի 67-ամյա
անընդմեջ զինվորական անբասիր ծառայությունը, նրա զոր-
ավարական տաղանդն ու քաջությունը, երկրի պաշտպա-
նունակության գործում ներդրած ավանդը: Բացի Հերոսի
Ոսկե աստղ երկու մեդալներից, Բաղրամյանը պարգևատրվել
է Լենինի 7, Հոկտեմբերյան հեղափոխության 1, Կարմիր
դրոշի 3, Սովետական 1-ին աստիճանի 2, Կուսուղովի 1-ին
աստիճանի 1, «Հայրենիքի և ԽՍՀՄ Զինված ուժերի ծառայու-
թյան համար» 3-րդ աստիճանի 1 շքանշաններով, բազմա-
թիվ մեդալներով, պատվավոր անձնական զենքով: Նրա
կուրծքը զարդարում էին նաև օտարերկրյա բազմաթիվ շքա-
նշաններ ու մեդալներ:

Սակայն Բաղրամյանի ամենամեծ պարգևները նրա
մարդկային արժանիքներն էին, որոնց մասին միշտ ակնա-
ծանքով էին խոսում նրա զինակիցները, հարազատները և
ընդհանրապես բոլոր ճանաչողները: Զորավարի նրա անզու-
գական տաղանդը ռազմական իմացության մասշտաբայնու-
թյունը և բազմակողմանիությունը, հսկայական մարտական
փորձը և անձնական հմայքը միշտ էլ բարձր են գնահատվել:
Նրա ենթականերից որևէ մեկը չէր հիշում անգամ մի որևէ
դեպք, երբ զորավարը բարձրացներ ձայնը մեկն ու մեկի
վրա, թույլ տար իրեն բարկանալ: «Իման Քրիստափորովիչը
ուժեղ կամքի տեր մարդ էր,— հիշում է 1-ին Մերձբայթյան
ռազմաճակատի և զեմլյանդական օպերատիվ խմբավոր-
ման նախկին շտաբի պետ, բանակի դեներալ Վ. Վ. Կուրասո-
վը,— նա որոշումներն ընդունում էր առանց տատանումների
և նույնիսկ ամենածանր ժամանակ երբեք չէր բղավում, չէր
սպառնում, մինչև անգամ ձայնը չէր բարձրացնում: Բայց ենթա-
կաններից յուրաքանչյուրը նրա կամքն ու հրամանները կատա-
րում էր անառակելիորեն: Այդ ամենից բացի, նա հոգի մարդ
էր, նրա հետ աշխատելը հեշտ էր»¹³²: «Իր քնավորության գծե-

¹³² Մ. Մեծաևով, Զինվոր, գեներալ, մարշալ, էջ 122:

րով Իվան Խրիստափորովիչը ղարմանալիորեն մեղմ, սրտագին և բարի կամեցող հմայիչ մարդ է», - լրացնում է Գլխավոր շտաբի պետ (1962—1968 թթ.), բանակի գեներալ Ս. Մ. Շտեմենկոն¹³³։ Շտեմենկոյի ասածները հաստատում է գեներալ-գնդապետ Լ. Մ. Սանդակովը՝ մարշալի 70-ամյակին գրած իր հոգվածում. «Ես չեմ կարող չնշել Իվան Խրիստափորովիչի անձնական մեծ հմայքի մասին։ Բոլորը, ովքեր հանդիպել են նրա հետ, միաբան են իրենց տված գնահատականում։ Նրան հարդում են որպես տաղանդավոր զորավարի, կարեկից ընկերոջ, գնահատում նրա մեջ լավ ընտանիքասիրությունը... Իվան Քրիստափորովիչը սիրում է երկխոսներին...»¹³⁴։ Գեներալ-գնդապետ Ի. Մ. Զիստյակովը, որի 6-րդ դվարդիական բանակը պատերազմի տարիներին 1-ին Մերձբալթյան ռազմաճակատի կազմում մասնակցել է Բելուսուսիայի և Մերձբալթիկայի ազատագրման մարտերին, հիացմունք է հայտնել Հ. Խ. Բաղրամյանի մարդկային բարձր կուլտուրայի և մեծ նրբազգացության մասին. «Ռազմական խորհրդի նիստերի ժամանակ, - գրում է նա, - Իվան Խրիստափորովիչը զեկուցողներին երբեք չէր ընհատում, լսում էր մինչև վերջ, նույնիսկ այն դեպքում, երբ ինքը համաձայն չէր զեկուցողի հետ։ Միայն վերջում ավելացնում էր. «Այ, եթե այնպես արվի, ավելի լավ չի՞ լինի»։ Նա իր կիրթ վերաբերմունքով հմայում էր բոլորին»¹³⁵։

Բաղրամյանի մասին իր հեղինակավոր կարծիքն է արտահայտել նաև Խորհրդային Միության մարշալ, կրկնակի հերոս Ա. Մ. Վասիլևսկին, որի հետ միասին հայ ժողովրդի պանծալի զավակը սովորել էր Գլխավոր շտաբի ակադեմիայում, մասնակցել Հայրենական մեծ պատերազմի հաղթա-

¹³³ С. М. Штеменко. Талант полководца.—Известия, 1972, 2 декабря.

¹³⁴ Л. М. Сандалов. Путь полководца.—Воснно-исторический журнал, 1967, № 11, с. 47.

¹³⁵ ՀՄՊՊԿԱ, ֆ. Մարշալ Բաղրամյան, գ. 4, թ. 3։

կան շրջանի մարտերին, հետպատերազմյան տարիներին ծառայել ինչպես նրա ենթակայության տակ, այնպես էլ նրա հետ միասին¹³⁶։ Վասիլևսկին Բաղրամյանի մասին խոսել է ինչպես իր «Կյանքի ամբողջ գործը (Մ., 1978, 1984) գրքում, որից արդեն մեջբերումներ ենք կատարել, այնպես էլ մարտական ընկերոջ 80-ամյակի առթիվ գրած հոդվածում. «Հայրենական մեծ պատերազմի տարիներին խոշոր հարձակողական գործողությունների պլանավորումը, կազմակերպումը և իրագործումը բացառիկ գործ էր, այնուամենայնիվ իվան Նիստաֆորովիչը, շնորհիվ բարձր ռազմական պատրաստության, հսկայական գործնական փորձի և զորքերին ցանկացած մարտական հանգամանքներում ղեկավարելու հմտության, արագորեն գտնում էր ամենից նպատակահարմար որոշումներ։ Իր զորավարական գործունեության ընթացքում Ի. Ն. Բաղրամյանը միշտ եղել է օբյեկտիվ։ Նա շատ լավ գիտեր իր զորքերի հնարավորությունները։ Օպերատիվ-ռազմավարական լայն մտահորիզոնը նրան հնարավորություն էր տալիս խորը և ճիշտ վերլուծել ռազմաճակատում տիրող իրադրությունը, տեսնել հակառակորդի ուժեղ և թույլ կողմերը և, ելնելով զրանից, անել ստույգ հզրակացություններ։ Ընդունելով այս կամ այն օպերատիվ-ռազմավարական որոշումները՝ իվան Նիստաֆորովիչը միշտ ձգտում էր կանխատեսել իրադարձությունների զարգացումը՝ գործողության նախապատրաստության ընթացքում և մշակել բոլոր հնարավոր տարբերակները, որոնք անհրաժեշտ էին լինելու գործողությունն իրագործելու համար։ Իր օգնականներից ու ենթականերից նա պահանջում էր մարտական իրավիճակի հանգամանորեն ու օբյեկտիվ վերլուծություն՝ հակառակորդի վերաբերյալ հավաքած ու մի քանի անգամ ստուգ-

¹³⁶ Ա. Մ. Վասիլևսկին 1946—1949 թթ. եղել է Գլխավոր շտաբի պետ, 1949—1953 թթ.՝ ԽՍՀՄ Զինված ուժերի նախարար, 1953—1957-ին՝ ԽՍՀՄ պաշտպանության նախարարի 1-ին տեղակալ, 1959-ից մինչև իր կյանքի վերջը՝ 1977 թվականը ծառայել է պաշտպանության նախարարության գլխավոր տեսուչների խմբում։

ված հավաստի փաստերի հիման վրա: Հանդիպելով իր հնթականների հետ, լսելով նրանց կարծիքները, Բաղրամյանն իր պրակտիկ գործունեության ժամանակ հաշվի էր առնում բոլոր օգտակար խորհուրդները: Գործողությունների պլանների մշակման և նրանց անցկացման ընթացքում Բաղրամյանը հաճախակի անում էր համարձակ, հիմնավորված առաջարկություններ՝ իր բանակի կամ ռազմաճակատի զորքերի առջև դրված առաջադրանքներում շտկումներ, իսկ հարկ եղած դեպքում նաև, փոփոխություններ կատարելու նպատակով, եթե դրանք ապահովելու էին առաջադրանքի կատարման հաջողությունը: Եվ պետք է ասել, որ Գերագույն զլխավոր հրամանատարության Զորակայանում և Գլխավոր շտաբում, որպես կանոն, հաշվի էին առնում դրանք և բարձր գնահատում Բաղրամյան ղորավարի փորձն ու տաղանդը»¹³⁷,

Զորավարի բարոյաքաղաքական, հրամանատարական և մարդկային հատկությունների վերաբերյալ բնորոշ տեղեկություններ են բերված պատերազմի տարիներին «Правда» թերթի թղթակից Մարտին Մերժանովի «Զինվոր, գեներալ, մարշալ» գրքում: Հայադգի լրագրողը պատերազմից հետո այդ թեմայով հարցազրույց է ունեցել 1-ին Մերժարկյան ռազմաճակատի և Զեմլյանդյան ղորախմբի նախկին շտաբի պետ, բանակի գեներալ Վ. Վ. Կուրասովի հետ և իր գրքում բառացի տվել ղրա բովանդակությունը. «Դուք հաճախ հիշատակում եք Իվան Խրիստաֆորովիչի բարոյաքաղաքական ու հրամանատարական հատկությունները: Դուք չէի՞ք կարող դրանց մասին ասել ավելի մանրամասն կամ «բաց անել այդ սահմանը», - հարցրել է թղթակիցը: «Կարող եմ, իհարկե, - պատասխանել է Վլադիմիր Վասիլևիչը և հենց իսկույն սկսել իր պատմությունը. - Ամենից առաջ ղրա մեջ

¹³⁷ А. М. Василевский. Маршал Советского Союза И. Х. Баграмян (к 80-летию со дня рождения).—Военно исторический журнал, 1977, № 12, с. 113—114; Հանդեսի վերջին համարի լույս տեսնելուց մի քանի օր առաջ, 1977 թ. դեկտեմբերի 5-ին, կարվեց Մարշալ Վասիլևսկու կյանքի թելը:

է մտնում արիութեան հասկացութիւնը: Ես նկատի ունեմ, ինչպես դուք հասկանում եք, ոչ թե զինվոր կամ սպայի սովորական անձնական համարձակութիւնը, որն ի վան հրիստաֆորովիչը փոխ առնելու կարիք չունի, այլ այդ խոսքի տակ ես հասկանում եմ որոշ շափով էլ ավելին, այսինքն՝ հնթակա զորքերի մարտական գործողութիւնների համար պատասխան տալու ընդունակութիւնը, օպերացիայի բախտը որոշող համարձակ որոշումներ ընդունելու կարողութիւնը: Հավատացնում եմ ձեզ, եթե մարտերի ընթացքում զորահրամանատարն արիութիւն չի ցուցաբերում, օպերացիան կարող է տապալվել:

Երկրորդ, վճռականութիւնը: Ի վան հրիստաֆորովիչի մոտ ես երբեք տատանումներ չեմ տեսել: Նա վստահ էր ղեպի իր պլանները, զրկած խնդիրները և սպասում էր զրանց հաջող լուծումներին: Մի փոքր մտածելով, վլադիմիր վասիլևիչը շարունակեց. Ինձ վիճակվել է աշխատել նաև ուրիշ հրամանատարների հետ, որոնք երբեմն փոխում էին իրենց իսկ ընդունած և արդեն կենսագործվել սկսած հրամանները, ուղղում էին զրանք, նոր խնդիրներ էին դնում: Դա լինում էր ի վնաս գործի:

Եվ երրորդ, նախաձեռնութիւնը: Այդ բանն անմիջականորեն կապված է ի վան հրիստաֆորովիչի զորավարական ստեղծագործութեան հետ: Զսպասելով ոչ մի հրամանի և ցուցումների, անհրաժեշտութեան դեպքում, փոփոխվող իրադրութեան հետ կապված, նա նոր որոշումներ էր ընդունում, որոնց մասին հետո զեկուցում Ձորակայանին: Քանի որ այդ որոշումները միշտ լինում էին հիմնավորված, Ձորակայանը զրանք սնփոփոխ կերպով հաստատում էր:

Արիութիւնը, վճռականութիւնը, նախաձեռնութիւնը հիմնվում էր գերազանց ռազմատեսական պատրաստութեան վրա: Նույնիսկ ռազմաճակատում ի վան հրիստաֆորովիչը շարունակում էր հետաքրքրութիւն ցուցաբերել ղեպի գիտելիքները: Նա օգտագործում էր յուրաքանչյուր ազատ բոլակն: Մասնավորապես նա շատ ուշագիւր ուսումնասիրում էր մյուս ռազմաճակատների գործողութիւնների փորձը:

Եվ էլի Բաղրամյանի մարդկայնության մասին: Իվան Խրիստաֆորովիչը մշտապես մտահոգվում էր մարտերում աչքի ընկած ռազմիկներին ժամանակին պարգևատրելով: Անողորք էր, եթե լիում էին հապաղումներ: Միշտ անձամբ մեկնում էր հոսպիտալներ, որտեղ վիրավորներին պարգևներ էր հանձնում: Կատա՞ր բան է, ինքը՝ ռազմաճակատի հրամանատարն է շքանշան կամ մեդալ հանձնում: Ասում էին, թե դրանից վիրավորներն ավելի արագ էին ապաքինվում...»¹³⁸:

1974 թ. փետրվարին Մարշալ Բաղրամյանը մի խումբ գեներալների հետ մեկնեց Փարիզ, որտեղ հեռուստատեսությամբ հանդես եկավ՝ բանավիճելով գերմանական որոշ ռազմական պատմաբանների հետ, որոնք փորձում էին նսեմացնել Կուրսկի ճակատամարտում տարած հաղթանակի պատմական նշանակությունը՝ այն համարելով պատերազմը աննշան մի դրվագ: Մարշալ Բաղրամյանը հավաստի փաստերով հիմնովին հերքում է այդ վայ պատմաբանների կեղծիքը, մերկացնում նրանց բազմաթիվ փաստերով ու փաստաթղթերով, այդ թվում վերմախտի և հենց Հիտլերի հրամաններով¹³⁹: Փարիզում եղած ժամանակ մարշալը, չնայած դորժով ծանրաբեռնված լինելուն, այնուամենայնիվ ժամանակ է գտնում այցելու Պեր-Լաշեզի գերեզմանատուն և ծաղկեպսակ դնելու իր հրամանատարի, զորավար Անդրանիկի հուշարձանին հետևյալ մականգրությամբ. «Հավերժ հիշատակ Հայաստանի լեգենդար հերոս Անդրանիկին, որի զինվորը լինելու բախտն եմ ունեցել Հայրենիքի համար ծանրագույն 1918 թվականին: Հ. Բաղրամյան»: Այնուհետև մարշալը, զինվորական ղգաստ կեցվածքով պատիվ առած, մեկ րոպե լուռությամբ հարդել է իր հրամանատարի հիշատակը¹⁴⁰: Սա նույնպես մեծ զորավարի մարդկային արժանիքների գրեզորման լավագույն ապացույցներից է:

¹³⁸ Մ. Մերժանով, Զինվոր, գեներալ, մարշալ, էջ 124—126:

¹³⁹ Մ. Մերժանով, Զինվոր, գեներալ, մարշալ, էջ 162:

¹⁴⁰ Գևորգ Ղաբիբջանյան, Հովհաննես Բաղրամյանը Անդրանիկի մասին, «Հայաստանի Հանրապետություն», 1997, 24 հուլիսի էջ 3:

Խոսելով Բաղրամյանի մարդկային հրաշալի հատկանիշների մասին, նրա հայրենակից՝ զրահատանկային զորքերի գլխավոր մարշալ Համադասպ Խաչատուրի Բաբաջանյանը նշել է. «Խիվան Խրիստաֆորովիչը մեծ հեղինակություն էր վայելում գեներալների և մարշալների մոտ: Նա մարդկանց հանդեպ բարյացակամ էր, նրբազգաց և ուշադիր: Աշխատասեր էր, համարձակ, բարեսիրտ ու համեստ: Այդ ամենը մեզ սովորեցրել էին մեր ծնողները դեռ վաղ մանկության հասակից»¹⁴¹: Որ այդ հատկանիշները երկու մարշալներն էլ ժառանգել էին մանկուց, հաստատում է նաև Բաղրամյանը: Հիշելով ծննդավայր Չարդախլու գյուղում անցկացրած մանկության օրերը նա գրում է. «Չարդախլուում եղած ժամանակ ես մեծ հետաքրքրությամբ յուրացրեցի ու սերտեցի ժողովրդական այնպիսի սովորույթներ ու ավանդույթներ, որոնց ազդեցության տակ իմ և իմ հասակակիցների մոտ ձևավորվեցին արիության և քաջության, արդարության և վեհանձնության, հավատարմության ու նվիրվածության վերաբերյալ գաղափարները: Պետք է նշել, որ մեր գյուղի բնակիչները միշտ բարձր են գնահատել մարդկային այդ վեհանձն հատկությունները, և դա շատ կարևոր դեր խաղաց երիտասարդության դաստիարակության գործում»¹⁴²: Տեղին է նշել, որ Հայրենական մեծ պատերազմի տարիներին երկու մարշալների գյուղից ռազմաճակատ մեկնեցին 1200 երիտասարդներ, որոնցից 320-ը զոհվեցին մարտերում: Գյուղը հայրենիքին երկու մարշալներից բացի տվեց երկու գեներալ, մեկ ծովակալ, երեք գնդապետ, 160-ից ավելի տարբեր կոչումների սպաներ¹⁴³:

Հետպատերազմյան տարիներին մարշալ Բաղրամյանը մշտապես կապված է եղել հայ ժողովրդի և հայ իրականու-

¹⁴¹ Ալբերտ Գապարյան, Մարշալ Բաղրամյան (լուսնկարների ալբոմ), Ե., 1987, էջ 275:

¹⁴² И. Х. Баграмян. Мои воспоминания, с. 8.

¹⁴³ Б. А. Саркисов. Не звани, не звани колокол, Ереван, 1988, с. 3.

թյան հետ: Սկսած 1946 թվականից՝ նա բազմիցս եղել է Հայաստանում ինչպես ծառայության բերումով, այնպես էլ որպես հորելյանական միջոցառումների թանկագին հյուր, քանի որ ինչպես մարշալն էր սիրում կրկնել՝ «Ծառը իր արմատներով է կապված մայր հողին, մարդը՝ իր նախնիներով»¹⁴⁴: Մարշալ Բաղրամյանը մասնավորապես մասնակցել է Արևելյան Հայաստանի՝ Ռուսաստանի հետ միաձուլում և Երևանի 2750-ամյակների տոնակատարություններին: Նա շրջագայել է համարյա ողջ Հայաստանում, այցելել իր պապի հայրենի Կոթի գյուղը (Տավուշի մարզ), Շիրակ, Լոռի, Սևան, Արարատյան դաշտայնայր, Վայք, Սյունիք, Արցախ և այլուր, հանդիպումներ ունեցել բնակչության լայն խավերի հետ*: Հիշատակության է արժանի նրա շրջագայություններից մեկի ժամանակ մի հետաքրքիր փաստ: 1976 թ. աշնանը մարշալը ուղևորություն էր կատարում Իջևանի շրջանում, Ակնաղբյուր գյուղում նրան ցույց տվեցին 1500-ամյա մի կաղնի, որն ռուսապետական հսկայի նման արդեն թերթիկ էր: Ըստ ավանդության, այդ հսկա կաղնին ժամանակին տնկել էր սպարապետ Վարդան Մամիկոնյանը՝ թշնամու դեմ տարած մի հաղթանակից հետո: Մարշալ Բաղրամյանը կաղնու մոտ սեփական ձեռքով տնկեց մի մատղաշ կաղնի, ջրեց այն ու երկարակենցոտություն բարեմաղթեց¹⁴⁵: Պատմական այդ հուշիչ պահը մեծ խորհուրդ ունեւր իր մեջ: Մեկ այլ դեպք, որը

¹⁴⁴ Բենիկ Սեյրանյան, Մարշալի վերջին իղծը, «Սովետական Հայաստան» հանդես, 1988, թիվ 11, էջ 6—8:

* Էջմիածնում հանդիպել է Ամենայն հայոց կաթողիկոս Վազգեն Առաքինի հետ, Բյուրականում եղել աշխարհահռչակ Վիկտոր Համբարձումյանի հյուրը, Սարգսյանապատի հուշահամալիրում գլուխ խոնարհել պատմական ճակատամարտի հաղթական արև, այցելել Մատենադարան և հիացել այնտեղ խնամքով պահվող մագաղաճյա հին ձկնաղբերով, ծաղկեպտիկների դրել Մեծ եղևոնի և Անհայտ զինվորի հուշարձաններին, Երևանի պետական համալսարանում անմոռանալի հանդիպում ունեցել ուսանողության և դասախոսական կազմի հետ և այլն:

¹⁴⁵ Կիմ Վալաշյան, Տասնչորս օր մարշալ Բաղրամյանի հետ, Ե., 1978, էջ 58—59:

տնդի է ունեցել 1964 թ. աշնանը Սևանում պաշտոնական գործով շրջագայելիս: Բաղրամյանն այդ ժամանակ ԽՍՀՄ գինված ուժերի պաշտպանության նախարարի տեղակալն էր և թիկունքի դորքերի պետը: Մեկշաբաթյա ուղևորության ժամանակ նրան ուղեկցում և բացաարություններ էր տալիս շրջկոմի աշխատակից, այժմ հնագետ, պատմական գիտությունների դոկտոր Վարչամ Ավետյանը: Վերջինիս նրան ուղեկցեց ձճաշեն և ծանոթացրեց այնտեղ կատարվող հնագիտական պեղումներին. մարշալը գրասենյակից արտակարգ հետաքրքրություն: Այդ մասին հնագետը գրել է հուշեր և սիրով մեզ հանձնել՝ սույն աշխատության մեջ օգտագործելու համար: «Ես կարելույն չափ պատմեցի,— գրում է հնագետ պատմաբանը,— որ հատկապես ձճաշենում բացվել են հին դամբարանների և բնակատեղեր, որոնք վերաբերում են մ. թ. ա. 3-րդ—1-ին հազարամյակներին, և որոնցից հայտնաբերվում են արտակարգ հարուստ և ուշագրավ նյութեր: Հատկապես նշեցի, որ գտնվում են զենքի շատ տեսակներ՝ նետաղեղներ, նիզակներ, տեղեր, դաշույններ, սրեր, մարտական կացիներ, վահաններ, մարտականքեր, երկանիվ ու քառանիվ փայտե սայլեր: Նա կլանված լսում էր: Երբ մարտականքի անունը լսեց, ընդհատեց ինձ ու հարցրեց.

— Դրանք նմանություն ունեն հռոմեական լեգեոններին օգտագործած կառքերին:

— Այո, նման են, բայց ավելի հին են:

— Դիտես, որդի՛ս, այդ մարտականքերը ժամանակին տանկի դեր են կատարել: Իսկ դրանց ստեղծողներն ուղեք՞ր են:

— Փաստերը ցույց են տալիս, որ դրանք հայերի նախնիներն են,— շատ վստահ պատասխանեցի ես:

— Նշանակում է, մեր նախնիները պաշտպանական մարտեր վարելուց զատ նաև հարձակողական մարտեր են վարել,— նկատեց մարշալը,— շատ հետաքրքիր բան ասացիր: Դե ուրեմն հայերի մարտավարական հմտությունները գալիս են վաղ հնագրից: Այ թե Հայաստանը ծով ունենար, ծովակալներ ունի, բոլոր բնագավառներում կփայլեր: Դրա համար եմ

ասում հայերի ռազմական ունակութունները պետք է զորացնել: Ուժեղը ծով էլ կունենա...

Բարեբախտաբար Լճաշենի արշավախմբի պետ Հարություն Մնացականյանը տեղում էր, պեղումներ էր կատարում: Նա ոգևորված մարշալի այցելութունից, ավելի շատ տեղեկություն տվեց համաշխարհային ճանաչման արժանացած այդ հուշարձանի մասին: Մնացականյանն այնքան ոգևորվեց, որ վերջում մարշալին նվիրեց հազարամյակների հնության մի բրոնզե դաշույն:

Մարշալն, անշուի զգացված լինելով, դաշույնը բարձրացնելով գլխից վեր, արտասանեց հետևյալ խորիմաստ միտքը. «Հայերը սրանով պետք է գոյատևեն...»¹⁴⁵:

Մոսկվայում, Հայաստանում և նրա սահմաններից դուրս Բաղրամյանը բարեկամական սերտ կապեր էր հաստատել գիտություն, արվեստի, մշակույթի և այլ բնագավառների հայ զործիշների հետ: Հատկապես նա մտերիմ էր անվանի գեղանկարիչ Մարտիրոս Սարյանի հետ, որը սերունդներին է թողել մեծ զորավարի հայտնի դիմանկարը, բացի այդ նրա մասին գրել հետևյալ տողերը. «Մեր խաղաղասեր և աշխատասեր ժողովուրդը իր պատմության ճանապարհին ունեցել է զավակներ, որոնք բարձրացրել են իրենց թուրը, երբ կարիք է եղել պաշտպանելու իրենց օջախը, երեխաներին, մայրերին, հայրերին, երբեք չունենալով հարձակողական կամ նվաճողական ձգտում: Մեր ժողովուրդը ունեցել է հերոսներ՝ ինչպես Վարդան Մամիկոնյանը և ուրիշներ, որոնք իրենց կյանքն են զոհել հայրենիքի պոչության համար: Մեր ժողովուրդը տվել է մեծ թվով զորավարներ, որոնց պայծառ ժառանգներից է մարշալ Բաղրամյանը, որին սիրում է ժողովուրդը, նրա մեջ տեսնելով իր կյանքի ու պատվի պաշտպանին»¹⁴⁷:

Մարշալին բարձր գնահատական է տվել նաև Հայաստանի գիտությունների ակադեմիայի պրեզիդենտ, Սոցիալիս

¹⁴⁶ Վարշավ Ավետյան, Մարշալը Սևանում (ձևապիր), էջ 5—7:

¹⁴⁷ ՀՀ ՆՊՊԿԱ, ֆ. 404, ց. 1, դ. 496, թ. 1:

տական աշխատանքի կրկնակի հերոս, Հայաստանի ազգային հերոս, ակադեմիկոս Վիկտոր Համբարձումյանը: Բաղրամյանին ուղղված 1978 թ. հոկտեմբերի 24-ի թվակիր նամակում աշխարհահռչակ գիտնականը նշել է. «Ես հաճախ եմ խորհում Ձեր մասին, կապված այն մեծ ավանդի հետ, որ հայ ժողովուրդը ներ է դրել Հայրենական մեծ պատերազմում տարած հաղթանակի գործում: Կրկին և կրկին հիանում եմ Ձեր սիրանքով և ցանկանում, որ որքան կարելի է ավելի շատ երիտասարդներ Ձեզանից օրինակ վերցնեն»¹⁴⁸:

Մարշալի հետ ընկերություն էին անում պետական ակադեմիայի գործիչ Անաստաս Միկոյանը, նրա եղբայր, «ՄԻԳ» կործանիչ ինքնաթիռների գլխավոր կոնստրուկտոր, գեներալ-գնդապետ, Սոցիալիստական աշխատանքի կրկնակի հերոս Արտեմ Միկոյանը, Խորհրդային Միության նավատորմի ծովակալ, Խորհրդային Միության հերոս Հովհաննես Իսակովը, Զրահատանկային զորքերի գլխավոր մարշալ Համազասպ Բաբաջանյանը, հայտնի դիվանագետ Համազասպ Հարությունյանը, կոմպոզիտորներ Արամ Խաչատրյանը, Առնո Բաբաջանյանը, Ալեքսեյ Հեքիմյանը, անդուգական ասմունքող Սուրեն Քոչարյանը, նկարիչ Դիմիտրի Նալբանդյանը, ԽՍՀՄ ժողովրդական գերասան, Մեծ թատրոնի գլխավոր դիրիժոր Ալեքսանդր Մելիք-Փաշաևը, երգիչ Պավել Լիսիցյանը, գրողներ Մարիետա Շահինյանը, Սիլվա Կապուտիկյանը, Գեորգ Էմինը և շատ ուրիշներ: Մարշալը իր հաղվադեպ ազատ ժամերին սիրում էր շախմատ կամ նարդի խաղալ Միկոյան եղբայրների, Համազասպ Բաբաջանյանի, ժողովրդական նկարիչ Նիկողայոս Նիկողոսյանի հետ, հիանում էր Տիգրան Պետրոսյանի հաջողություններով: Նա շատ էր սիրում նաև Ֆուտբոլը, «ցավում էր» Մոսկվայի «Սպարտակի» և «Արարատի» համար: Երբ իր սիրած թիմերն էին խաղում, Համազասպ Բաբաջանյանի հետ գնում էր մարդադաշտ:

Խաղաղ տարիների կյանքը մարշալ Բաղրամյանին կրկին վերադարձրեց ղեպի արվեստ, որի նկատմամբ նրա առաջին

¹⁴⁸ Նույն տեղում, գ. 536, թ. 2:

սերը դրսևորվել էր գեռես 1924—1925 թվականներին, երբ սովորում էր Լենինգրադում՝ բարձրագույն հեծելազորային դպրոցում: Հատկապես նա մեծ սեր ուներ գեղանկարչության հանդես: Նրա վրա անջնջելի տպավորություն էին թողել անվանի ծովանկարիչ Հովհաննես Այվազովսկուն՝ Լենինգրադի Ռուսական թանգարանում պահվող գլուխգործոցները, էրմիտաժում ցուցադրվող Ռաֆայելի, Ռուբենսի, Վան Գոգի, Գոյայի կտավները, Միքելանջելոյի և Ռոդենի հույակերտ քանդակները, Մոսկվայի Տրետյակովյան պատկերասրահում պահվող Ռեպինի, Լևիտանի, Կրամսկոյի, Կուինջիի ստեղծագործունեությունները, Սարյանի գունագեղ բնանկարները, Նալբանդյանի նշանավոր դիմանկարները, Կուկրինիկսների ծաղրանկարները և այլն: Գուցե՞ դա էր պատճառը, որ մարշալի որդին՝ Մովսես Բաղրամյանը, դարձավ Մոսկվայի ճանաչված գեղանկարիչներից մեկը:

Մեծ զորավարին մոտիկից ճանաչողները վկայում են, որ նա նաև լրջախոհ թատերասեր էր և բաց չէր թողնում ոչ մի նոր ներկայացում Մոսկվայի գեղարվեստական տիպոգրաֆիկան և Փոքր թատրոններում, մեծ բավականություն էր ստանում Մեծ թատրոնի օպերային ու բալետային ներկայացումներից:

Ահա թե ինչպես է բնութագրել թատերասեր Բաղրամյանին ԽՍՀՄ ժողովրդական դերասան, ԽՍՀՄ և ՀԽՍՀ պետական մրցանակների դափնեկիր, անվանի ռեժիսոր Հրաչյա Ղափլանյանը. «Ինձ իվան Խրիստափորովիչի հետ մտերմացրել է թատրոնը: Դեռ շատ տարիներ առաջ Մոսկվայում, Լենինյան կոմերիտմիության անվան թատրոնում ես բեմադրեցի իմ առաջին ներկայացումը: Պրեմիերային մասնակցեց ինձ համար լեգենդար մարշալ Բաղրամյանը: Դա մեր առաջին հանդիպումն էր, մեր բարեկամության սկիզբը: Ես չեմ հիշում Մոսկվայում իմ բեմագրություններից կամ հյուրախաղերից որե՞ մեկը, որ առաջին ներկայացումներին ներկա չգտնվեի իվան Խրիստափորովիչը: Նա սիրում էր թատրոնը և կրքոտ ու «անողորմ» հանդիսատես էր: Իսկ հանդիպումների ժամանակ, լինե՞ր դա Մոսկվայում մարշալի

տանը թե Երևանում ինձ մոտ, նա հաճախ էր խոսում թատրոնի, մասնավորապես հայ թատրոնի մասին: Դուցե՞ նա երաժշտագետի հետ խոսում էր երաժշտության, ճարտարապետի հետ՝ ճարտարապետության, գրողների հետ՝ գրականության մասին: Բայց նա ինձ համար ամբողջ կյանքում մնաց սքանչելի, անկեղծ մարդ և թատրոնի մեծ երկրպագու»¹⁴⁹:

Բաղրամյանը շատ էր սիրում նաև երաժշտություն: Հատկապես բարձր էր գնահատում Արամ Խաչատրյանին, որի նկատմամբ շատ նրբազգաց էր. «Նա մի հրաբուխ է, որ դեռևս լրիվ չի ժայթքել», — մի առիթով ասել է մարշալը կոմպոզիտորի մասին և հավատում էր, որ Արամ Իլիչը գլուխգործոցներ դեռ շատ կստեղծի: Տաղանդավոր լրագրող, մոսկվաբնակ Ալբերտ Գասպարյանի վկայությամբ, Բաղրամյանը երկար կարող էր լսել խմբերգեր: Ահա թե ինչու նա Մոսկվայում գրեթե բաց չէր թողնում Հայաստանի պետական երգչախմբի համերգները: Սիրում էր լսել Կոմիտաս, Եկմալյան, հայկական ժողովրդական երգեր, «Երջանկություն էր, որ անվանի երաժիշտ Արամ Տեր-Հովհաննիսյանից հետո երգչախումբը գլխավորեց Հովհաննես Չեքիջյանը՝ նրբաճաշակ, եռանդագին մի երաժիշտ, որը կարողացավ պահպանել ու զարգացնել հայ խմբային երգարվեստի լավագույն ավանդույթները, — լրագրողի հետ ունեցած զրույցի ժամանակ ասել է մարշալը: — Հայ ժողովրդական երգի մշակման, զարգացման ու մասսայականացման գործում, իմ կարծիքով, մեծ դեր է խաղում Հայաստանի երգի պարի անսամբլը Թաթուլ Ալթունյանի ղեկավարությամբ, ինչպես և ժամանակին քիչ բան չի արել աշուղական անսամբլը Վաղարշակ Սահակյանի գլխավորությամբ: Հիշում եմ երգի ու պարի անսամբլի ելույթները պատերազմի տարիներին մեր ռազմաճակատում: Դրանք անմոռանալի, հուզիչ հանդիպումներ էին: Պատկերացնում եք, չորս կողմը կռիվ է, պայթյուն, ճիշտ է, մեր

¹⁴⁹ Ալբերտ Գասպարյան, նշվ. աշխ., էջ 307:

գործերը հաղթականորեն թշնամուն քշում էին մեր հողից, բայց բոլոր դեպքում ռազմաճակատը մնում է ռազմաճակատ: Ու ահա մի պահ պատկերացրեք ռումբերի ու արկերի պայթյունների ներքո հնչում է սրտառուչ ու քնքուշ հայկական երգը: Մեր հուզմունքն ու ապրումները բառերով դժվար է նկարագրել: Պետք է լինիլ ռազմաճակատում, որպեսզի զգալ այն ամենը, ինչ մենք էինք զգում այդ պահին: Համերգից հետո կարճատև հանդիպում ունեցանք անսամբլի հետ, միասին նկարվեցինք: Դա 1944 թ. աշնանն էր»¹⁵⁰: Ռազմաճակատում գտնվելու երկու ամսվա ընթացքում Հայկական երգի պարի անսամբլը տվեց 100-ից ավելի համերգ: Անսամբլի 28 անդամներից 18-ը պարզեատրվեցին շքանշաններով ու մեդալներով: Կարմիր աստղի շքանշանով պարգևատրվածների թվում էին՝ Թաթուլ Ալթունյանը, Եվգենյա Բաղդասարյանը, Թամարա Դեմուրյանը, էդուարդ Մանուկյանը և ուրիշներ¹⁵¹:

Մարշալի երաժշտական հետաքրքրությունները չէին սահմանափակվում միայն ժողովրդական երգերով: Նա սիրում էր դասական, սիմֆոնիկ երաժշտություն, հիանում էր Արամ խաչատրյանի Երկրորդ սիմֆոնիայով, Մեծ թատրոնի մեներգիչ Պավել Լիսիցյանի ձայնով ու կատարողական արվեստով: Պավել Լիսիցյանին առաջին անգամ լսել էր դեռ 1939 թվականին, Մոսկվայի Հայկական արվեստի տասնօրյակի օրերին: Այդ ժամանակներից էլ սկիզբ էր առել նրանց բարեկամությունը: Եվ ահա տաղանդաշատ երգչին նվիրելով իր հուշերի գիրքը՝ մարշալը մակագրել է. «Պավլիկ, Պավլիկ, իմ ամենասիրած ու պաշտած երգիչ: Քո ձայնն այնքան հարուստ է ելեկշններով, որ երբեմն թվում է, թե լսում ես ամենալնտիր հաճելի ձայների մի նվագախումբ, և ուղում ես անընդհատ լսել ու վայելել քո բարձրագույն տաղանդը: Ամիսոս,

¹⁵⁰ Ալլեքս Գասպարյան, Մեծարվեստ զորավարը, «Ավանդարդ», 1987, 2 դեկտեմբերի:

¹⁵¹ Մ. Կ. Սահակյան, Սովետական Մերձբալթիկայի համար մղված մարտերում, էջ 99:

ես նույնանման ոչինչ չունեմ, չեմ կարող իմ գրքի պատմագրություններով շոյել քո լսողությունը և գեղարվեստական ընկալումը: Մնում եմ անշափ պարտավոր՝ քո Իվան Բաղրամյան»¹⁵²:

Բաղրամյանին դուր էին գալիս նաև Ալեքսեյ Հեքիմյանի ու Անդրեյ Բաբաևի երգերը, Միքայել Թարիվերդիևի երաժշտությունը...

Մարշալ Բաղրամյանը մեծ սեր ուներ նաև գրականության հանդեպ: Մոսկվայի կենտրոնում՝ Սիմյոն Վրաժեկ փողոցի վրա գտնվող նրա տան գրադարանը ծայրից ծայր լի էր ռազմապատմական բնույթի գրքերով: Սովետական Վոլոդյա Վոլոկ, Բագրատիոնի, Նապոլեոնի, Բրուսիլովի մասին գրքերի շարքում նրա գրադարանում իրենց պատվավոր տեղն էին գրավել նաև ռուսական, հայկական և համաշխարհային դասականների երկերը: Հայ դասականներից ամենից շատ սիրում էր Հովհաննես Թումանյանին, որի հետ Բաղրամյանը անձամբ ծանոթացել էր դեռևս 1921 թ. մարտին, Թիֆլիսում: Մարշալը կարդացել էր մեծ բանաստեղծի գրեթե բոլոր գործերը: Նրան շատ էին դուր գալիս Թումանյանի հեքիաթները իր բարեկամ, ասմունքի մեծ վարպետ Սուրեն Քոչարյանի կատարմամբ: Տաղանդավոր լրագրող Կիմ Ղալաշյանին տված հարցազրույցներից մեկի ժամանակ մարշալը ամհնայն հայոց բանաստեղծի մասին ասել է. «Ես գրականագետ չեմ և մեր ժողովրդին թողած նրա գրական ժառանգության արժեքով չէ միայն, որ ուզում եմ Հովհաննես Թումանյանին զենել պատվո պատվանդանի ամենաբարձր աստիճանին: Պարզապես նրա մասշտաբի, նրա մակարդակի հայրենասեր, մեծ մարդ ու քաղաքացի դժվարանում եմ մեկ այլ ոք նշել... Հովհաննես Թումանյանը հայ ժողովրդի ազգային անկախության, նրա երջանիկ ապագայի համար պատրաստ էր անձնագոհություն»¹⁵³.

¹⁵² Ալբերտ Գասպարյան, Մեծարվեստ գորավար, «Ավանդարդ», 1987, 2 դեկտեմբերի:

¹⁵³ Կիմ Ղալաշյան, Տասնչորս օր մարշալի հետ, էջ 15—76:

Մարշալին շատ էին դուր գալիս Ավետիք Իսահակյանի հայրենասիրական բանաստեղծությունները, որոնք հասել էին ռազմաճակատ և մարտնչել թշնամու դեմ: Վարպետի գործերին Բաղրամյանը ծանոթ էր դեռևս լենինականյան հեծյալ գնդի հրամանատար եղած ժամանակ: 1946 թ. ձմռանը Երևվանում տեղի ունեցավ հայոց երկու մեծերի հանդիպումը, որն այնուհետև կրկնվեց մի քանի անգամ և դարձավ ավանդույթ: Զորավարը ակնածանքով է հիշում առաջին հանդիպումը. «Հայաստանի աշխատավորների, գրողների, դերասանների, երաժիշտների հետ բազմաթիվ հուզիչ հանդիպումները վառ մնացին հիշողությանս մեջ: Բայց դրանից ամենամոռանալին ու սրտառուչը Ավետիք Իսահակյանի հետ հանդիպումն էր: Մեծատաղանդ ու սիրելի բանաստեղծին, իհարկե, ես դեռ շատ վաղուց գիտեի, բայց երբեք նրա հետ չէի հանդիպել: Եվ ահա զարմացած կանգնած եմ Վարպետի առջև, ինչպես ժողովուրդն էր նրան մեծարում: Կանգնած նայում եմ Վարպետի խելամիտ աչքերին: Ես հենց այդպես էլ հզոր ու իմաստուն էի նրան պատկերացնում: Նա էլ ինձ էր նայում, հետո ասաց. «Դեհ, Հովհաննես, հոգնե՛ր ես, հավանաբար... հեշտ բան չէ պատերազմը... դժվար էր, չէ՞...»¹⁵⁴:

Մարշալ Բաղրամյանը շատ էր հարգում մոսկվաբնականվանի գրող, հրապարակախոս, հասարակական գործիչ Մարիետա Շահինյանին, հիանում նրա արտակարգ աշխատասիրությանը, նրա կրքոտ խոսքով, հարցադրումների համարձակությանը: 1982 թվականի գարնանը 85-ամյա զորավարը անշափ ծանր տարավ Մարիետա Սերգենյակի մահը, որը նույնիսկ նրան որոշ ժամանակով անկողնուն դամեց:

Դեռևս Հայրենական մեծ պատերազմի տարիներին Բաղրամյանը բարեկամական հարաբերություններ էր ստեղծել 1-ին Մերձբալթյան ռազմաճակատում մարտնչող Հրաշյա Քոչարի և Սերո Խանզադյանի հետ, որոնք հետագայում դարձան անվանի գրողներ: Կապիտան Քոչարը ծառայում էր 51-րդ գրավարդիական (նախկին Հայկական 76-րդ) դիվիզիայում, որ-

¹⁵⁴ «Ավանդարդ», 1987, 2 դեկտեմբերի:

պես «Վորոշիլովեց» թերթի խմբագրության հրահանգիչ, ապա ռազմաճակատի «Առաջ դեպի թշնամին» թերթի գինվորական թղթակից: Բաղրամյանը նրան էր հանձնել ամերիկահայուհի Անահիտ Բաղրամյանի հուզիչ նամակը, որի հիման վրա Քոչարը գրեց իր հանրահայտ «Գեներալի քույրը» պատմըվածքը: Գեղարվեստական մեծ վարպետությամբ գրված այդ պատմվածքը տպագրվեց մամուլում և լայն արձագանք գտավ ընթերցողների շրջանում: «Քոչարը լուրջ ու հետաքրքիր մարդ էր,— մի առիթով նշել է մարշալը,— տաղանդավոր գրող, լավ գիտեր մեր պատմությունը: Նա խիզախ մարդ էր, անվախ: Մշտապես լինելով գործող բանակում, հաճախ էր հայտնվում կրակի առաջին գծում: Նա շատ է գրել պատերազմի մասին: Կարծում եմ, որ «Գեներալի քույրը» նրա լավագույն գործերից է: Թերևս այդ միայն ինձ է թվում»¹⁵⁵:

Ավագ լեյտենանտ Սերո Խանդադյանը 1944—1945 թվականներին 81-րդ հրաձգային կորպուսի 2-րդ հրաձգային դիվիզիայի 261-րդ հրաձգային զնդի շարքերում, որպես ականանետային վաշտի հրամանատար ակտիվորեն մասնակցել էր Մերձբալթիկայի ազատագրման և Քյոնիքսբերգի գրավման մարտերին, աչքի ընկել իր խիզախությամբ և պարզեպետով: Հայրենական պատերազմի 2-րդ աստիճանի շքանշանով: Մարտական պարգևը նրան անձամբ հանձնել էր ռազմաճակատի հրամանատարը: Շքանշանը տալուց հետո գեներալը շքանորհավորել էր սյունեցի քաջորդուն, ձեռքը հայրաբար դրել նրա ուսին և ասել. «Հայ ժողովրդի դահլիճ կայզեր Վիհելմի ամրոցը քարուքանդ արեցինք և դրանով իսկ վրեժ լուծեցինք 1915 թվականի հայկական կոտորածների համար, որ Թուրքիան իրագործեց կայսերական Գերմանիայի հովանավորությամբ»: «Բաղրամյանը մեր պարծանքն է; հայ ժողովրդի ռազմական փառքի անընկճելի մարտական դրոշմը: Այդ հաղթական դրոշմը կփոփոխվա առհավետ»,— նշել է անվանի պրո-դր¹⁵⁶:

¹⁵⁵ «Ավանգարդ», 1987, 2 դեկտեմբերի:

¹⁵⁶ Ալբերտ Դասպարյան, նշվ. աշխ., էջ 289, «Բաների Հայաստանի արխիվների», 1989, թիվ 1, էջ 15—16:

Հայ ժողովրդի մարտական փառք ու պարծանք զորավարին իրենց բանաստեղծություններն են ձոնել Նաիրի Զարյանը, Հովհաննես Շիրազը, գուսան Սերոբը և շատ ուրիշներ: Շիրազի անտիպ գործերից մեկը «Դյուցազն Բաղրամյանին» պահվում է ՀՀ ԳԱ պատմության ինստիտուտի Հայրենական մեծ պատերազմի պատմության կաբինետի արխիվում՝ մարշալ Բաղրամյանի ֆոնդում¹⁵⁷: Շիրազը մարշալին համեմատում է դյուցազնական Սասունցի Դավթի հետ, «Արարատ սարը» թագ համարում զորավարի համար և իր նվիրական հույսերը կապում նրա հետ:

Մեծ զորավարի մասին գրականության հրախառնվորների տված գնահատականը լրիվ չի լինի, եթե մեջ չբերենք ամերիկահայ աշխարհահռչակ գրող Վիլյամ Սարոյանի հետևյալ խոսքերը. «Մենք, հայերս, ազատասեր, խաղաղ մարդիկ ենք: Բայց մեր բազմադարյան պատմությունից դիտենք ոչ քիչ դեպքեր, երբ Հայրենիքը հայտնվել է վտանգի մեջ, մեր ժողովրդի զավակները զենք ու զրահ են կապել և դուրս եկել պաշտպանելու նրա պատիվն ու անստությունը: Դաժան ու ատելի ոստիկ դեմ մղած պայքարում ծնվել են խիզախ ու քաջարի զինվորներ, զորավարներ: Այդպես եղիլ է հնում: Այդպես եղավ և Երկրորդ համաշխարհային պատերազմի տարիներին: Մեր ժողովրդի այդպիսի քաջարի զավակներից մեկն է Հովհաննես Բաղրամյանը: Պատերազմի տարիներին նրա տարած հաղթանակներով ուրախանում էինք մենք՝ հեռավոր Ամերիկայի հայերս: Նրա անունով հպարտանում էին ճակատագրի բերումով ամբողջ աշխարհով մեկ սփռված հայերը... Երբեք չեմ մոռանա իմ միակ հանդիպումը մարաշախտ¹⁵⁸ Բաղրամյանի հետ: Ծն նրան հենց այդպես էլ պատկերացնում էի՝ հզոր, առնական, իմաստուն և բարի: Դա ինձ համար երջանիկ օր էր...»¹⁵⁹:

¹⁵⁷ ՀՄՊՊԿԱ, ֆ. Մարշալ Բաղրամյան, գ. 8, թիվ. 27—29:

¹⁵⁸ Մարաշախտ՝ մարշալ:

¹⁵⁹ Ալբերտ Դասպարյան, նշվ. աշխ., էջ 303:

Բաղրամյանը հայ իրականության հետ կապված է եղել նաև բազմաթիվ այլ թեկնածու։ Չնայած ծառայության բերումով նրա խիստ զբաղված լինելուն, նա գիտագործնական կապեր էր հաստատել Հայաստանի գիտությունների ակադեմիայի պատմության ինստիտուտի Հայրենական մեծ պատերազմի պատմության հարցերով զբաղվող մասնագետների հետ։ Մասնավորապես բեղմնավոր էր մարշալի և ինստիտուտի բաժնի վարիչ, պատմական գիտությունների դոկտոր, պրոֆեսոր Արամայիս Մնացականյանի համագործակցությունը։ Երբ 1975 թ. պրոֆեսոր Մնացականյանը հրատարակեց «Միասնական շաքերում» արժեքավոր մենագրությունը, գրքի առաջաբանը պատկանում էր ղորավարի գրչին։ 1978 թ. լույս տեսավ ճանաչված պատմաբանի «Մարշալ Բաղրամյան» աշխատությունը, որը հայ իրականության մեջ առ աչօր մեծ ղորահրամանատարի կյանքին ու գործունեությանը նվիրված լավագույն գրքերից մեկն է։

Մարշալի հետ բարեկամական սերտ կապեր էր հաստատել ակադեմիկոս Գևորգ Ղարիբջանյանը, որը 1973 թ. հրատարակեց «Մարշալ Բաղրամյանը հայ ժողովրդի ազատագրական պատերազմի մասին» աշխատությունը, իսկ 1987-ին՝ պատմական գիտությունների դոկտոր, պրոֆեսոր Արեւ Սիմոնյանի համահեղինակությամբ՝ «Մարշալ Բաղրամյան» գիտահանրամատչելի գրքուկը։ Տարբեր տարիների ընթացքում մամուլում լույս են տեսել ակադեմիկոսի տասնյակ հոդվածներ, որտեղ լուսաբանվել են ղորավարի կյանքի էջերից մի քանիսը։

Բաղրամյանի հետ գիտագործնական լայն կապեր էր հաստատել նաև պատմության ինստիտուտի մեկ այլ աշխատակից, Արխիլային վարչության պետ, պատմական գիտությունների դոկտոր, պրոֆեսոր, պահեստի գնդապետ Աշոտ Հարությունյանը։ Նրա համառ ջանքերով Հայաստանի նորագույն պատմության պետական կենտրոնական արխիվում հավաքվեց մարշալ Բաղրամյանի կյանքն ու գործունեությունը լուսաբանող բազմաթիվ փաստաթղթեր, որը նրան էր տը-

լամադրել մարշալը, և ստեղծեց համապատասխան ֆոնդ: Արխիվում կահավորվեց նաև ղորավարի հիշատակին նվիրված սենյակ, որտեղ պահվում են մի քանի հարչուրի հասնող լուսանկարչական ավբոմներ, շնորհավորական ուղերձներ, զանազան հետաքրքիր վավերագրեր:

Մարշալ Բաղրամյանի մարտական դործունեությունը լուսաբանվել է նաև պատմաբաններ Երվանդ Խալեյանի, Մարտո Սահակյանի, տղերքիս հեղինակի մի շարք աշխատություններում և հոգվածներում:

Բաղրամյանի մասին իրենց աշխատություններում զգալի տեղ են հատկացրել պատմական գիտությունների դոկտոր, պրոֆեսոր Վիկտոր Մուրադյանը, որը հատկապես լուսաբանել է մարշալներ Ժուկովի և Բաղրամյանի անշահախնդիր ընկերության թեման, գեներալ-մայոր, Խորհրդային Միության հերոս Աշոտ Ղազարյանը, մամուլում արժեքավոր հոգվածներ են հրատարակել անվանի բանաստեղծուհի Սիլվա Կապուտիկյանը, պատմական գիտությունների դոկտոր, պրոֆեսոր Խիկար Բաբսեղյանը, զլավլիտի նախկին պետ Գրիգոր Մարտիրոսյանը, պահեստի գնդապետներ Լևոն Ստեփանյանը, Հրանտ Հովհաննիսյանը, շնորհաշատ լրագրողներ Ալբերտ Գասպարյանը, Կիմ Ղալաչյանը, գրող Բենիկ Սեյրանյանը և ուրիշներ: Երբ հարցազրույցներից մեկի ժամանակ Կիմ Ղալաչյանը հարցրել էր մարշալին, թե ամենից շատ նա ի՞նչն է ատում, զորավարը պատասխանել էր. «Ատում եմ ծուլությունը: Ծուլ մարդկանց՝ շրջապատի նկատմամբ անտարբերությունը տանել չեմ կարող: Անսահման ատում եմ դավաճանությունը՝ ընտանիքի, ընկերոջ, ժողովրդի և պետության հանդեպ»: Իսկ ո՞վ է ձեր ամենասիրելի զորավարը հարցին, Բաղրամյանը պատասխանել է. «Մանկությունից սիրում էի Սովետորդին, իսկ Հայրենական մեծ պատերազմում ինձ համար շատ սիրելի էին երկու զորահրամանատարներ՝ Սովետական Միության մարշալներ Ժուկովը և Վասիլևսկին: Ներանց հետ բախտ եմ ունեցել և՛ սովորել, և՛ երկար տարիներ

աշխատել: Հատկապես Հայրենական մեծ պատերազմի տարիներին մեր նախկին ընկերությունը վերածվեց մի յուրօրինակ մտերմության: Միասին հաճախ էինք հսկայական կարեւորություն ունեցող հարցեր լուծում: Պատահում էր, մինչև վճիռ ընդունելը «ընդհարվում» էինք, վիճում, ամենքս մերն ապացուցում: Իսկ վճիռն ընդունվելուց հետո, որն արդեն դառնում էր օրենք, հրաման՝ բոլորիս համար, մոռանում էինք մանրուքները: Ժուկովը և Վասիլևսկին երկուսն էլ մեր տաղանդավոր զորավարների համաստեղության ամենափայլուն աստղերից էին: Նրանց բնորոշ էր մեծ մասշտաբի, պետական հսկայական նշանակության ռազմական բարդ պրոբլեմների լուծման, ռազմաքաղաքական իրադրության խոր վերլուծման ու գնահատման, թշնամուն քաջ ուսումնասիրելու և նրա թուլությունները հմտորեն օգտագործելու, հաղթանակի նկատմամբ ստորադրյալներին հավատ ու կամք ներարկելու առանձնահատուկ շնորհք, ճակատամարտ վարելու մեծ վարպետություն, անսահման նվիրվածություն հայրենիքին»¹⁶⁰: Բաղրամյանը երբեք չդավաճանեց իր ընկերներին՝ նրանց համար ամենածանր պահերին անգամ: Հետպատերազմյան տարիներին, երբ սկզբում Ստալինի, ապա Խրուշչովի կողմից անարդարացի կերպով շնորհագրկվեց Ժուկովը, շատ ընկերներ երես թեքեցին ռուս մեծ զորավարից: Բաղրամյանն այն եղակի բացառություններից էր, որ չդավաճանեց մարտական ընկերոջն ու բարեկամին և մշտապես նեցուկ եղավ նրան: Բաղրամյանի մարդկային այդ վեհ հատկանիշները ժամանակին բարձր գնահատվեցին ոչ միայն Ժուկովի և նրա հարազատների կողմից, այլև ռուս մեծ զորավարի մահվանից երկու տասնամյակ անց Մոսկվայում 1996 թ. նոյեմբերի 19—20-ը անցկացված Ժուկովի ծննդյան 100-ամյակին նվիրված միջազգային ռազմագիտական նստաշրջանում, որի աշխատանքներին մասնակցել է նաև տողերիս հեղինակը:

¹⁶⁰ Կիմ Ղալաշյան, Տասնչորս օր մարշալ Բաղրամյանի հետ, էջ 74:

Մարշալ Բաղրամյանի կյանքի թեւը կտրվեց 1982 թ. սեպտեմբերի 21-ին, Մոսկվայում: Կառավարութեան որոշմամբ նրա թաղումը տեղի ունեցավ սեպտեմբերի 24-ին, Կարմիր հրապարակում, Կրեմլի պարսպի մոտ՝ իր մարտական ընկերների՝ մարշալներ Գ. Կ. Ժուկովի, Ա. Մ. Վասիլևսկու, Ա. Ի. Երյոմենկոյի և Կ. Կ. Ռոկոսսովսկու հարևանութեամբ: Բաղրամյանի մահախոսականում, որի տակ ստորագրել էին կուսակցութեան, կառավարութեան և զինված ուժերի 60 ղեկավարներ, նշված էր. «Այն բոլոր պաշտոններում, որոնք վստահվում էր Հ. Ք. Բաղրամյանին, նա անշեղորեն դրսևորում էր բարձր պատասխանատվություն հանձնարարված գործի համար, ստեղծագործական նախաձեռնություն, ղորուպետի կազմակերպչական տաղանդ: Նրա համար բնորոշ էին հսկայական աշխատունակությունը, խոր լրջախոհությունը, պահանջկոտությունն ու ղգայուն վերաբերմունքը պաշտոնակիցների և ստորագրչալների նկատմամբ: Իվան Քրիստափորովիչը վաստակել էր սովետական մարզկանց մեծ սերն ու հարգանքը... նրա հիշատակը ընդմիշտ կպահպանվի բանակի ու նավատորմի ռազմիկների, սովետական բոլոր մարզկանց սրտերում»¹⁶¹: Հարկ ենք համարում հիշեցնել, երբ Կարմիր հրապարակում տեղի էր ունենում անվանի ղորավարի թաղման հանդիսավոր արարողությունը, նույն պահին այսպես կոչված «եղբայրական Աղբբեջանում», որտեղ ծնվել էր մարշալը, շտեմնված ցուցաղբբական տոնախմբություն էր, որին ականատես եղան միլիոնավոր մարդիկ հեռուստատեսութեամբ: Բաքվի փողոցները լիքն էին տոնական հագնված մարզկանցով, փողոցներում փռված էին գորգեր և բաղմբրանգ ծաղիկներ: Այդ օրը Բաղրամյանի «հայրենակիցները» ողջունում էին ԽՄԿԿ Կենտկոմի գլխավոր քարտուղար Լ. Ի. Բրեժնեկին՝ Աղբբեջանում գտնվելու համար: Մարշալի մահախոսականի տակ ստորագրած երկրի առաջին ղեմքը այդ պահին ոչ թե հոտնկայս կամ գլխիկոր հարգում էր մեծ ղորավարի հիշատակը, այլ մանկան հրձկանքով հիանում Աղբբ-

¹⁶¹ «Սովետական Հայաստան», 1982, 23 սեպտեմբերի:

բեջանի կոմկուսի 1-ին քարտուղար Հեյդար Ալիևի նվիրած ադամանդե մատանիով: Իսկ մահախոսականի տակ իր ստորագրութիւնը դրած Ադրբեջանի առաջին դեմքը, չթաքցնելով հրճվանքը, ներկաների բուռն ծափահարութիւնների և փողոցներում զուռնա-գոլի նվագի տակ պարողների վայրենի ճիւղերի ներքո գրկախառնվել էր Բրեժնևի հետ: Այսպես էր «ինտերնացիոնալ» Ադրբեջանը սգում իր հայրենակցի մահը: Մահախոսականի տակ ստորագրած մեկ ուրիշ առաջին դեմք՝ Կոմկուսի գլխավոր քարտուղար, ԽՍՀՄ առաջին և վերջին պրեզիդենտ Մ. Ս. Գորբաչովը մարշալի մահվանից ավելի քան 10 տարի անց, առանց աչքն իսկ թարթելու, հրամայեց զորքերին բռնի կերպով գաղթեցնել զորավարի հայրենի Չարդախլու գյուղի բոլոր բնակիչներին: Վերակառուցման «մեծ կոմբինատորը» այսպես էր վարձահատույց լինում հայրենիքին երկու մարշալ և բազմաթիվ բարձրաստիճան սպաներ ու զինվորներ պարգևած գյուղին...

Մարշալ Բաղրամյանի մահը մեծ կորուստ էր հայ ժողովրդի համար: Ահա թե ինչու մեծ զորավարի հիշատակը հավերժացնելու նպատակով ՀԽՍՀ Գերագույն խորհրդի նախագահութեան 1983 թ. մայիսի 6-ի հրամանագրով Հայաստանում կազմակերպվեց վարչական նոր շրջան, որին տրվեց Բաղրամյանի անունը: Նույն օրը Երևանի քաղաքային խորհրդի գործադիր կոմիտեի որոշմամբ մայրաքաղաքի կենտրոնական Բարեկամութեան փողոցը վերանվանվեց Բաղրամյան պողոտայի, իսկ մետրոպոլիտենի «Սարալանջ» կայարանը՝ «Մարշալ Բաղրամյան կայարանի»¹⁶²: 1984 թ. աշնանը Կերչի նավաշինարարներն ավարտեցին «Մարշալ Բաղրամյան» հեղուկանավի կառուցման աշխատանքները: 64 հազար տոննա բեռնատարողութեամբ նավը մշտական գրանցում ստացավ Նովորոսիյսկի ծովային նավահանգիստում:

Հայ ժողովրդի պանծալի պավակի հիշատակը հավերժացնելու նպատակով 1993 թ. նոյեմբերի 2-ին Երևանում

¹⁶² «Սովետական Հայաստան», 1984, 8 մայիսի:

ստեղծվեց «Մարշալ Բաղրամյան» հիմնադրամը՝ զորավարի եղբոր տղայի, գեներալ-մայոր Իլյա Ալեքսեյի Բաղրամյանի զխավորութեամբ: Հիմնադրամի կարևոր խնդիրներից են նաև Երևանում մարշալի տուն-թանգարան ստեղծելը, մայրաքաղաքի համանուն պողոտայի վրա մարշալի հուշարձանի կառուցումը, հրիտասարդութեան ռազմահայրենասիրական դաստիարակութեան նպաստումը և այլն: Գեներալ-մայոր Ի. Ա. Բաղրամյանի վաղաժամ մահից հետո հիմնադրամի աշխատանքները ղեկավարում է գեներալ-մայոր Բաճիկի Միքայելի Կարապետյանը:

Ի նշանավորումն խորհրդային Միութեան կրկնակի հերոս, խորհրդային Միութեան մարշալ Հովհաննես Բաղրամյանի ծննդյան 100-ամյակի, որը լրանում է այս տարի՝ 1997 թ. դեկտեմբերի 2-ին, Հայաստանի Հանրապետության նախագահ Լևոն Տեր-Պետրոսյանի՝ 1997 թ. մայիսի 8-ի հրամանագրով ստեղծվեց հոբելյանական տոնակատարության կազմակերպման պետական հանձնաժողով՝ Հայաստանի Հանրապետության պաշտպանության նախարար Վաղէկ Սարգսյանի ղեկավորութեամբ: Հանձնաժողովի կազմում բնդրվեց տասը մարդ, որոնց թվում՝ Հայաստանի գիտությունների ազգային ակադեմիայի պրիվիլեյնտ, ակադեմիկոս Պալեյ Սարգսյանը, Երևանի քաղաքապետ Վանո Սիրադեղյանը, գեներալ-գնդապետ Գուրգեն Դալիրալթյանը և ուրիշներ: Սույն աշխատութեան հրատարակումը հոբելյանական միջոցառումներից մեկն է:

Մարշալ Հ. Ն. Բաղրամյանի ծննդյան 100-ամյակին նրվիրված հոբելյանական միջոցառումներ են նախատեսվել նաև Ռուսաստանում: Դրանցից առաջինը 1997 թ. օգոստոսի 30-ին Մոսկվայում Հայրենական մեծ պատերազմի պատմութեան կենտրոնական թանգարանում ակահավոր զորահրամանատարի փառապանծ հոբելյանին նվիրված յուրահանդեսի բացումն էր, որին ներկա գտնվեց Հայաստանի շանրապետութեան նախագահ Լևոն Տեր-Պետրոսյանը: Խորհրդանշական է, որ նա դրանից մեկ օր առաջ Ռուսաստանի Դաշնութեան նա-

խագահ Բ. Ն. Ելցինի հետ ստորագրել էր «Ռուսաստանի Դաշնության և Հայաստանի Հանրապետության միջև բարեկամության, համագործակցության և փոխադարձ օգնության մասին» պայմանագիրը, ինչպես նաև «Ռուս-հայկական համատեղ հռչակագիրը»¹⁶³:

Ցուցահանդեսի բացման ժամանակ արտասանած իր ելույթում Հայաստանի Հանրապետության նախագահ Լևոն Տեր-Պետրոսյանն ասաց. «Իմ այցի ծրագիրը բավական հագեցած է տարբեր միջոցառումներով, բայց ես առանձնապես ուրախ եմ, որ պատիվ ունեմ մասնակցելու հայ և ռուս ժողովուրդների փառապանծ դավակ մարշալ Բաղրամյանի 100-ամյակին նվիրված ցուցահանդեսի բացմանը: Բաղրամյանի անունը շափաղանց թանկ է յուրաքանչյուր հայի համար, նրա ղեկավարած զորքերը հաղթանակ են ձեռք բերում ինչպես Ռուսաստանում, այնպես էլ աշխարհի շատ երկրներում: Մեծ զորավար Բաղրամյանը անցավ զինվորական ծառայության բոլոր աստիճաններով՝ հասնելով մարշալի բարձր կոչմանը: Նա այն քչերից էր, որ պատերազմի տարիներին ռազմաճակատի հրամանատար էր: Անկոտրում կամք, արիություն և քաջություն, այս հատկությունները բնորոշ էին Բաղրամյանին: Եվ դա բնական է, եթե մենք հիշենք, որ նա ծնվել և մեծացել է Ղարաբաղում, մի երկիր, որը տվել է տաղանդավոր զորահրամանատարների մի ամբողջ համաստեղություն: Բաղրամյանը համարվում է մեր երկու ժողովուրդների ազգային հերոս, մի շեփոխ, որը հավերժ մնում է ժողովրդի հոգում: Բաղրամյանի կյանքը և գործը մարմնավորում են մեր երկու ազգերի իսկական մարտական ընկերության ոգին: Եվ բացելով այս ցուցահանդեսը, ես ուզում եմ իմ խորին երախտագիտությունը հայտնել Ձեզ՝ նշանավոր զորավարի և հայրենասերի հիշատակը վառ պահելու համար»¹⁶⁴:

¹⁶³ «Հայաստանի Հանրապետություն», 1997, 30 օգոստոսի:

¹⁶⁴ «Հայ Զինվոր», 1997, 6—13 սկստեմբերի, էջ 5:

Այնուհետև ելույթ ունեցավ Ռուսաստանի Դաշնության պաշտպանության նախարար, բանակի գեներալ Իգոր Սերգեևը. «Բաղրամյանի կյանքի ուղին հայրենիքին անմոռաց ծառայելու մի ցայտուն օրինակ է,— ասաց նա:— Առաջին աշխարհամարտի տարիներին կամավոր ընդունվելով ռուսական բանակի շարքերը, Բաղրամյանն իր ողջ կյանքը կապեց զինված ուժերի հետ, որոնց կազմում փառավոր ուղի անցավ շարքայինից մինչև մարշալ, Խորհրդային Միության կրկնակի հերոս: Նա մարտնչում էր թուրք զավթիչների դեմ Կովկասյան ռազմաճակատում, և նաև նրա անձնական արիության շնորհիվ էր, որ թշնամիները չկարողացան ծնկի բերել Անդրկովկասի և Ռուսաստանի ժողովուրդներին: Քաղաքացիական պատերազմից հետո, զբաղվելով հրամանատարական, դասախոսական և շտաբային աշխատանքով, Բաղրամյանը դրոսկորեց իրեն որպես ղինվորների դաստիարակման փայլուն և հմուտ մասնագետ: Շատ թանկ է մեզ համար այն կարճ բնութագիրը, որը տվել է Բաղրամյանին Գեորգի Ժուկովը դեռ նախապատերազմական տարիներին. «Ես ճանաչում եմ Բաղրամյանին որպես չափազանց լրջախոհ, հանգիստ, աշխատասեր և կիրթ մարդու»: Բաղրամյանի բոլոր այս հատկությունները վառ կերպով դրսևորվեցին Հայրենական մեծ պատերազմի թեթ տարիներին: Նա դարձավ մեր հայրենիքի ամենանըշանավոր զորավարներից մեկը: Զբաղեցնելով բազմաթիվ պատասխանատու պաշտոններ՝ Հարավարևմտյան ռազմաճակատի շտաբի պետ, Հարավարևմտյան ուղղության զորքերի շտաբի պետ, 1-ին Մերձբալթյան և 3-րդ Բելոռուսական ռազմաճակատների զորքերի հրամանատար, Բաղրամյանը չափազանց մեծ հռանդ ներդրեց Ֆաշիստական Գերմանիայի ջախջախման գործում: Նրա անվան հետ են կապված մի շարք խոշորագույն գործողությունների պլանավորումն ու իրագործումը: Դրանց թվում են Ռուսաստանի, Բելոռուսիայի, Մերձբալթիկայի ազատագրումը, Ֆաշիստական զորքերի ջախջախիչ պարտությունը Արևելյան Պրուսիայում: Կյանքի վերջին տարիներին, զբաղեցնելով ԽՍՀՄ Զինված ուժերում բազմա-

թիվ պատասխանատու պաշտոններ, Բաղրամյանն օգտագործում էր մարտի դաշտերում ստացած իր հարուստ փորձը։ Բացելով այս ցուցահանդեսը, մենք նաև հարգանքի տուրք ենք մատուցում հարյուր հազարավոր հայ ղինվորներին, որոնք կռվում էին մեր ժողովրդի հետ ուս ուսի։ Հայրենական մեծ պատերազմի տարիները և հետագա իրադարձությունները մեկ անգամ ևս հաստատեցին, որ Հայաստանի և Ռուսաստանի բարեկամությունը վիթխարի ուժ է»¹⁶⁵։

¹⁶⁵ Նույն տեղում։

ԿԼԻՄԵՆՏ ԱՄԱՍԻՅԱՆԻ ՀԱՐՈՒԹՅՈՒՆՅԱՆ

ՄԱՐՇԱԼ ԲԱԳՐԱՄՅԱՆ

АРУТЮНЯН КЛИМЕНТ АМАСИЯЕВИЧ

МАРШАЛ БАГРАМЯН

Հրատ. խմբ. Ա. Լ. ՍԱՀԱԿՅԱՆ

Նկարիչ Հ. Ա. ՄԱՄՅԱՆ

Տեխ. խմբագիր Վ. Զ. ՍՏԵՓԱՆՅԱՆ

Հանձնված է շարվածքի 19.08.1997 թ.: Ստորագրված է տպագրության
22.09.1997 թ.: Զափր $84 \times 108^{1/32}$: Թուղթ № 1: Տառատեսակ «Գրքի
սովորական»: Բարձր տպագրություն: Տպագր. 8,5 մամուլ: Տպաքանակ 500:
Պատվեր № 24: Գինը՝ պայմանագրային:

ՀՀ ԳԱԱ «Գիտություն» հրատարակչություն,
375919, Երևան, Մարշալ Բաղրամյան պող., 24դ.:
ՀՀ ԳԱԱ «Գիտություն» հրատարակչության տպարան,
378410, ք. Աշտարակ, 2:

A 11
85573